


吳志 五十五至

六十五畢

吳志凡二冊

國志第七畢



吳書十

三國志五十五

程黃韓蔣周陳董甘凌徐潘丁傳第十

偏裨驍將居一傳

程普字德謀右北平土垠人也初為州郡吏有容貌計略善於應對從孫堅征伐討黃巾於宛鄧破董卓於陽人攻城野戰身被創夷堅薨復隨孫策在淮南從攻廬江拔之還俱東渡策到橫江當利破張英于麋等轉下秣陵湖熟句容曲阿普皆有功增兵二千騎五十四石進破烏程石木波門陵傳餘杭普功為多策入會稽以普為吳郡都尉治錢唐後徙丹陽都尉居石城復討宣城涇安吳陵陽春穀諸賊皆破之策嘗攻祖郎大為所圍普與一騎共蔽汗策驅馬疾呼以矛突賊賊披策因隨出後拜盪寇中郎將領零陵太守從討劉勲於尋陽進攻黃祖於沙羨還鎮石城策薨與張昭等共輔孫權遂周旋三郡平討不服又從征江夏還過豫章別討

四李方校作

李方云石頭已名石城

此石城縣非石頭也

上場齊善

新錄曰後漢

書方城信高

獲遠石城在

今蘇州西南

新案蘇州石城縣志丹陽郡有石城縣當是石獲兩道也

季方云普未封而食四縣使自取其租賦以奉主平也

風俗通義類黃子廣每飲馬椒夜錢若水然則公是之祖自賴川愛也

我整枚亂以練習習擊鳥合乃可如此用奇

樂安樂安平定代太史慈備海昏與周瑜為左右督破曹公於烏林又進攻南郡走曹仁拜裨將軍領江夏太守治沙羨食四縣先出諸將普最年長時人皆呼程公性好施與喜士大夫周瑜卒代領南郡太守權分荊州與劉備普復還領江夏遷盪寇將軍卒書

曰普殺叛者數百人皆使投火即日病篤百餘日卒吳書曰故南陽太守黃子廉之後也枝葉分難自祖遷權稱尊號追論普功封子咨為亭侯

黃蓋字公覆零陵泉陵人也吳書曰故南陽太守黃子廉之後也枝葉分難自祖遷雖處貧賤不自同於凡庸常以負薪餘潤學書疏講兵事初為郡吏察孝廉辟公府孫堅舉義兵蓋從之堅南破山賊北走董卓拜蓋別部司馬堅薨蓋隨策及權擐甲周旋蹈刃屠城諸山越不賓有寇難之縣輒用蓋為守長石城縣吏特難檢御蓋乃署兩掾分主諸曹教曰令長不德徒以武功為官不以文吏為稱今寇賊未平有軍旅之務一以文書委付兩掾當檢攝諸曹糾摘謬誤兩掾所署事入諾山出若有姦欺終不加以鞭

杖宜各盡心無為眾先初皆怖威夙夜恭職久之吏以蓋不視文書漸容人事蓋亦嫌外懈怠時有所省各得兩掾不奉法數事乃悉請諸掾吏賜酒食因出事詰問兩掾辭屈皆叩頭謝罪蓋曰前已相勅終不以鞭杖相加非相欺也遂殺之縣中震慄後轉春穀長尋陽令凡守九縣所在平定遷丹陽都尉抑強扶弱山越懷附蓋姿貌嚴毅善於養眾每所征討士卒皆爭為先建安中隨周瑜拒曹公於赤壁建築策火攻語在瑜傳吳書曰赤壁之役蓋為流矢所中時乘墮蓋自強以一聲呼韓當當聞之曰此公覆聲也向之垂涕解易其衣遂以得生拜武鋒中郎將武陵蠻夷反亂攻守城邑乃以蓋領太守時郡兵才五百人自以不敵因開城門賊半入乃擊之斬首數百餘皆奔走盡歸邑落誅討魁帥附從者赦之自春訖夏寇亂盡平諸幽邃巴醴由誕邑侯君長皆改操易節奉禮請見郡境遂清後長沙益陽縣為山賊所攻蓋又平討加偏將軍

積一清曰由油水延廣澹水也中修澹水也東澹水出焉

病卒于官蓋當官決斷事無留滯國人思之吳書曰又圖畫蓋形四時祠祭及權踐祚

追論其功賜子柄爵關內侯

韓當字義公遼西令支人也今音郎定反支音巨兒反以便弓馬有膂力幸於孫堅

從征伐周旋數犯危難陷敵禽虜為別部司馬吳書曰當勤苦有功以軍旅陪隸分於英豪故爵位

不加終於堅世及孫策東渡從討三郡遷先登校尉授兵二千騎五十

匹從征劉勳破黃祖還討鄱陽領樂安長山越畏服後以中郎將

與周瑜等拒破曹公又與呂蒙襲取南郡遷偏將軍領永昌太守

宜都之役與陸遜朱然等共攻蜀軍於涿鄉大破之徙威烈將軍

封都亭侯曹真攻南郡當保東南在外為帥厲將士同心固守又

敬望督司奉遵法令權善之黃武二年封石城侯遷昭武將軍領

冠軍太守後又加都督之號將敢死及解煩兵萬人討丹陽賊破

之會病卒子綜襲侯領兵其年權征石陽以綜有憂使守武昌而

綜淫亂不軌權雖以父故不問綜內懷懼吳書曰綜欲叛恐左右不從因讒

旅大患後因詐言被詔以部曲為寇盜見詰讓云將吏以下當並收治又言恐罪自及左右因曰

惟當去耳遂共圖計以當葬父盡呼親戚姑姊悉以嫁將吏所幸婢妾皆賜與親近殺牛飲酒飲

血與其載父喪將母家屬部曲男女數千人奔魏魏以為將軍封廣

陽侯數犯邊境殺害人民權常切齒東興之役綜為前鋒軍敗身

死諸葛恪斬送其首以白權廟

蔣欽字公奕九江壽春人也孫策之襲袁術欽隨從給事及策東

渡拜別部司馬授兵與策周旋平定三郡又從定豫章調授葛陽

尉歷三縣長討平盜賊遷西部都尉會稽治賊呂合秦狼等為亂

欽將兵討擊遂禽合狼五縣平定徙討越中郎將以緹拘昭陽為

奉邑賀齊討黜賊欽督萬兵與齊并力黜賊平定從征合肥魏將

張遼襲權於津北欽力戰有功遷盪寇將軍領濡須督後召還都

拜津右護軍典領辭訟權嘗入其堂內母疎帳縹被妻妾布裙權

以意改

考物名

權信注

江表傳

襲袁術三字

有訛

乃經字之語

治賊即東治

賊

野澤之地

即野字

歎其在貴守約卽勅御府爲母作錦被改易帷帳妻妾衣服悉皆
錦繡初欽屯宣城嘗討豫章賊蕪湖令徐盛收欽屯吏表斬之權
以欽在遠不許盛由是自嫌於欽曹公出濡須欽與呂蒙持諸軍
節度盛常畏欽因事害已而欽每稱其善盛旣服德論者美焉江表
傳曰權謂欽曰盛前白卿卿今舉盛欲慕邪欽對曰臣聞公舉不挾私怨盛忠而勤
強有膽略器非好萬人督也今大事未定臣當助國求才豈敢挾私恨以蔽賢乎權嘉之權討

關羽欽督水軍入沔還道病卒權素服舉哀以蕪湖民二百戶田
二百頃給欽妻子子壹封宣城侯領兵拒劉備有功還赴南郡與
魏交戰臨陣卒壹無子弟休領兵後有罪失業
周泰字幼平九江下蔡人也與蔣欽隨孫策爲左右服事恭敬數
戰有功策入會稽署別部司馬授兵權愛其爲人請以自給策討
六縣山賊權住宣城使士自衛不能千人意尚忽略不治圍落而
山賊數千人卒至權始得上馬而賊鋒刃已交於左右或斫中馬

岑書作涿
以水徑涿水
注之涿評也

威疑作幼

鞍衆莫能自定惟泰奮擊投身衛權膽氣倍人左右由泰並能就
戰賊旣解散身被十二創良久乃蘇是日無泰權幾危殆策深德
之補春穀長後從攻皖及討江夏還過豫章復補宜春長所在皆
食其征賦從討黃祖有功後與周瑜程普拒曹公於赤壁攻曹仁
於南郡荊州平定將兵屯岑曹公出濡須泰復赴擊曹公退曹督
濡須拜平虜將軍時朱然徐盛等皆在所部並不伏也權特爲案
行至濡須塢因會諸將大爲酣樂權自行酒到泰前命泰解衣權
手自指其創痕問以所起泰輒記昔戰鬪處以對畢使復服歡譙
極夜其明日遣使者授以御蓋江表傳曰權把其臂因流涕交連子之曰幼平卿
畫孤亦何心不待卿以骨肉之恩委卿以兵馬之重乎卿吳之功臣孤當與卿同榮辱等休戚感
平意快爲之勿以寒門自退也卽勅以已常所用御幘青縑蓋賜之坐罷住駕使泰以兵馬導從
出鳴鼓角作鼓吹於是盛等乃伏後權破關羽欲進圖蜀拜泰漢中太守奮
威將軍封陵陽侯黃武中卒子邵以騎都尉領兵曹仁出濡須戰

有功文從攻破曹休進位裨將軍黃龍二年卒弟承領兵襲侯

陳武字子烈廬江松滋人孫策在壽春武往脩謁時年十八長七

尺七寸因從渡江征討有功拜別部司馬策破劉勲多得廬江人

料以精銳乃以武為督所向無前及權統事轉督五校仁厚好施

鄉里遠方客多依託之尤為權所親愛數至其家累有功勞進位

偏將軍建安二十年從擊合肥奮命戰死權哀之自臨其葬江表傳曰權命

以其愛妾殉葬復客二百家孫盛曰昔三良從秦穆所以不征魏妾既出社子脩有武

風年十九權召見獎厲拜別部司馬授兵五百人時諸將新兵多

有逃叛而脩撫循得意不失一人權奇之拜為校尉建安末追錄

功臣後封脩都亭侯為解煩督黃龍元年卒弟表字文奧武庶子

也少知名與諸葛恪顧譚張休等並侍東宮皆共親友尚書暨艷

亦與表善後豔遇罪時人咸自營護信厚言薄表獨不然士以此

重之徙太子中庶子拜翼正都尉兄脩亡後表母不肯事脩母表

謂其母曰兄不幸早亡表統家事當奉嫡母母若能為表屈情承

順嫡母者是至願也若母不能直當出別居耳表於大義公正如

此由是二母感寤雍穆表以父死敵場求用為將領兵五百人表

欲得戰士之力傾意接待士皆愛附樂為用命時有盜官物者疑

無難士施明明素壯悍收考極毒惟死無辭廷尉以聞權以表能

得健兒之心詔以明付表使自以意求其情實表便破械沐浴易

其衣服厚設酒食歡以誘之明乃首服具列支黨表以狀聞權奇

之欲全其名特為赦明誅戮其黨遷表為無難右部督封都亭侯

以繼舊爵表皆陳讓乞以傳脩子延權不許嘉禾三年諸葛恪領

丹陽太守討平山越以表領新安都尉與恪參勢初表所受賜復

人得二百家在會稽新安縣表簡視其人皆堪好兵乃上疏陳讓

惟元板作

陳景雲曰表者
作都星時新
都都未改新
也者理信注亦
三都都尉陳表

此事固非
之論亦奇
也

所謂後人者不知
是有罪之人乎若
後以正戶農民補
其處則直以平民
貴將家為重獲
救之後世所謂
戶其毒虐又有甚
焉江左遺黎何
堪三世蓋天降
風疾此下民遭
此幸也。驅戶出
金史

乞以還官充足精銳詔曰先將軍有功於國國家以此報之卿何
得辭焉表乃稱曰今除國賊報父之仇以人為本空枉此勁銳以
為僮僕非表志也皆輒料取以充部伍所在以聞權甚嘉之下郡
縣料正戶贏民以補其處表在官三年廣開降納得兵萬餘人事
捷當出會鄱陽民吳遽等為亂攻沒城郭屬縣搖動表便越界赴
討遽以破敗遂降陸遜拜表偏將軍進封都鄉侯北屯章阮年三
十四卒家財盡於養士死之日妻子露立太子登為起屋宅子敖
年十七拜別部司馬授兵四百人敖卒脩子延復為司馬代敖延
弟永將軍封侯始施明感表自變行為善遂成健將致位將軍
董襲字元代會稽餘姚人長八尺武力過人謝承漢書稱襲志節慷慨武毅英烈孫策入
郡襲迎於高遷亭策見而偉之到署門下賊曹時山陰宿賊黃龍
羅周勃聚黨數千人策自出討襲身斬羅勃首還拜別部司馬授

兵數千遷揚武都尉從策攻皖又討劉勲於尋陽伐黃祖於江夏
策薨權年少初統事太妃憂之引見張昭及襲等問江東可保安
不襲對曰江東地勢有山川之固而討逆明府恩德在民討虜
基大小用命張昭秉眾事襲等為爪牙此地利人和之時也萬無
所憂眾皆壯其言鄱陽賊彭虎等眾數萬人襲與凌統步騭蔣欽
各別分討襲所向輒破虎等望見旌旗便散走旬日盡平拜威越
校尉遷偏將軍建安十三年權討黃祖祖橫兩蒙衝挾守沔口以
楫間大繼繫石為碇上有千人以弩交射飛矢雨下軍不得前襲
與凌統俱為前部各將敢死百人人被兩鎧乘大舸船突入蒙衝
裏襲身以刀斷兩繼蒙衝乃橫流大兵遂進祖便開門走兵追斬
之明日大會權舉觴屬襲曰今日之會斷繼之功也曹公出濡須
襲從權赴之使襲督五樓船往濡須口夜卒暴風五樓船傾覆左

扶柳作

右散走舸乞使襲出襲怒曰受將軍任在此備賊何等委去也敢

復言此者斬於是莫敢干其夜船敗襲死權改服臨喪供給甚厚

甘寧字興霸巴郡臨江人也吳書曰寧本南陽人其先客於巴郡寧為吏舉計掾補蜀郡丞頃之棄官歸家少有氣力

好游俠招合輕薄少年為之渠帥羣聚相隨挾持弓弩負毘帶鈴

民間鈴聲即知是寧吳書曰寧輕俠殺人藏舍亡命聞於郡中其出入步則陳車騎水則連輕舟侍從被文纒所如光道路任止常以繒錦維舟去或割

人與相逢及屬城長吏接待隆厚者乃與交歡不爾即放所

將奪其資貨於長吏界中有所賊害作其發負至二十餘年止不

攻劫頗讀諸子乃往依劉表因居南陽不見進用後轉托黃祖祖

又以凡人畜之吳書曰寧將僮客八百人就劉表表備人不習軍事時諸英豪各起兵不得過乃留依祖三年祖不禮之權討祖祖軍敗奔走追兵急寧以善射將兵在後射殺校尉凌

操祖既得免軍罷還營待寧如初祖都督蘇飛數薦寧祖不用令人化誘其客客稍亡寧欲去恐

不獲免獨憂悶不知所出飛知其意乃要寧為之置酒謂曰吾薦了者數矣主不能用日月逾邁

人生幾何宜自遠圖寧過知已寧良久乃曰雖有其志未知所由飛曰吾欲白子為郡長於是去

就執與臨版轉在平寧自幸甚飛白祖聽寧之縣忍懷亡客奔從者得數百人於是歸吳周瑜呂蒙皆共薦達孫權

加異同於舊臣寧陳計曰今漢祚日微曹操彌憍終為篡盜南荆

之地山陵形便江川流通誠是國之西勢也寧已觀劉表慮既不

遠兒子又劣非能承業傳基者也至尊當早規之不可後操圖之

圖之之計宜先取黃祖祖今年老昏耄已甚財穀並乏左右欺弄

務於貨利侵求吏士吏士心怨舟船戰具頓廢不修怠於耕農軍

無法伍至尊今往其破可必一破祖軍鼓行而西西據楚關大勢

彌廣即可漸規巴蜀權深納之張昭時在坐難曰吳下業業若軍

果行恐必致亂寧謂昭曰國家以蕭何之任付君君居守而憂亂

奚以希慕古人乎權舉酒屬寧曰與霸今年行討如此酒矣決以

付卿卿但當勉建方略令必克祖則卿之功何嫌張長史之言乎

權遂西果禽祖盡獲其士眾遂授寧兵屯當口吳書曰初權破祖先作兩函欲以盛祖及蘇飛首飛

李云規模殊非

將軍子

昭惟主自守

若之何占規

遠大乎宜權

之石後任甲

李云寧雖粗

猛而英發者

其人告急於寧寧曰飛若不言吾豈忘之權為諸將置酒寧下席叩頭血流交流為權言飛疇昔

情恩寧不值飛固已捐駭於溝壑不得致命於麾下今飛罪當夷戮特從將軍乞其首領權感其

宋本

李龍官曰

李作主黃祖

宋書為王也

致疑作置

范陳二吏多以致

既取夷陵則江
路通利進可以
戰運可以守

言謂曰今為君致之若走去何寧曰飛免分裂之禍受更生之
恩遂之尚必不走豈當圖亡哉若爾寧頭當代入兩權當收之
烏林攻曹仁於南郡未拔寧建計先徑進取夷陵往即得其城因
入守之時手下有數百兵并所新得僅滿千人曹仁乃令五六千
人圍寧寧受攻累日敵設高樓雨射城中士眾皆懼惟寧談笑自
若遣使報瑜瑜用呂蒙計帥諸將解圍後隨魯肅鎮益陽拒關羽
羽號有三萬人自擇選銳士五千人投縣上流十餘里淺瀨云欲
夜涉渡肅與諸將議寧時有三百兵乃曰可復以五百人益吾吾
往對之保羽聞吾欬唾不敢涉水涉水即趨吾禽肅便選千兵益
寧寧乃夜往羽聞之住不渡而結柴營今遂各此處為關羽瀨權
嘉寧功拜西陵太守領陽新下雒兩縣後從攻皖為升城督寧手
持練身緣城為吏士先卒破獲朱光計功呂蒙為最寧次之拜折
衝將軍後曹公出濡須寧為前部督受勅出斫敵前營權特賜米

元板

白削

孫策傳注
策引白削
斫席

甘寧可為特將
昔為兵臨戰場
吳人未盡其用
與霜不死
必為大將惜
年不永

酒家殺寧以料賜手下百餘人食食畢寧先以銀盃酌酒自飲兩
盃乃酌與其都督都督伏不肯時持寧引白削置膝上呵謂之曰
卿見知於至尊孰與甘寧甘寧尚不惜死卿何以獨惜死乎都督
見寧色厲即起拜持酒通酌兵各一銀盃至二更時銜枚出斫敵
敵驚動遂退寧益貴重增兵二千人
江表傳曰曹公出濡須號步騎四十萬臨
江飲馬權率眾七萬應之使寧領三千人
為前都督權密勅寧使夜入魏軍營乃選手下健兒百餘人徑詣曹公營下使拔鹿角踰壘入營
斬得數十級北軍驚駭鼓譟舉火如星寧已還入營作鼓吹稱萬歲因夜見權權喜曰是以驚駭
老子否聊以觀卿膽耳即賜絹千匹刀百口權曰益
德有張遼孤有典韋足相敵也停住月餘北軍便退寧雖麤猛好殺然開爽有計略
輕財敬士能厚養健兒健兒亦樂為用命建安二十年從攻合肥
會疫疾軍旅皆已引出唯車下虎士千餘人并呂蒙蔣欽凌統及
寧從權逍遙津北張遼覘望知之即將步騎奄至寧引弓射敵與
統等死戰寧厲聲問鼓吹何以不作壯氣毅然權尤嘉之
吳書曰凌
統怨寧殺
其父操寧常備統不與相見權亦命統不得讐之嘗於呂蒙舍會酒酣統乃以刀舞寧起曰寧能
雙戟舞家曰寧雖能未若蒙之巧也因操刀持楯以身分之後權知統意因令寧將兵遂徙屯於

元板

元板

元板

李云何意非
能知蒙母必抹
羞羞悔也

州寧廚下兒曾有過走投呂蒙蒙恐寧殺之故不即還後寧齋禮
禮蒙母臨當與升堂乃出廚下兒還寧寧許蒙不殺斯須還船縛
置桑樹自挽弓射殺之畢勅船人更增舸纜解衣臥船中蒙大怒
擊鼓會兵欲就船攻寧寧聞之故臥不起蒙母徒跣出諫蒙曰至
尊待汝如骨肉屬汝以大事何有以私怒而欲攻殺甘寧寧死之
日縱至尊不問汝是為臣下非法蒙素至孝聞母言即豁然意釋
自至寧船笑呼之曰與霸老母待卿食急上寧涕泣獻欬曰負卿
與蒙俱還見母歡宴竟日寧卒權痛惜之子瓌以罪徒會稽無幾
死

凌統字公績吳郡餘杭人也父操輕俠有膽氣孫策初興每從征
伐常冠軍履鋒守永平長平治山越姦猾斂手遷破賊校尉及權
統軍從討江夏入夏口先登破其前鋒輕舟獨進中流矢死統年

十五左右多稱述者權亦以操死國事拜統別部司馬行破賊都
尉使攝父兵後從擊山賊權破保屯先還餘麻屯萬人統與督張
異等雷攻圍之克日當攻先期統與督陳勤會飲酒勤剛勇任氣
因督祭酒陵轢一坐舉罰不以其道統疾其侮慢面折不為用勤
怒言統及其父操統流涕不答衆因罷出勤乘酒凶悖又於道路
辱統統不忍引刀斫勤數日乃死及當攻屯統曰非死無以謝罪
乃率厲士卒身當矢石所攻一面應時披壞諸將乘勝遂大破之
還自拘於軍正權壯其果毅使得以功贖罪後權復征江夏統為
前鋒與所厚健兒數十人共乘一船常去大兵數十里行入右江
斬黃祖將張碩盡復船人還以白權引軍兼道水陸並集時呂蒙
敗其水軍而統先搏其城於是大獲權以統為承烈都尉與周瑜
等拒破曹公於烏林遂攻曹仁遷為校尉雖在軍旅親賢接士輕

孫桓傳
屯成博

南阿山賊有功徙中郎將督校兵曹公出濡須從權禦之魏嘗大出橫江盛與諸將俱赴討時乘蒙衝遇迅風船落敵所下諸將恐懼未有出者盛獨將兵上突斫敵敵披退走有所傷殺風止便還權大壯之及權為魏稱藩魏使邢貞拜權為吳王權出都亭候貞貞有驕色張昭既怒而盛忿憤顧謂同列曰盛等不能奮身出命為國家并許洛吞巴蜀而令吾君與貞盟不亦辱乎因涕泣橫流貞聞之謂其旅曰江東將相如此非久下人者也後遷建武將軍封都亭侯領廬江太守賜臨城縣為奉邑劉備次西陵盛攻取諸屯所向有功曹休出洞口盛與呂範全琮渡江拒守遭大風船人多喪盛收餘兵與休夾江休使兵將就船攻盛盛以少禦多敵不能克各引軍退遷安東將軍封蕪湖侯後魏文帝大出有渡江之志盛建計從建業築圍作薄落圍上設假樓江中浮船諸將以為

無益盛不聽固立之文帝到廣陵望圍愕然彌漫數百里而江水

盛長便引軍退諸將乃伏千寶晉紀所云疑城已注孫權傳魏氏春秋云文帝歎曰魏雖有武騎千群無所用也黃武中卒

子楷襲爵領兵

潘璋字文珪東郡發干人也孫權為陽羨長始往隨權性博蕩嗜

酒居貧好賒酤債家至門輒言後豪富相還權奇愛之因使召璋

得百餘人遂以為將討山賊有功署別部司馬後為吳大市刺姦

盜賊斷絕由是知名遷豫章西安長劉表在荊州民數被寇自璋

在事寇不入境比縣建昌起為賊亂轉領建昌加武猛校尉討治

惡民旬月盡平召合遺散得八百人將還建業合肥之役張遼奄

至諸將不備陳武鬪死宋謙徐盛皆披走璋身次在後便馳進橫

馬斬謙盛兵走者二人兵皆還戰權甚壯之拜偏將軍遂領百校

屯半州權征關羽璋與朱然斷羽走道到臨沮住夾石璋部下司

潘璋為吳市
刺奸

以毛本

大字疑
功夫當時
猶不工作耳
王肅傳凡
兩見它處
小妻見
碑無行甚矣
必子

馬馬忠禽羽并羽子平都督趙累等權即分宜都至秭歸二縣為
固陵郡拜璋為太守振威將軍封溧陽侯甘寧卒又并其軍劉備
出夷陵璋與陸遜并力拒之璋部下斬備護軍馮習等所殺傷甚
眾拜平北將軍襄陽太守魏將夏侯尚等圍南郡分前部三萬人
作浮橋渡百里洲上諸葛瑾楊粲並會兵赴救未知所出而魏兵
日渡不絕璋曰魏勢始盛江水又淺未可與戰便將所領到魏上
流五十里伐葦數百萬束縛作大筏欲順流放火燒敗浮橋作筏
適畢伺水長當下尚便引退璋下備陸口權稱尊號拜右將軍璋
為人麤猛禁令肅然好立功夫所領兵馬不過數千而其所在常
如萬人征伐止頓便立軍市他軍所無皆仰取足然性奢泰末年
彌甚服物僭擬吏兵富者或殺取其財物數不奉法監司舉奏權
惜其功而輒原不問嘉禾三年卒子平以無行徙會稽璋妻居建

今殿幸改
功夫古功業
良由振者不
和古人語哉
耳

業賜田宅復客五十家

丁奉字承淵廬江安豐人也少以驍勇為小將屬甘寧陸遜潘璋
等數隨征伐戰鬪常冠軍每斬將搴旗身被創夷稍遷偏將軍孫
亮即位為冠軍將軍封都亭侯魏遣諸葛誕胡遵等攻東興諸葛
恪率軍拒之諸將皆曰敵聞太傅自來上岍必遁走奉獨曰不然
彼動其境內悉許洛兵大舉而來必有成規豈虛還哉無恃敵之
不至恃吾有以勝之及恪上岍奉與將軍唐咨呂據留贊等俱從
上西上奉曰今諸軍行遲若敵據便地則難與爭鋒矣乃辟諸軍
使下道帥麾下三千人徑進時北風奉舉帆二日至遂據徐塘天
寒雪敵諸將置酒高會奉見其前部兵少相謂曰取封侯爵賞正
在今日乃使兵解鎧著冑持短兵敵人從而笑焉不為設備奉縱
兵斫之大破敵前屯會據等至魏軍遂潰遷滅寇將軍進封都亭

陸景中曰奉考
作卿事已封亭
侯其封卿侯
係其封卿侯
為其封卿侯
係其封卿侯

元修宋本有十字
二字不可闕

同書案友
此書屬文
支堂

侯魏將文欽來降以奉為虎威將軍從孫峻至壽春迎之與敵追
軍戰於高亭奉跨馬持矛突入其陣中斬首數百獲其軍器進封
安豐侯太平二年魏大圍之遣朱異唐咨等往救復使奉與黎斐
解圍奉為先登屯於黎漿力戰有功拜左將軍孫休即位與張布
謀欲誅孫綝布曰丁奉雖不能吏書而計略過人能斷大事休召
奉告曰綝秉國威將行不軌欲與將軍誅之奉曰丞相兄弟友黨
甚盛恐人心不同不可卒制可因臘會有陛下兵以誅之也休納
其計因會請綝奉與張布目左右斬之遷大將軍加左右都護永
安三年假節領徐州牧六年魏伐蜀奉率諸軍向壽春為救蜀之
勢蜀亡軍還休薨奉與丞相濮陽興等從萬彘之言共迎立孫皓
遷右大司馬左軍師寶鼎三年皓命奉與諸葛靚攻合肥奉與晉
大將石苞書構而間之苞以徵還建衡元年奉復帥眾治徐塘因

攻晉穀陽以陽民知之引去奉無所獲皓怒斬奉導軍三年奉貴
而有功漸以驕矜或有毀之者皓追以前出軍事徙奉家於臨川
奉弟封官云王後將軍先奉死

評曰凡此諸將皆江表之虎臣孫氏之所厚待也以潘璋之不修
權能忘過記功其保據東南宜哉陳表將家支庶而與胄子名人
比翼齊衡拔萃出類不亦美乎

吳書十一

三國志五十六

朱治朱然呂範朱桓傳第十一

諸人皆將帥之良

雲凌桂陽

日碑辟治
為掾乃表
初所劫

朱治字君理丹陽故鄣人也初為縣吏後察孝廉州辟從事隨孫
堅征伐中平五年拜司馬從討長沙零桂等三郡賊周朝蘇馬等
有功堅表治行都尉從破董卓於陽人入洛陽表治行督軍校尉
特將步騎東助徐州牧陶謙討黃巾會堅薨治扶翼箠依就袁術
後知術政德不立乃勸策還平江東時太傅馬日磾在壽春辟治
為掾遷吳郡都尉是時吳景已在丹陽而策為術攻廬江於是劉
繇恐為袁孫所并遂構嫌隙而策家門盡在州下治乃使人於曲
阿迎太妃及權兄弟所以供奉輔護甚有恩紀治從錢唐欲進到
吳吳郡太守許貢拒之於由拳治與戰大破之貢南就山賊嚴白
虎治遂入郡領太守事策既走劉繇東定會稽權年十五治舉為

又古蜀

孝廉後策薨治與張昭等共尊奉權建安七年權表治為九真太守行扶義將軍割婁由拳無錫毗陵為奉邑置長吏征討夷越佐定東南禽截黃巾餘類陳敗萬秉等黃武元年封毗陵侯領郡如故二年拜安國將軍金印紫綬徙封故鄣權歷位上將及為吳王治每進見權常親迎執版交拜饗宴贈賜恩敬特隆至從行吏皆得奉贄私覲其見異如此初權弟翊性峭急喜怒快意治數責數諭以道義權從兄豫章太守賁女為曹公子婦及曹公破荊州威震南土賁畏懼欲遣子入質治聞之求往見賁為陳安危

破虜將軍昔率義兵入討董卓聲冠中夏義士壯之討逆繼世廓定六郡特以君侯骨肉至親器為時生故表漢朝剖符大郡兼建將校仍關綜兩府榮冠宗室為遠近所加討虜聰明神武繼承洪業攬結英雄周濟世務軍眾日盛事業日隆雖昔蕭王之在河北無以加也必克成王基應運東南故劉玄德遠布腹心求見拯救此天下所共知也前在東聞道之言云將軍有異之良用無然今曹公阻兵傾覆漢室幼帝流離百姓元元未知所歸而中國蕭條或百里無煙城將軍當斯時也而欲背骨肉之親違萬安之討割同氣之膚嗟治說賁曰由此遂止權常歎治

虎狼之口為一女子改慮易圖失機毫釐差以千里豈不惜哉

供下疑有脫字

憂勤王事性儉約雖在富貴車服惟供事權優異之自令督軍御史典屬城文書治領四縣租稅而已然公族子弟及吳四姓多出仕郡郡吏常以千數治率數年一遣詣王府所遣數百人每歲時獻御權答報過厚是時丹陽深地頗有姦叛亦以年向老思戀土風自表屯故鄣鎮撫山越諸父老故人莫不詣門治皆引進與共飲宴鄉黨以為榮在故鄣歲餘還吳黃武三年卒在郡三十一年年六十九子才素為校尉領兵既嗣父爵遷偏將軍

權愛異之常侍從游戲少以父任為武備校尉領兵隨從征伐屢有功捷本郡議者以才少處榮

朱然字義封治姊子也本姓施氏初治未有子然年十三乃啓策乞以為嗣策命丹陽郡以羊酒召然然到吳策優以禮然嘗與

權同書學結恩愛至權統事以然為餘姚長時年十九後遷山陰

今加折衝校尉督五縣權奇其能分丹陽為臨川郡然為太守臣松

之案此郡尋罷非今臨川郡授兵一千人會山賊盛起然平討旬月而定曹公出濡

須然備大場及三關屯拜偏將軍建安二十四年從討關羽別與

潘璋到臨沮禽羽遷昭武將軍封西安鄉侯虎威將軍呂蒙病篤

權問曰卿如不起誰可代者蒙對曰朱然膽守有餘愚以為可任

蒙卒權假然節鎮江陵黃武元年劉備舉兵攻宜都然首五千人

與陸遜并力拒備然別攻破備前鋒斷其後道備遂破走拜征北

將軍封永安侯魏遣曹真夏侯尚張郃等攻江陵魏文帝自往宛

為其勢援連屯圍城權遣將軍孫盛督萬人備州上立圍塢為然

外救郃渡兵攻盛盛不能拒即時却退郃據州上圍守然中外斷

絕權遣潘璋楊粲等解而圍不解時然城中兵多腫病堪戰者裁

五千人真等起土山鑿地道立樓櫓臨城弓矢雨注將士皆失色

然晏如而無恐意方厲吏士伺間隙攻破兩屯魏攻圍然凡六月

日未退江陵令姚泰領兵備城北門見外兵盛城中人少穀食欲

盡因與敵交通謀為內應垂發事覺然治戮泰尚等不能克乃徹

攻退還由是然名震於敵國改封當陽侯六年權自率眾攻石陽

及至旋師潘璋斷後夜出錯亂敵追擊璋璋不能禁然即還住拒

敵使前船得引極遠徐乃後發黃龍元年拜車騎將軍右護軍領

兗州牧頃之以兗州在蜀分解牧職嘉禾三年權與蜀克期大舉

權自向新城然與全琮各受斧鉞為左右督會吏士疾病故未攻

而退赤烏五年征相中襄陽記曰相音如租稅之租相中在上黃界去襄陽一百五十里魏時夷王梅敷兄弟三人部曲萬餘家屯此分布在中廬宜

城西山臨河二谷中土地平敞宜桑麻有水陸良田河南之膏腴沃壤謂之相中魏將蒲忠胡質各將數千人要遮險

隘圖斷然後質為忠繼援時然所督兵將先四出聞問不暇收合

品目詳當亦不能更開

蜀志有
此傳注
潭
日被攻凡六
月日而投
援不到

陳景雲曰志
王況等所撰
魏書也

然若無此表
無以測其所王

李批氣侯分明
旁曰四字最好
後批終日欽
四字尤好

權之愛名
將若此

便將帳下見兵八百人逆掩忠戰不利質等皆退孫氏異同評曰魏志及江表傳云然以景初元

年正始二年再出為寇所破胡質蒲忠在景初元年魏志承魏書依違不說質等為然所破而直云然退耳吳志說赤烏五年於魏為正始二年魏將蒲忠與朱然戰忠不利質等皆退按魏少帝紀及孫權傳是歲並無事當是陳壽誤以吳嘉禾六年為赤烏五年耳九年復征相中魏將李興等聞然深入率

步騎六千斷然後道然夜出逆之軍以勝反先是歸義馬茂懷姦覺誅權深忿之然臨行上疏曰馬茂小子敢負恩養臣今奉天威事蒙克捷欲令所獲震耀遠近方舟塞江使足可觀以解上下之忿惟陛下識臣先言責臣後效權時抑表不出然既獻捷群臣上賀權乃舉酒作樂而出然表曰此家前初有表孤以為難必今果如其言可謂明於見事也遣使拜然為左大司馬右軍師然長不盈七尺氣候分明內行修絜其所文采惟施軍器餘皆質素終日欽欽常在戰場臨急膽定尤過絕人雖世無事每朝夕嚴鼓兵在營者咸行裝就隊以此玩敵使不知所備故出輒有功諸葛瑾子

融步騭子協雖各襲任權特復使然總為大督又陸遜亦本功臣名將存者惟然莫與比隆寢疾二年後漸增篤權晝為減膳夜為不寐中使醫藥口食之物相望於道然每遣使表疾病消息權輒召見口自問訊入賜酒食出送布帛自創業功臣疾病權意之所鍾呂蒙凌統最重然其次矣年六十八赤烏十二年卒權素服舉哀為之感慟子績嗣

績字公緒以父任為郎後拜建忠都尉叔父才卒績領其兵隨太常潘濬討五溪以膽力稱遷偏將軍營下督領盜賊事持法不傾魯王霸注意交績嘗至其廨就之坐欲與結好績下地立辭而不當然卒績襲業拜平魏將軍樂鄉督明年魏征南將軍王昶率眾攻江陵城不克而退績與奮威將軍諸葛融書曰昶遠來疲困馬無所食力屈而走此天助也今追之力少可引兵相繼吾欲破

之於前足下乘之於後豈一人之功哉宜同斷金之義融答許績績便引兵及昶於紀南紀南去城三十里績先戰勝而融不進績後失利權深嘉績盛責怒融融兄大將軍恪貴重故融得不廢初績與恪融不平及此事變為隙益甚建興元年遷鎮東將軍二年春恪向新城要績并力而畱置半州使融兼其任冬恪融被害績復還樂鄉假節太平二年拜驃騎將軍孫綝秉政大臣疑貳績恐吳必擾亂而中國乘釁乃密書結蜀使為并兼之慮蜀遣右將軍閻宇將兵五千增白帝守以須績之後命永安初遷上大將軍都護督自巴丘上迄西陵元興元年就拜左大司馬初然為治行喪竟乞復本姓權不許績以五鳳中表還為施氏建衡二年卒

呂範字子衡汝南細陽人也少為縣吏有容觀姿貌邑人劉氏家富女美範求之女母嫌欲勿與劉氏曰觀呂子衡寧當久貧者邪

遂與之婚後避亂壽春孫策見而異之範遂自委昵將私客百人歸策時太妃在江都策遣範迎之徐州牧陶謙謂範為表氏覘候諷縣掠考範範親客健兒篡取以歸時唯範與孫河常從策跋涉辛苦危難不避策亦親戚待之每與升堂飲宴於太妃前後從策攻破廬江還俱東渡到橫江當利破張英于麋下小丹陽湖熟鎮湖熟相策定秣陵曲阿收笮融劉繇餘眾增範兵二千騎五十四後領宛陵令討破丹陽賊還吳遷都督

江表傳曰策從容獨與範基範曰今將軍事業日大士眾日盛範在遠聞綱紀猶有不整者範願暫領都督佐將軍部分之策曰子衡卿既上大夫加手下已有大眾立功於外豈宜復屈小職知軍中細碎事乎範曰不然今捨本士而託將軍者非為妻子也欲濟世務猶同舟涉海一事不牢即俱受其敗此亦範計非但將軍也策笑無以答範出使釋構著袴褶執鞭詣閣下啟事自稱領都督策乃授傳委以眾事由是軍中肅睦威禁大行是時下邳陳瑀自號吳郡太守住海西與強族嚴白虎交通策自將討虎別

遣範與徐逸攻瑀於海西梟其大將陳牧

九州春秋曰初平三年揚州刺史陳禕死袁術使瑀領揚州牧後術為曹公所敗於封丘南人叛瑀瑀拒之術走陰陵好辭以下瑀瑀不知權而又怯不即攻術術於淮北集兵向壽春瑀懼使其弟公琰請和於術術執之而進瑀走歸下邳又從攻

祖郎於陵陽太史慈於勇里七縣平定拜征虜中郎將征江夏還平鄱陽策薨奔喪于吳後權復征江夏範與張昭留守曹公至赤壁與周瑜等俱拒破之拜裨將軍領彭澤太守以彭澤柴桑歷陽為奉邑劉備詣京見權範密請留備後遷平南將軍屯柴桑權討關羽過範館謂曰昔早從卿言無此勞也今當上取之卿為我守建業權破羽還都武昌拜範建威將軍封宛陵侯領丹陽太守治建業督扶州以下至海轉以溧陽懷安寧國為奉邑曹休張遼臧霸等來伐範督徐盛全琮孫韶等以舟師拒休等於洞口遷前將軍假節改封南昌侯時遭大風船人覆溺死者數千還軍拜揚州牧性好威儀州民如陸遜全琮及貴公子皆修敬虔肅不敢輕脫其居處服飾於時奢靡然勤事奉法故權悅其忠不怪其侈

江表傳曰初權移都建業大命將相文武時謂嚴峻曰孤昔歎魯子敬比白範與賀齊奢麗夸綺服飾僭擬王者權曰昔管仲踰禮桓公優而容之無損於霸今子衡公初苗身無夷吾之失但其器械精好舟車嚴整耳此適足作軍容何損於治哉告者乃不敢復言初

策使範典主財計權時年少私從有求範必關白不敢專許當時以此見望權守陽羨長有所私用策或料覆功曹周谷輒為傳著簿書使無詰問權臨時悅之及後統事以範忠誠厚見信任以谷能欺更簿書不用也黃武七年範遷大司馬印綬未下疾卒權素服舉哀遣使者追贈印綬及還都建業權過範墓呼曰子衡言及流涕祀以太牢

江表傳曰初權移都建業大命將相文武時謂嚴峻曰孤昔歎魯子敬比鄧禹曰子衡方吳漢聞卿諸人未平此論今定云何峻退席曰臣未解指趣謂肅範受饒襲歎過實權曰昔鄧仲華初見光武武時受更始使撫河北行大司馬事耳未有帝王志也禹勸之以復漢業是禹開初議之端矣子敬英爽有殊略孤始與一語便及大計與禹相似故比之曰子衡忠篤亮直性雖好奢然以憂公為先不足為損避袁術自歸於兄兄作大將別領部曲故憂兄事乞為都督辦護修整加之恪勤與吳漢相類故方之皆有旨趣非孤私之也峻

乃服範長子先卒次子據嗣據字世議以父任為郎後範寢疾拜副軍校尉佐領軍事範卒遷安軍中郎將數討山賊諸深惡劇地所擊皆破隨太常潘濬討五谿復有功朱然攻樊據與朱冀破城外圍還拜偏將軍入補馬關右部督遷越騎校尉大元元年大風江

水溢流漸淹城門。權使視水，獨見據使人取大船以備害。權嘉之，拜盪魏將軍。權寢疾，以據為太子右部督。太子即位，拜右將軍。魏出東興，據赴討有功。明年，孫峻殺諸葛恪，遷據為驃騎將軍。平西官事。五鳳二年，假節與峻等襲壽春，還遇魏將曹珍，破之於高亭。太平元年，帥師侵魏，未及淮，聞孫峻死，以從弟緄自代。據大怒，引軍還，欲廢緄。緄聞之，使中書奉詔，詔文欽、劉纂、唐咨等使取據。又遣從兄慮以都下兵逆據於江都，左右勸據降魏。據曰：「恥為叛臣，遂自殺。」夷三族。

朱桓字休穆，吳郡吳人也。孫權為將軍，桓給事幕府，除餘姚長。往遇疫癘，穀食荒貴，桓分部良吏，隱親醫藥，殮粥相繼，士民感戴之。遷盪寇校尉，授兵二千人，使部伍吳會二郡。鳩合遺散，期年之間，得萬餘人。後丹陽鄱陽山賊蜂起，攻沒城郭，殺略長吏，處處屯聚。

桓督領諸將周旋赴討，應皆平定。稍遷裨將軍，封新城亭侯。後代周泰為濡須督。黃武元年，魏使大司馬曹仁步騎數萬向濡須。仁欲以兵襲取州上，偽先揚聲欲東攻羨溪。桓分兵將赴羨溪，既發，卒得仁進軍拒濡須，七十里間。桓遣使追還羨溪，兵未到而仁奄至。時桓手下及所部兵在者五千人，諸將業業各有懼心。桓喻之曰：「凡兩軍交對，勝負在將不在眾寡。諸軍聞曹仁用兵行師，孰與桓邪？兵法所以稱客倍而主人半者，謂俱在平原無城池之守。又謂士眾勇怯齊等故耳。今仁既非智勇，加其士卒甚怯，又千里步涉，人馬罷困。桓與諸軍共據高城南臨大江北背山陵，以逸待勞，為主制客，此百戰百勝之勢也。雖曹不自來，尚不足憂。況仁等邪？桓因偃旗鼓，外示虛弱以誘致仁。仁果遣其子泰攻濡須城，分遣將軍常雕督諸葛虔、王雙等乘油船別襲中洲。中洲者，部曲妻

潤字深在
何校作同
得在道半在
濡須七十里
潤凡十一字
由
又龍上女者
以既散二字
為由而以平
字屬下後
字倉卒也
此皆取耳
幸在道半
拒濡須七
十里潤十
字為由
同書記

子所在也仁自將萬人留棗皇復為泰等後拒桓部兵將攻取油船或別擊雕等桓等身自拒泰燒營而退遂梟雕生虜雙送武昌臨陣斬溺死者千餘權嘉桓功封嘉興侯遷奮武將軍領彭城相黃武七年鄱陽太守周魴誘魏大司馬曹休休將步騎十萬至皖城以迎魴時陸遜為元帥全琮與桓為左右督各督三萬人擊休休知見欺當引軍還自負眾盛邀於一戰桓進計曰休本以親戚見任非智勇名將也今戰必敗敗必走走當由夾石掛車此兩道皆險阨若以萬兵柴路則彼眾可盡而休可生虜臣請將所部以斷之若蒙天威得以休自效便可乘勝長驅進取壽春割有淮南以規許洛此萬世一時不可失也權先與陸遜議遜以為不可故計不施行黃龍元年拜桓前將軍領青州牧假節嘉禾六年魏廬江主簿呂習請大兵自迎欲開門為應桓與衛將軍全琮俱以

本
四探字當以毛

師迎既至事露軍當引還城外有溪水去城一里所廣三十餘丈深者八九尺淺者半之諸軍勒兵渡去桓自斷後時廬江太守李膺整嚴兵騎欲須諸軍半渡因迫擊之及見桓節蓋在後卒不敢出其見憚如此是時全琮為督權又令偏將軍胡綜宣傳詔命參與軍事綜以軍出無獲議欲部分諸將有所掩襲桓素氣高恥見部伍乃往見綜問行意感激發怒與綜校計綜欲自解因曰上自令胡綜為督綜意以為宜爾桓愈恚恨還乃使人呼綜綜至軍門桓出迎之顧謂左右曰我縱手汝等各自去有一人旁出語綜使還桓出不見綜知左右所為因斫殺之桓佐軍進諫刺殺佐軍遂託狂發詣建業治病權惜其功能故不罪孫盛曰書云臣無作威作福作威賊忍殆虎狼也人君且猶不可況將相乎語使子異攝領部曲令醫視護數月復遣還中洲權自出祖送謂曰今寇虜尚存王塗未一孤當與君共

曰得一夫而失一國縱罪虧刑失孰大焉

作福則凶于而家害于而國桓之

定天下欲令君督五萬人專當一面以圖進取想君疾未復發也

桓曰天授陛下聖姿當君臨四海猥重任臣以除姦逆臣疾當自

愈吳錄曰桓奉觴曰臣當遠去願一將陛下髮無所復恨權馬桓性護前恥為人下每

臨敵交戰節度不得自由輒嗔恚憤激然輕財貴義兼以強識與

人一面數十年不忘部曲萬口妻子盡識之愛養吏士贍護六親

俸祿產業皆與共分及桓疾困舉營憂戚年六十一赤烏元年卒

吏士男女無不號慕又家無餘財權賜鹽五千斛以周喪事子異

嗣

異字季文以父任除郎文士傳曰張惺子純與張儼及異俱童少往見驃騎將軍朱據

驟為功鷹隼以輕疾為妙其為吾各賦一物然後乃坐儼乃賦犬曰守則有威出則有獲韓盧宋

鵲書名竹帛純賦席曰席以文設簾為夏施揖讓而坐君子攸宜異賦弩曰南嶽之幹鍾山之銅

應機命中獲雉高塘三人各隨其日後拜騎都尉代桓領兵赤烏四年隨朱然

攻魏樊城建計破其外圍還拜偏將軍魏廬江太守文欽營住六

安多設屯砦置諸道要以招誘亡叛為邊寇害異乃身率其手下

二千人掩破欽七屯斬首數百遷揚武將軍權與論攻戰辭對稱

意權謂異從父驃騎將軍據曰本知季文愴定見之復過所聞十

三年文欽詐降密書與異欲令自迎異表呈欽書因陳其偽不可

便迎權詔曰方今北土未一欽云欲歸命宜且迎之若嫌其有譎

者但當設計網以羅之盛重兵以防之耳乃遣呂據督二萬人與

異并力至北界欽果不降建興元年遷鎮南將軍是歲魏遣胡遵

諸葛誕等出東與異督水軍攻浮梁壞之魏軍大破吳書曰異又隨諸

不拔異等皆言宜速還豫章襲石頭城不過數日可拔恪以書曉異異

投書於地曰不用我計而用僕子言格大怒立奪其兵遂廢還建業

大都督救壽春圍不解還軍為孫綝所枉害吳書曰綝要異相見將往恐陸

賜璽以周
喪事此僅
見此舉又
此璽必官
璽也亦亦
璽志
正去備

評曰朱治呂範以舊臣任用朱然朱桓以勇烈著聞呂據朱異施

豫章石頭亦
曰石頭亦
豫章石頭亦
曰石頭亦

績咸有將領之才克紹堂構若範桓之越隘得以吉終至於據異無此之尤而反懼殃者所遇之時殊也

吳書十一

魏川忠貞

三國志五十六

吳書十二

三國志五十七

虞陸張駱陸吾朱傳第十二

諸人直節清才雅負時望而皆流落頓棄或

虞翻字仲翔會稽餘姚人也

吳書曰翻少好學有高氣年十二客有候其兄者不過

而不存不亦宜乎客太守王朗命為功曹孫策征會稽翻時遭父喪衰經

詣府門朗欲就之翻乃脫衰入見勸朗避策朗不能用拒戰敗績

亡走浮海翻追隨營護到東部候官候官長閉城不受翻往說之

然後見納吳書曰翻始欲送朗到廣陵朗惑王方平訛言疾來邀我南岳相求故遂南

謂翻曰卿有老母可以還矣翻別傳曰朗使翻見豫章太守華歆圖起義兵翻未至

取過家星行迫朗至候官朗遣翻還然後奔喪而傳云孫策之來翻衰經詣府門勸朗避策則為大異翻既歸策復命為功曹待以交

友之禮身詣翻第江表傳曰策書謂翻曰今日之事當與卿共之勿謂孫策作郡吏相待也策好馳騁游獵翻諫曰

明府用鳥集之眾驅散附之士皆得其死力雖漢高帝不及也至於輕出微行從官不暇嚴吏卒長苦之夫君人者不重則不威故

伯符依託能佐英才以此力伴謀以不能也

陳琳徵受虞文矯殊稱清節純學好古仲翔能負新許文矯之名注家未及

李云翻蓋以馬鹿磁石自况耳

翻父歆居日南太守見下注引別傳

景與妖妄若此何足以謀令世何景與之多也

伯符依託能佐英才以此力伴謀以不能也

白龍魚服困於豫且白蛇自放劉季害之願少畱意策曰君言是

也然時有所思端坐悒悒有裨謀草創之計是以行耳吳書曰策討山越斬其渠帥悉

今左右分行逐賊獨騎與翻相得山中翻問左右安在策曰悉行逐賊翻曰危事也今策下馬此

無馬奈何答曰翻能步行日可二百里自征討以來吏卒無及翻者明府試躍馬翻能疏步隨之

行去大道得一鼓吏策取角自鳴之部曲識聲小大皆出遂從周旋平定三郡江表傳曰策討

黃祖旋軍欲過取豫章特請翻語曰華子魚自有名字然非吾敵也加聞其戰具甚少若不開門

讓城金鼓一震不得無所傷害卿便在前具宣孤意翻即奉命辭行徑到郡請被構葛中與敵相

見謂款曰君自料名聲之在海內孰與鄱郡故王府君歆曰不及也翻曰豫章資糧多少器仗精

否士民勇果孰與鄱郡又曰不知也翻曰討逆將軍智略超世用兵如神前走劉揚州君所親見

南定鄱郡亦君所聞也今欲守孤城自料資糧已知不足不早為計悔無及也今大軍已次椒丘

僕便還去明日日中迎檄不到者與君辭矣翻既去欲明且出城遣吏迎策策既定豫章引軍還

吳饗賜將士討功行賞謂翻曰孤昔再至壽春見馬日磾及與中州士大夫會語我東方人多才

耳但恨學問不博語議之間有所不及耳孤意猶謂未耳卿博學洽聞故前欲令卿一詣許交見

朝士以折中國妄語見卿不願行便使子綱恐子綱不能結兒輩舌也翻曰翻是明府家寶而以

示人人倘留之則去明府良佐故前不行耳策笑曰然因曰孤有征討事未得還府卿復以功曹

為吾蕭何守會稽耳後三日便遣翻還郡臣松之以為王華二公於擾攘之時抗猛銳之鋒俱

非所能敵之名德實高於朗而江表傳述翻說華云海內名聲孰與於王此言非也然王公拒戰

華逆請服實由孫策初起名微眾寡故王能舉兵豈武勝哉策後威力轉盛勢不可敵華量力而

此非必用仲翔之說也若使易地而居亦華戰王服耳按吳歷載翻謂散曰竊聞明府與王府

君齊名中州海內所宗雖在東垂常懷瞻仰敢答曰孤不如王會稽翻復問不審豫章精兵何如

會稽對曰大不如也翻曰明府言不如王會稽謙光之譚耳精兵不如會稽實如所效因述孫策

才略殊異用兵之奇歎乃答云當去此說為勝也翻出歆遣吏迎策一說有不同

翻出為富春長策薨諸長吏並欲出

赴喪翻曰恐鄰縣山民或有奸變遠委城郭必致不虞因畱制服

行喪諸縣皆效之咸以安寧吳書曰策薨權統事定武中郎將焉策之從兄也屯烏

程整帥吏士欲取會稽會稽聞之使民守城以俟嗣主

之命因令人告諭焉會稽典錄載翻說焉曰討逆明府不竟天年今攝事統眾宜在孝廉翻已

與一郡吏士嬰城固守必欲出一旦之命為孝廉除害執事圖之於是高退臣松之案此二書

所說策亡之時翻猶為功曹與本傳不同

後翻州舉茂才漢召為侍御史曹公為司空辟皆不

就吳書曰翻聞曹公辟曰盜跖欲翻與少府孔融書并示以所著易注融答

書曰聞延陵之理樂觀吾子之治易乃知東南之美者非徒會稽

之竹箭也又觀象雲物察應寒溫原其禍福與神合契可謂探賾

窮通者也會稽東部都尉張紘又與融書曰虞仲翔前頗為論者

所侵美實為質雕摩益光不足以損孫權以為騎都尉翻數犯顏

諫爭權不能悅又性不協俗多見謗毀坐徙丹陽涇縣呂蒙圖取

關羽稱疾還建業以翻兼知醫術請以自隨亦欲因此令翻得釋

意無母義又孔融
稱其現雲物祭
寒濕翻字其京
焦之法者商

其劉錄
子兄錄信

則前此之殺者有矣
孫皓自虐權之臨也

妙語

自有酒失何以正君
此權所以遂不能容
也

豈若忘景時
三朝之感耶

疑亦退念當歎

也後蒙舉軍西上南郡太守糜芳開城出降蒙未據郡城而作樂
沙上翻謂蒙曰今區區一心者糜將軍也城中之人豈可盡信何
不急入城持其管籥乎蒙即從之時城中有伏計賴翻謀不行關
羽既敗權使翻筮之得允下坎上節五爻變之臨翻曰不出二日
必當斷頭果如翻言權曰卿不及伏羲可與東方朔為比矣魏將
于禁為羽所獲繫在城中權至釋之請與相見他日權乘馬出引
禁併行翻呵禁曰爾降虜何敢與吾君齊馬首乎欲抗鞭擊禁權
呵止之後權於樓船會群臣飲禁聞樂流涕翻又曰汝欲以偽求
免邪權悵然不平吳書曰後權與魏和欲遣禁還歸北翻復諫曰禁敗數萬眾身為降虜
又不能死北軍軍政得禁必不如所規還之雖無所損猶為放盜不如
斬以令三軍示為人臣有一心者權不聽群臣送禁翻謂禁曰卿勿謂吳
無人吾謀適不用耳禁雖為翻所惡然猶盛歎翻魏文帝常為翻設虛坐權既為吳王歡
宴之末自起行酒翻伏地陽醉不持權去翻起坐權於是大怒手
劔欲擊之侍坐者莫不趨避惟大司農劉基起抱權諫曰大王以

三爵之後手殺善士雖翻有罪天下孰知之且大王以能容賢
眾故海內望風今一朝棄之可乎權曰曹孟德尚殺孔文學孤於
虞翻何有哉基曰孟德輕害士人天下非之大王躬行德義欲與
堯舜比隆何得自喻於彼乎翻由是得免權因勅左右自今酒後
言殺皆不得殺翻嘗乘船行與糜芳相逢芳船上人多欲令翻自
避先驅曰避將軍船翻厲聲曰失忠與信何以事君傾人二城而
稱將軍可乎芳闔戶不應而遽避之後翻乘車行又經芳營門吏
閉門車不得過翻復怒曰當閉反開當開反閉豈得事宜邪芳聞
之有慙色翻性疏直數有酒失權與張昭論及神仙翻指昭曰彼
皆死人而語神仙世豈有仙人也權積怒非一遂徙翻交州雖處
罪放而講學不倦門徒常數百人翻別傳曰權即尊號翻因上書曰陛下膺明聖
之德體舜禹之孝歷運當期順天濟物奉承策
命臣獨并舞罪棄兩絕拜賀無階仰瞻宸極且喜且悲臣伏自刻省命輕雀鼠性轄毫釐罪惡莫
大不容于誅昊天罔極全宥九載退當念戮頻受生活復偷視息臣年耳順思咎憂憤形容枯槁

以宋本

以宋本

賞款字文甫月
北堂書鈔一百三引
會稽典錄 陳琳
擲吳文作文佈

李云觀翻珠玑
易所有

荀爽一名語

非即大家百字
字能不同邪右又
作非集諸字同
音異誤矣詳說文
第十四頁亦有

髮白齒落雖未能死自悼終沒不見官闕百官之富不覩皇輿金軒之飾仰觀巍巍
眾民之謠傍聽鍾鼓侃然之樂永隕海隅棄骸絕域不勝悲慕逸豫大慶悅以忘罪 又為老

子論語國語訓注皆傳於世

四以通神明以類萬物臣高祖父故零陵太守光少治孟氏易曾祖父故平輿令成續述其業至
臣祖父鳳為之最密臣先考故日南太守欽受本於鳳最有舊書世傳其業至臣五世前人通講
多玩章句雖有祕說於經疏闊臣生遇世亂長於軍旅習經於枹鼓之間講論於戎馬之上蒙先
師之說依經立注又臣郡吏陳桃夢臣與道士相遇放髮被鹿裘布易六爻撓其三以飲臣臣乞
盡吞之道士言易道在天三爻足矣豈臣受命應當知經所覽諸家解不離流俗義有不當實輒
悉改定以就其正孔子曰乾元用九而天下治聖人南面蓋取諸離斯誠天子所宜協陰陽致麟
鳳之道矣謹正書副上惟不罪戾翻又奏曰經之大者莫過於易自漢初以來海內英才其讀易
者解之率少至孝靈之際賴川荀譚號為知易臣得其注有愈俗儒至所說西南得朋東北喪朋
顛倒反逆了不可知孔子歎易曰知變化之道者其知神之所為乎以美大衍四象之作而止為
章首尤可怪笑又南郡太守馬融名有俊才其所解釋復不及譚孔子曰可與其學未可與適道
豈不其然若乃北海鄭玄南陽宋忠雖各立注忠小差玄而皆未得其門難以示世又奏鄭玄解
尚書違失事國臣聞周公制禮以辨上下孔子曰有君臣然後有上下有上下然後禮義有所錯
是故尊君卑臣禮之大司也伏見故徵士北海鄭玄所注尚書以顧命康王執瑁古月似同從誤
作同既不覺定復訓為杯謂之酒杯成王疾困憑几兆類為濯以為漸衣成事洮字虛更作濯以
從其非又古大篆卯字讀當為柳古柳卯同字而以為昧分北三苗北古別字又訓北言北備別
也若此之類誠可怪也玉人職曰天子執瑁以朝諸侯謂之酒杯天子頽面謂之漸衣古篆卯字
反以為昧甚違不知蓋闕之義於此數事誤莫大焉宜命學官定此三事又馬融訓注亦以為同
者大同天下今經益金就作銅字詁訓言天子副璽雖皆不得猶愈於玄然此不定臣沒之後而
奮乎百世雖世有知者懷謙莫或奏正又玄所注五經違義尤甚者百六十七事不可不正行乎
學校傳乎將來臣竊恥之翻放棄南方云自恨疏節骨體不媚犯上獲罪當長沒海隅生無可與

山陰丁覽太末徐陵或在縣吏之中或眾所未識翻一見之傾與

友善終成顯名

會稽典錄曰覽字孝連八歲而孤家又單微清身立行用意不苟推財從

待之未及擢用會病卒甚見痛惜殊其門戶覽字固字子賤本名密避滕密改作固固在禮祿中
闕澤見而異之曰此兒後必致公輔固少喪父獨與母居家貧守約色養致敬族弟孤弱與同寒
溫翻與固同僚書曰丁子賤寒淵好德堂構克舉野無遺薪斯之為懿其美優矣令德之後惟此
君嘉耳歷顯位孫休時固為左御史大夫孫皓即位遷司徒陪侍虐固與陸凱孟宗同心慕固年
七十六卒子彌字欽遠仕晉至梁州刺史孫暉光祿大夫徐陵字元大歷三縣長所在著稱遷零
陵太守時朝廷侯以列卿之位故翻書曰元大受上卿之遇叔向在晉未若於今其見重如此陵
卒僮客土田或見侵奪駱統為陵家訟之求與丁覽上清等為比權許焉陵子平字伯先童亂知
名翻甚愛之屢稱歎焉諸葛恪為丹陽太守討山越以平威重思慮可與効力請平為丞稍遷武
昌左部督傾心接物士卒皆為盡力初平為恪從事意甚薄及恪輔政待平益疏恪被害子建亡
走為平部曲所得平使遣去別為他軍所獲平兩婦歸宗敬奉情過乎厚其行義敦篤皆此類也
在南十餘年年七十卒 吳書曰翻雖在徒棄心不忘國常憂五谿宜討以遼東海絕聽
諫不敢作表以示呂岱岱不報為愛憎所白復徙蒼梧猛陵 江表傳曰後權遣將士至遼東於
海中遭風多所沒失權悔之乃令曰昔趙簡子稱諸君之唯唯不如周舍之諤諤虞翻亮直善於
盡言國之周舍也前使翻在此此役不成促下問交州翻若尚存者 **歸葬舊墓妻子得**
給其人船發遣還都若以亡者送喪還本郡使兒子仕宦會翻已終

上靜見吾案佳
清疑作靜
徐平有古人風

兩輝悒
宗白
字榮本

注北米本

宋書 陽典 陽典 陽典

仲期論士首

為三公者皆私

鄭 莫候 音 莫候 字 宜 用 小 字 宜 用 小 字 宜 用 小

最道字君于有 於先順之名亦有 侯于范史云一名 者亦或于此也 神國相儀遺陳 業書事見水任 佛江水注 續志注于諸賢 下引趙起云吳年三 年分五吳年歲

還 會稽典錄曰孫亮時有山陰朱育少好奇字凡所特達依體象類造作異字千名以上仕郡門 下書佐太守濮陽興正曰夏見掾吏言次問太守昔聞朱頰川問士於鄭召公韓吳郡問士於 劉聖博王景興問士於虞仲翔嘗見鄭劉二答而未親仲翔對也欽聞國賢思親盛美有日矣書 佐寧識之平育對曰往過習之昔初平末年王府君以淵妙之才超遷臨郡思賢嘉善樂采名俊 問功曹虞翻曰聞玉出崑山珠生南海遠方異域各生珍寶且曾聞士人歎美貴邦舊多英俊徒 以遠於京畿含香未越耳功曹雅好博古寧識其人邪翻對曰夫會稽上應牽牛之宿下當少陽 之位東漸巨海西通五湖南暢無垠北渚浙江南山攸居實為州鎮昔禹會群臣因以命之山有 金木鳥獸之殷水有魚鹽珠蚌之饒海嶽精液善生俊異是以忠臣繼踵孝子連閭下及賢女靡 不育焉王府君笑曰地勢然矣士女之名可悉聞乎翻對曰不敢及遠略言其近者耳往者孝子 句章董黯盡心色色致其哀置身林野鳥獸歸懷怨親之辱白日報讐海內聞名昭然光著太 中大夫山陰陳覽則化盜居則讓鄰感侵退藩遂成義里攝養車軀行足厲俗自揚子雲等上 書薦之榮然傳世太尉山陰鄭公清亮質直不畏強禦魯相山陰鍾離意稟殊特之姿孝家忠朝 宰縣相國所在遺惠故取養有君子之暮魯國有丹書之信及陳官費齊皆上契天心功德治狀 記在漢籍有道山陰趙瞻徵士上虞王充各洪才淵學究道源者書垂薄絡繹百篇釋經傳之 宿疑解當世之繁結或上窮陰陽之奧祕下據人情之歸極交此刺史上虞蔡母俊拔濟一郡讓 爵土之封決曹掾上虞孟英三世死義士簿句章梁宏功曹史餘姚駟勳主簿句章鄭雲皆敦終 始之義引罪免居門下督盜賊餘姚伍隆節侯主簿任光章安小吏黃他身當白刃濟君於難 揚州從事句章王脩委身授命垂聲來世河內太守上虞魏少英遭世屯蹇忘家憂國列在八俊 為世英彥尚書烏傷楊裔相帝妻以公主辭疾不納近故太尉上虞朱公天姿曠亮欽明神武策 無失謀征無遺慮是以天下義兵思以為首上虞女子曹娥父溺江流投水而死立石碑紀炳然 著顯王府君曰是既然矣頰川有巢許之逸軌吳有太伯之三讓貴郡雖士人紛紜於此足矣翻 對曰故先言其近者耳若乃引上世之事及抗節之士亦有其人昔越王翳讓位逃於巫山之穴 越人董而由之斯非太伯之儔邪且太伯外來之君非其地人也若以外來言之則大禹亦巡於 此而葬之矣勤大里黃公潔已暴秦之世高祖創不能一致惠帝恭讓出則濟難徵士餘姚嚴

孟英事見 梁宏四起 見范書陸 侯信

王莽數聘抗節不行光武中興然後俯就矯手不拜志陵雲日皆著於傳籍較然彰明受如巢 許流俗遺譚不見經傳者哉王府君笑曰善哉話言也賢矣非君不著太守未之前聞也濮陽府 君曰御史所云既聞其人亞斯已下書佐寧識之乎育曰瞻仰景行敢不識之近者人守上虞陳 業潔身清行志懷霜雪貞亮之信同探柳下遺漢中徵委官棄祿遁迹黠歛以求其志高邈妙蹤 天下所聞故桓文遺之尺牘之書比竟三高其聰明大略忠直謇諤則侍御史餘姚虞翻偏將軍 烏傷駱統其淵懿純德則太子少傅山陰關澤學通行茂作帝師儒具雄姿武毅立功當世則後 將軍賀齊勳成績著其探極祕術言合神明則太史令上虞吳範其文章之事立言繁盛則御史 中丞句章任爽鄱陽太守章安虞翔各馳文檄睜若春榮處士鄧慮敘弟犯公憲日殺乞代吳寧 斯敦山陰祁庚上虞樊正咸代父死罪其女則松楊柳朱永寧瞿素或一醮守節喪身不顧或遭 寇劫賊死不虧行皆近世之事尚在耳目府君曰皆海內之英也吾聞秦始皇二十五年以吳越 地為會稽郡治吳漢封諸侯王以何年復為郡而分治於此育對曰劉賈為荆王賈為英布所殺 又以劉濞為吳王景帝四年濞反誅乃復為郡治於吳元鼎五年除東越因其地為治亦屬於 此而立東部都尉後徙章安陽朔元年又徙治鄞或有寇害復徙句章到永建四年劉府君上書 浙江之北以為吳郡會稽還治山陰自永建四年歲在己巳以至今年積百二十九歲府君稱善 是歲吳之太平三年歲在丁丑育後仕朝常在臺閣為 東觀令遙拜清河太守加位侍中推刺占射文藝多通 翻有十一子第四子汜最知 名永安初從選曹郎為散騎中常侍後為監軍使者討扶嚴病卒 會稽典錄曰汜字世洪生南海年十六父卒還鄉里孫緜廢幼主迎立琅邪王休休未至緜欲入 宮圖為不軌召百官會議皆惶怖失色徒唯唯而已汜對曰明公為國伊周處將相之位擅廢立 之威勢上安宗廟下惠百姓大小踴躍自以伊霍復見今迎王未至而欲入宮如是羣下搖蕩眾 聽疑惑非所以永終忠孝揚名後世也緜不懌竟立休休初即位汜與賀邵王蕃薛瑩俱為散騎 中常以討扶嚴功拜交州 汜弟忠宜都太守 會稽典錄曰忠字世方翻第五子貞固幹 刺史冠軍將軍餘姚侯尋卒 事好識人物造吳郡陸機於童胤之年稱

高字三 高字料 吳年 柳楊地名 柳朱人名

上虞魏遷於無名之初終皆遠致為著聞之士交同縣王岐於孤宦之族任進先至宜都太守忠
乃代之晉征吳忠與夷道監陸晏弟中夏督京堅守不下城潰被害忠子譚字思與晉陽秋稱
譚清貞有檢操外如退弱內堅正有膽幹仕晉歷位內
外終於衛將軍追贈侍中左光祿大夫開府儀同三司
聳越騎校尉累遷廷尉湘東
河間太守會稽典錄曰聳字世龍翽第六子也清虛無欲進退以禮在吳歷清官入晉除河
士所達必合秀異聳書與族子察曰世之取士曾不招未齒於丘園索良才於總德所譽依已成
所毀依已敗此吾所以歎息也聳疾俗喪祭無度弟昂卒祭以少牢酒飯而已當時族黨並遵行
之昂廷尉尚書濟陰太守會稽典錄曰昂字平文翽第八子也少有個儻之志仕吳黃
武昌已上諸軍事昂先上還節蓋印綬
然後歸順在濟陰抑強扶弱甚著威風

陸績字公紀吳郡吳人也父康漢末為廬江太守謝承後漢書曰康字季
太守李肅察孝廉肅後坐事伏法康斂尸送喪還潁川行
服禮終舉茂才歷三郡太守所在稱治後拜廬江太守
績年六歲於九江見表術

術出橘績懷三枚去拜辭墮地術謂曰陸郎作賓客而懷橘乎績
跪答曰欲歸遺母術大奇之孫策在吳張昭張紘秦松為上賓共
論四海未奉須當用武治而平之績年少末坐遙大聲言曰昔管

夷吾相齊桓公九合諸侯一匡天下不用兵車孔子曰遠人不服
則脩文德以來之今論者不務道德懷取之術而惟尚武績雖童
蒙竊所未安也昭等異焉績容貌雄壯博學多識星歷算數無不
該覽虞翻舊齒名盛龐統荆州令士年亦差長皆與績友善孫權
統事辟為奏曹掾以直道見憚出為鬱林太守加偏將軍給兵二
千人績既有甃疾又意在儒雅非其志也雖有軍事著述不廢作
渾天圖注易釋玄皆傳於世豫自知亡日乃為辭曰有漢志士矣
郡陸績幼敦詩書長玩禮易受命南征遘疾遇厄遭命不幸嗚呼
悲隔又曰從今已去六十年之外車同軌書同文恨不及見也年
三十二卒長子宏會稽南部都尉次子叡長水校尉績於鬱林所生女
弟曰姚信集有表稱之曰臣聞唐虞之政舉善而敘旌德擢異三王所先是以忠臣烈士顯名國
朝淑婦貞女表迹家閭蓋所以闡崇化業廣殖清風使苟有令性幽明俱著苟懷懿姿士女同榮
故王蠋建寒松之節而齊王表其里義姑立殊絕之操而魯侯高其門臣切見故鬱林太守陸績
女子鬱生少履貞特之行幼立匪石之節年始十三適同郡張白侍廟三月婦禮未卒白遭罹家
禍遷死異郡鬱生抗聲昭節義形於色冠蓋交橫誓而不許奉白姊妹姦熾之中蹈履水火志懷
霜雪義心固於金石體信貫於神明送終以禮邦士慕則臣聞昭德以行顯行以爵苟非名爵則

秦松見張
佐信及周
信注

三十二卒長子宏會稽南部都尉次子叡長水校尉

勸善不嚴故士之有誅魯人志其勇祀婦見書齊人哀其哭乙蒙聖朝斟酌前訓上開天聰下垂坤厚褒鬱生以義姑之號以厲兩髦之節則皇風穆暢士女改視矣

張溫字惠恕吳郡吳人也父允以輕財重士名顯州郡為孫權東曹掾卒溫少修節操容貌奇偉權聞之以問公卿曰溫當今與誰為比大司農劉基曰可與全琮為輩太常顧雍曰基未詳其為人也溫當今無輩權曰如是張允不死也徵到延見文辭占對觀者傾竦權改容加禮罷出張昭執其手曰老夫託意君宜明之拜議郎選曹尚書徙太子太傅甚見信重時年三十二以輔義中郎將使蜀權謂溫曰卿不宜遠出恐諸葛孔明不知吾所以與曹氏通意以故屈卿行若山越都除便欲大構於蜀行人之義受命不受辭也溫對曰臣入無腹心之規出無專對之用懼無張老延譽之功又無子產陳事之效然諸葛亮達見計數必知神慮屈申之宜加受朝廷天覆之惠推亮之心必無疑貳溫至蜀詣闕拜章曰昔

以當時人心思慮有不自知其非者請口者然于教國之辭則失詞矣故宗傳說稱漢則勤任力者不自同東藩子

高宗以諒闇昌殷祚於再興成王以幼冲隆周德於太平功冒溥天聲貫罔極今陛下以聰明之姿等契往古總百揆於良佐參列精之炳耀遐邇望風莫不欣賴吳國勤任旅力清澄江潯願與有道平一字內委心協規有如河水軍事興煩使役之少是以忍鄙倍之羞使下臣溫通致情好陛下敦崇禮義未便恥忽臣自入遠境及即近郊頻蒙勞來恩詔輒加以榮自懼悚怛若驚謹奉所齎函書一封蜀甚貴其才還頃之使入豫章部伍出兵事業未究權既陰銜溫稱美蜀政又嫌其聲名大盛眾庶炫惑恐終不為已用思有以中傷之會暨豔事起遂因此發舉豔字子休亦吳郡人也溫引致之以為選曹郎至尚書豔性狷厲好為清議見時郎署混濁淆雜多非其人欲臧否區別賢愚異貫彈射百僚覈選三署率皆貶高就下降損數等其守故者十未能一其居位貪鄙志節汚

射御覽作
以御覽
豔見七切

是御覽作

置府以處之是
合其黨而使聚以
謀我也

數禮有大恩而
不顯重于吳當

亦建溫也
李云根只在此按
吳王假以示其詞
骨之恨同在未并
以置斃事坐溫
者温方為家望
所歸故移家之
怨斃者使之怨
温又吳王之謀術
也温徐之款類說
崔毛誅廢事惟
蜀無之

李云深切著明
果可危故果可
果哉

李去引俞頌切

甲者皆以為軍吏置營府以處之而怨憤之聲積浸潤之譖行矣

競言豔及選曹郎徐彪吳錄曰彪字仲虞廣陵人也專用私情憎愛不由公理豔彪

皆坐自殺温宿與豔彪同意數交書疏問往還即罪温權幽之

有司下令曰昔令召張温虚已待之既至顯授有過舊臣何圖凶

醜專挾異心昔暨豔父兄附于惡逆寡人無忌故進而任之欲觀

豔何如察其中間形態果見而温與之結連死生豔所進退皆温

所為頭角更相表裏共為腹背非温之黨即就疵瑕為之生論又

前任温董督三郡指撝吏客及殘餘兵時恐有事欲令速歸故授

綦戟獎以威柄乃便到豫章表討宿惡寡人信受其言特以纒帳

帳下解煩兵五千入付之後聞曹丕自出淮泗故豫勅温有急便

出而温悉內諸將布於深山被命不至賴丕自退不然已律豈可

深計又殷禮者本占候召而温先後乞將到蜀扇揚異國為之譚

論又禮之還當親本職而令守尚書戶曹郎如此署置在温而已

又温語賈原當薦卿作御史語蔣康當用卿代賈原專徇賈國恩

為已形勢揆其姦心無所不為不忍暴於市朝今斥還本郡以給

廝吏嗚呼温也免罪為幸將軍駱統表理温曰伏惟殿下天生明

德神啓聖心招髦秀於四方置俊乂於宮朝多士既受普篤之恩

張温又蒙最隆之施而温自招罪譴孤負榮遇念其如此誠可悲

疚然臣周旋之間為國觀聽深知其狀故密陳其理温實心無他

情事無逆迹但年紀尚少鎮重尚淺而戴赫烈之寵體卓偉之才

亢臧否之譚効褒貶之議於是務勢者妒其寵爭名者嫉其才玄

默者非其譚瑕釁者諱其議此臣下所當詳辨明朝所當究察也

昔賈誼至忠之臣也漢文大明之君也然而絳灌一言賈誼遠退

何者疾之者深譖之者巧也然而誤聞於天下失彰於後世故孔

公卿

帳字連下讀

類行帳字

李云使不是翰
蘇深厚大受之

趙一清曰忘
族以古者之
玩珠恐未出

殷禮五
諸葛亮生
稽歎之故
獲外交之

李云揚推意
區在稱蜀德天
耳扇揚蜀人為
禮論此從而
為之詞也但推
不顯故然就無
辨何作之者時
度教古為深探
情者耳

子曰為君難為臣不易也溫雖智非從橫武非虓虎然其弘雅之
素英秀之德文章之采論議之辨卓躒冠羣煒曄曜世世人未有
及之者也故論溫才即可惜言罪則可恕若忍威烈以赦盛德宥
賢才以敦大業固明朝之休光四方之麗觀也國家之於暨豔不
內之忌族猶等之平民是故先見用於朱治次見舉於眾人中見
任於明朝亦見交於溫也君臣之義義之最重朋友之交交之最
輕者也國家不嫌與豔為最重之義是以溫亦不嫌與豔為最輕
之交也時世寵之於上溫竊親之於下也夫宿惡之民放逸山險
則為勁寇將置平土則為健兵故溫念在欲取宿惡以除勁寇之
害而增健兵之銳也但自錯落功不副言然計其送兵以比許晏
數之多少溫不減之用之強羸溫不下之至於遲速溫不後之故
得及秋冬之月赴有警之期不敢忘恩而遺力也溫之到蜀其譽

殷禮雖臣無境外之交亦有可原也境外之交謂無君命而私相
從非國事而陰相聞者也若以命行既修君好因敘已情亦使臣
之道也故孔子使鄰國則有私覲之禮季子聘諸夏亦有燕譚之
義也古人有言欲知其君觀其所使見其下之明明知其上之赫
赫溫若譽禮能使彼歎之誠所以昭我臣之多良明使之得其人
顯國美於異境揚君命於他邦是以晉趙文子之盟于宋也稱隋
會於屈建楚王孫圉之使于晉也譽左史於趙鞅亦向他國之輔
而歎本邦之臣經傳美之以光國而不譏之以外交也王靖內不
憂時外不趨事溫彈之不私推之不假於是與靖遂為大怨此其
盡節之明驗也靖兵眾之勢幹任之用皆勝於賈原蔣康溫尚不
容私以安於靖豈敢賣恩以協原康邪又原在職不勤當事不堪
溫數對以醜色彈以急聲若其誠欲賣恩作亂則亦不必貪原也

李云推之精探
王奕猶容人核辦
畫說如此

李雲其之未信
以爲待其年
其後者故之

樞密生既為
姚信亦表
妹又能舍
生取義何
張氏中壺
之多賢也
亦可見矣
郡風俗之
義自古而
然矣

凡此數者校之於事既不合參之於眾亦不驗臣竊念人君雖有
聖哲之姿非常之智然以一人之身御兆民之眾從層宮之內瞰
四國之外照羣下之情求萬機之理猶未易周也固當聽察羣下
之言以廣聰明之烈今者人非溫既殷勤臣是溫又契闊辭則俱
巧意則俱至各自言欲為國誰其言欲為私倉卒之間猶難即別
然以殿下之聰睿察講論之曲直若潛神留思纖粗研核情何嫌
而不宣事何昧而不昭哉溫非親臣臣非愛溫者也昔之君子皆
抑私忿以增君明彼獨行之於前臣恥廢之於後故遂發宿懷於
今日納愚言於聖德實盡心於明朝非有念於溫身也權終不納
後六年溫病卒二弟祇白亦有才名與溫俱廢會稽典錄曰餘姚虞俊歎曰張惠恕不多智少華而不實怨之所聚有覆家之禍吾見其兆矣諸葛亮開後憂溫意未之信及溫放黜亮乃歎俊之有先見亮初聞溫敗未知其故思之數日曰吾已得之矣其人於清濁太明善惡太分臣松之以為莊周云名者公器也不可以多取張溫之廢豈其取名之多乎多之為弊古賢既知之矣是以遠見之也此藏於密不使各浮於德不以華傷其實既不能被禍韜實控廉逃譽使才映一世聲

蓋人上冲用之道庸可暫替溫則反之能無敗乎權既疾溫名盛而駱統方驟言其美至云卓
冠群燁燁曜世世人未有及之者也斯何異燎之方盛又攜膏以熾之哉文士傳曰溫姊妹三人
皆有節行為溫事已嫁者皆見錄奪其中妹先適顧承官以許嫁
丁氏成婚有日遂飲藥而死吳朝嘉歎鄉人圖畫為之贊頌云
駱統字公緒會稽烏傷人也父俊官至陳相為表術所害謝承後漢書曰俊字

孝遠有文武才幹少為郡吏察孝廉補尚書郎擢拜陳相值表術僭號兄弟忿爭天下鼎沸群賊
並起陳與北界奸慝四布俊厲威武保疆境賊不敢犯養濟百姓災害不生歲獲豐稔後術軍眾
飢困就俊求糧俊疾惡術初
不應答術怒密使人殺俊 **統母改適為華歆小妻統時八歲遂與親客歸**
會稽其母送之拜辭上車面而不顧其母泣涕於後御者曰夫人
猶在也統曰不欲增母思故不顧耳事適母甚謹時饑荒鄉里及
遠方客多有困乏統為之飲食衰少其姊仁愛有行寡居無子見
統甚哀之數問其故統曰士大夫糟糠不足我何心獨飽姊曰誠
如是何不告我而自苦若此乃自以私粟與統又以告母母亦賢
之遂使分施由是顯名孫權以將軍領會稽太守統年二十試為
烏程相民戶過萬咸歎其惠理權嘉之召為功曹行騎都尉妻以

歸字以未平
校故私案
以自也

從兄輔女統志在補察苟所聞見夕不待旦常勸權以尊賢接士
勤求損益饗賜之日可人人別進問其燥濕加以密意誘諭使言
察其志趣令皆感恩戴義懷欲報之心權納用焉出為建忠郎將
領武射吏三千人及凌統死復領其兵是時徵役繁數重以疫癘
民戶損耗統上疏曰臣聞君國者以據疆土為強富制威福為尊
貴曜德義為榮顯永世胤為豐祚然財須民生強賴民力威恃民
勢福由民殖德俟民茂義以民行六者既備然後應天受祚保族
宜邦書曰眾非后無能胥以寧后非眾無以辟四方推是言之則
民以君安君以民濟不易之道也今強敵未殄海內未乂三軍有
無己之役江境有不釋之備徵賦調數由來積紀加以殃疫死喪
之災郡縣荒虛田疇蕪曠聽聞屬城民戶浸寡又多賤老少有丁
夫聞此之日心若焚燒思尋所由小民無知既有安土重遷之性

且又前後出為兵者生則困苦無有溫飽死則委棄骸骨不反是
以尤用戀本畏遠同之於死每有徵發羸謹居家重累者先是輸
送小有財貨傾居行賂不顧窮盡輕剝者則迸入險阻黨就群惡
百姓虛竭嗷然愁擾愁擾則不營業不營業則致窮困致窮困則
不樂生故口腹急則姦心動而攜叛多也又聞民間非居處小能
自供生產兒子多不起養屯田貧兵亦多棄子天則生之而父母
殺之既懼干逆和氣感動陰陽且惟殿下開基建國乃無窮之業
也強鄰大敵非造次所滅疆場常守非期月之戍而兵民減耗後
生不育非所以歷遠年致成功也夫國之有民猶水之有舟停則
以安擾則以危愚而不可欺弱而不可勝是以聖王重焉禍福由
之故與民消息觀時制政方今長吏親民之職惟以辦具為能取
過目前之急少復以恩惠為治副稱殿下天覆之仁勤恤之德者

時兵民初分故統
言若此今則漸以
利安又難變矣

官民政俗日以彫弊漸以陵遲勢不可久夫治疾及其未篤除患
貴其未深願殿下少以萬機餘閑留神思省補復荒虛深圖遠計
育殘餘之民阜人財之用參曜三光等崇天地臣統之大願足以
死而不朽矣權威統言深加意焉以隨陸遜破蜀軍於宜都遷偏
將軍黃武初曹仁攻濡須使別將常雕等襲中洲統與嚴圭共拒
破之封新陽亭侯後為濡須督數陳便宜前後書數十上所言皆
善文多故不悉載尤以占募在民間長惡敗俗生離叛之心急宜
絕置權與相反覆終遂行之年三十六黃武七年卒

陸瑁字子璋丞相遜弟也少好學篤義陳國陳融陳留濮陽逸沛
郡蔣纂廣陵袁迪等皆單貧有志就瑁遊處迪孫暉字思光作獻帝春秋云
迪與張紘等俱過江迪父綏為

相識臨死遺書託以孤弱瑁為起墳立墓收導其子又瑁從父績
太傅孫張超之討董
卓以綏領廣陵軍

早亡二男一女皆數歲以還瑁迎攝養至長乃別州郡辟舉皆不
就時尚書暨豔盛明臧否差斷三署頗揚人闇昧之失以顯其謫
瑁與書曰夫聖人嘉善矜愚忘過記功以成美化如今王業始建
將一大統此乃漢高棄瑕錄用之時也若令善惡異流貴汝頽月
旦之誣誠可以厲俗明教然恐未易行也宜遠模仲尼之泛愛中
則郭泰之弘濟近有益於大道也豔不能行卒以致敗嘉禾元年
公車徵瑁拜議郎選曹尚書孫權忿公孫淵之巧詐反覆欲親征
之瑁上疏諫曰臣聞聖王之御遠夷羈縻而已不常保有故古者
制地謂之荒服言慌惚無常不可保也今淵東夷小醜屏在海隅
雖託人面與禽獸無異國家所為不愛貨寶遠以加之者非嘉其
德義也誠欲誘納愚弄以規其馬耳淵之驕黠恃遠負命此乃荒
貊常態豈足深怪昔漢諸帝亦嘗銳意以事外夷馳使散貨充滿

西域雖時有恭從然其使人見害財貨并沒不可勝數今陛下不
忍悄悄之忿欲越巨海身踐其土群臣愚議竊謂不安何者北寇
與國壤地連接苟有間隙應機而至夫所以越海求馬曲意於淵
者為赴目前之急除腹心之疾也而更棄本追末捐近治遠忿以
改規激以動衆斯乃猾虜所願聞非大吳之至計也又兵家之術
以功役相疲勞逸相待得失之間所覺輒多且沓渚去淵道里尚
遠今到其所兵勢三分使強者進取次當守船又次運糧行人雖
多難得悉用加以單步負糧經遠深入賊地多馬邀截無常若淵
狙詐與北未絕動衆之日唇齒相濟若實子然無所憑賴其畏怖
遠迸或難卒滅使天誅稽於朔野山虜承間而起恐非萬安之長
慮也權未許瑁重上疏曰夫兵革者固前代所以誅暴亂威四夷
也然其役皆在奸雄已除天下無事從容廟堂之上以餘議議之

耳至于中夏鼎沸九域槃牙之時率須深根固本愛力惜費務自
休養以待鄰敵之闕未有正於此時舍近治遠以疲軍旅者也昔
尉佗叛逆僭號稱帝于時天下又安百姓殷阜帶甲之數糧食之
積可謂多矣然漢文猶以遠征不易重興師旅告喻而已今凶桀
未殄疆場猶警雖蚩尤鬼方之亂故當以緩急差之未宜以淵為
先願陛下抑威住計暫寧六師潛神嘿規以為後圖天下幸甚權
再覽瑁書嘉其詞理端切遂不行初瑁同郡聞人敏見特國邑憂
於宗脩惟瑁以為不然後果如其言赤烏二年瑁卒子喜亦涉文
籍好人倫孫皓時為選曹尚書

吳錄曰喜字文仲瑁第二子也入晉為散騎常侍瑁孫曄字士光至車騎將軍儀同三司曄弟玩字

士瑁晉陽秋稱玩器量淹雅位至司空追贈太尉

吾粲字孔休吳郡烏程人也

吳錄曰粲生數歲孤城姬見之謂其母曰是兒有卿相之骨

孫河為縣長粲

為小吏河深奇之河後為將軍得自選長吏表粲為曲阿丞遷為

注 見道遠傳 孫城鄉越見道遠

長史治有名迹雖起孤微與同郡陸遜卜靜等比肩齊聲矣孫權
爲車騎將軍召爲主簿出爲山陰令還爲參軍校尉黃武元年與
呂範賀齊等俱以舟師拒魏將曹休於洞口值天大風諸船纒繼
斷絕漂沒著岍爲魏軍所獲或覆沒沈溺其大船尚存者水中生
人皆攀緣號呼他吏士恐船傾沒皆以戈矛撞擊不受祭與黃淵
獨令船人以承取之左右以爲船重必敗祭曰船敗當俱死耳人
窮柰何棄之祭淵所活者百餘人還遷會稽太守召處士謝譚爲
功曹譚以疾不詣祭教曰夫應龍以屈伸爲神鳳皇以嘉鳴爲貴
何必隱形於天外潛鱗於重淵者哉祭募合人衆拜昭義中郎將
與呂岱討平山越入爲屯騎校尉少府遷太子太傅遭二宮之變
抗言執正明嫡庶之分欲使魯王霸出駐夏口遣楊竺不得令在
都邑又數以消息語陸遜遜時駐武昌連表諫爭由此爲霸竺等

所譖害下獄誅

朱據字子範吳郡吳人也有姿貌膂力又能論難黃武初徵拜五
官郎中補侍御史是時選曹尚書暨豔疾貪汙在位欲沙汰之據
以爲天下未定宜以功覆過棄瑕取用舉清厲濁足以沮勸若一
時貶黜懼有後咎豔不聽卒敗權咨嗟將率發憤歎息追思呂蒙
張溫以爲據才兼文武可以繼之由是拜建義校尉領兵屯湖熟
黃龍元年權遷都建業徵據尚公主魯首也字虎凌拜左將軍封雲陽侯謙虛接
士輕財好施祿賜雖豐而常不足用嘉禾中始鑄大錢一當五百
後據部曲應受三萬緡工王遂詐而受之典校呂壹疑據實取考
問主者死於杖下據哀其無辜厚棺斂之壹又表據吏爲據隱故
厚其殯權數責問據據無以自明藉草待罪數月典軍吏劉助覺
言王遂所取權大感悟曰朱據見枉况吏民乎乃窮治壹罪賞助

取字不誤觀
下文自見

取說取

宋本作無湖以米
言按之良是

蒙臨本其俱如

曹肅初亡謀以庚
改為代言或同於

寇舊惡依阻深地夫腹心未平難以圖遠可大部伍取其精銳權
納其策以為帳下右部督會丹陽賊帥費棧受曹公印綬扇動山
越為作內應權遣遜討棧棧支黨多而往兵少遜乃益施牙幢分
布鼓角夜潛山谷間鼓譟而前應時破散遂部伍東三郡強者為
兵羸者補戶得精卒數萬人宿惡盪除所過肅清還屯蕪湖會稽
太守淳于式表遜枉取民人愁擾所在遜後詣都言次稱式佳吏
權曰式白君而君薦之何也遜對曰式意欲養民是以白遜若遜
復毀式以亂聖聽不可長也權曰此誠長者之事顧人不能為耳
呂蒙稱疾詣建業遜往見之謂曰關羽接境如何遠下後不當可
憂也蒙曰誠如來言然我病篤遜曰羽矜其驍氣陵轢於人始有
大功意驕志逸得務北進未嫌於我有相聞病必益無備今出其
不意自可禽制不見至尊宜好為計蒙曰羽素勇猛既難為敵且

從宋本
從宋本

已據荊州恩信大行兼始有功膽勢益盛未易圖也蒙至都權問
誰可代卿者蒙對曰陸遜意思深長才堪負重觀其規慮終可大
任而未有遠名非羽所忌無復是過若用之當令外自韜隱內察
形便然後可克權乃召遜拜偏將軍右部督代蒙遜至陸口書與
羽曰前承觀釁而動以律行師小舉大克一何巍巍敵國敗績利
在同盟聞慶拊節想遂席卷其獎王綱近以不敏受任來西延慕
光塵思稟良規又曰于禁等見獲遐邇欣歎以為將軍之勲足以
長世雖昔晉文城濮之師淮陰拔趙之畧茂以尚茲聞徐晃等步
騎駐旌闕望塵葆操猥虜也忿不思難恐潛增眾以逞其心雖云
師老猶有驍悍且戰捷之後常苦輕敵古人杖術軍勝彌警願將
軍廣為方計以全獨克僕書生疏遲忝所不堪喜鄰威德樂自傾
盡雖未合策猶可懷也儻明注仰有以察之羽覽遜書有謙下自

李方云是孫劉所
以分揚關要故特
提年月

已封侯而猶放年
茂才為崇選

傳形戰亡
事見季澤
捕臣贊

去壁更其成利速
戰西茂避其銳宜
後攻

託之意意大安無復所嫌遜具啓形狀陳其可禽之要權乃潛軍
而上使遜與呂蒙為前部至即克公安南郡遜徑進領宜都太守
拜撫邊將軍封華亭侯備宜都太守樊友委郡走諸城長吏及蠻
夷君長皆降遜請金銀銅印以假授初附是歲建安二十四年十
一月也遜遣將軍李異謝旌等將三千人攻蜀將詹晏陳鳳異將
水軍旌將步兵斷絕險要即破晏等生降得鳳又攻房陵太守鄧
輔南鄉太守郭睦大破之秭歸大姓文布鄧凱等合夷兵數千人
首尾西方遜復部旌討破布凱布凱脫走蜀以為將遜令人誘之
布帥眾還降前後斬獲招納凡數萬計權以遜為右護軍鎮西將
軍進封婁侯吳書曰權在嘉遜功德欲殊顯之雖為上將軍列侯猶欲令
歷本州舉命乃使揚州牧呂範就辟別駕從事舉茂也時荊州士人
新還仕進或未得所遜上疏曰昔漢高受命招延英異光武中興
羣俊畢至苟可以熙隆道教者未必遠近今荊州始定人物未達

臣愚悽悽乞普加覆載抽拔之恩令竝獲自進然後四海延頸思
歸大化權敬納其言黃武元年劉備率大眾來向西界權命遜為
大都督假節督朱然潘璋宋謙韓當徐盛鮮于丹孫桓等五萬人
拒之備從巫峽建平連圍至夷陵界立數十屯以金錦爵賞誘動
諸夷使將軍馮習為大督張南為前部輔匡趙融廖淳傅彤等各
為別督先遣吳班將數千人於平地立營欲以挑戰諸將皆欲擊
之遜曰此必有譎且觀之吳書曰諸將欲擊備遜以為不可曰備舉軍東下銳
氣始盛自乘高守險難可卒攻之縱下猶難盡克若有
不利損我大勢非小故也今但且獎厲將士廣施方略以觀其變若此間是平原曠野當恐有顛
沛交馳之憂今緣山行軍勢不得展自當罷於木石之間徐制其弊耳諸將不解以為遜畏之各
懷憤恨備知其計不弼乃引伏兵八千從谷中出遜曰所以不聽諸君
擊班者揣之必有巧故也遜上疏曰夷陵要害國之關限雖為易
得亦復易失失之非徒損一郡之地荊州可憂今日爭之當令必
諧備于天常不守窟穴而敢自送臣雖不材憑奉威靈以順討逆

類御覽作
以御覽

文布北雍李史

水陸俱進則及鋒
四用舍無就步則
即老運退漸見
險故得以速行勞
向交擊之意也

李若英人只有火
以軍耳伯言火
已合與全其傍
最依樹結營既
密而後用之所求
權及告諸將者統
不肯顯言也

李方云士不忍辱
決難負重

破壞在近尋備前後行軍多敗少成推此論之不足為戚臣初嫌
之水陸俱進今反舍船就步處處結營察其布置必無他變伏願
至尊高枕不以為念也諸將竝曰攻備當在初今乃令入五六百
里相銜持經七八月其諸要害皆以固守擊之必無利矣遜曰備
衛持二字和連此書中屬見
是猾虜更嘗事多其軍始集思慮精專未可于也今住已久不得
我便兵疲意沮計不復生犄角此寇正在今日乃先攻一營不利
諸將皆曰空殺兵耳遜曰吾已曉破之之術乃勅各持一把茅以
火攻拔之一爾勢成通率諸軍同時俱攻斬張南馮習及胡王沙
摩柯等首破其四十餘營備將杜路劉寧等窮逼請降備升馬鞏
山陳兵自繞遜督促諸軍四面感之士崩瓦解死者萬數備因夜
遁驛人自擔燒鏡鎧斷後僅得入白帝城其舟船器械水步軍資
一時畧盡尸骸漂流塞江而下備大慙恚曰吾乃為遜所拆辱豈

從宋本

非天邪初孫桓別討備前鋒於夷道為備所圍求救於遜遜曰未
可諸將曰孫安東公族見圍已困奈何不救遜曰安東得士眾心
城牢糧足無可憂也待吾計展欲不救安東安東自解及方畧大
施備果奔潰桓後見遜曰前實怨不見救定至今日乃知調度自
有方耳當禦備時諸將軍或是孫策時舊將或公室貴戚各自矜
恃不相聽從遜案劔曰劉備天下知名曹操所憚今在境界此強
對也諸君竝荷國恩當相輯睦共翦此虜上報所受而不相順非
所謂也僕雖書生受命主上國家所以屈諸君使相承望者以僕
有尺寸可稱能忍辱負重故也各任其事豈復得辭軍令有常不
可犯矣及至破備計多出遜諸將乃服權聞之曰君何以初不啓
諸將違節度者邪遜對曰受恩深重任過其才又此諸將或任腹
心或堪爪牙或是功臣皆國家所當與其克定大事者臣雖鴛儒

任宋本亦在

權臣也
多行威
亦行威

大勝之後將驕乎
備所說仰
又誰一有失利前
功盡棄昭烈老
兵得蜀已固非
曹仁之在南郡
恨而走也連兵于
西主客異勢決
還者中人所能
知也盛璋謀如
永安耳

季方云林敗便
由不能忍辱

魏志劉景南陽
家人與丁儀共論
刑禮傳于世美
景南里前也

竊慕相如寇恂相下之義以濟國事權大笑稱善加拜遜輔國將
軍領荊州牧即改封江陵侯又備既住白帝徐盛潘璋宋謙等各
競表言備必可禽乞復攻之權以問遜遜與朱然駱統以為曹不
大合士眾外託助國討備內實有姦心謹決計輒還無幾魏軍果
出三方受敵也吳錄曰劉備聞魏軍大出書與遜云賊今已在江陵吾將復東將軍謂其能然不遜答曰但恐軍新破創夷未復始求通親且當自補未暇窮兵耳
若不推算欲復以傾覆之備尋病亡子禪襲位諸葛亮秉政與權連和時事所宜權輒令遜語亮并刻權印以置遜所權每與禪亮書常過示遜輕重可否有所不安便令改定以印封行之七年權使鄱陽太守孫魴詣魏大司馬曹休休果舉眾入皖乃召遜假黃鉞為大都督逆休陸機為遜銘曰魏大司馬曹休侵我北鄙乃假公黃鉞統御六師及中軍禁衛而攝行王事王上執鞭百司屈膝吳錄曰假遜黃鉞吳王親執鞭以見之休既覺知恥見欺誘自恃兵馬精多遂交戰遜自為中部令朱桓全琮為左右翼三道俱進果衝休伏兵因驅走之追亡逐北徑至夾石斬獲萬餘牛馬驢騾車乘萬兩軍資器械畧盡休還疽發背死諸軍振旅過武昌權令左右以御蓋覆遜入出殿門凡所賜遜皆御物上珍於時莫與為比遣還西陵黃龍元年拜上大將軍右都護是歲權東巡建業留太子皇子及尚書九官徵遜輔太子并掌荊州及豫章三郡事董督軍國時建昌侯慮於堂前作鬪鴨欄頗施小巧遜正色曰君侯宜勤覽經典以自新益用此何為慮即時毀徹之射聲校尉松於公子中最親戲兵不整遜對之髡其職吏南陽謝景善劉廙之先刑後禮之論遜呵景曰禮之長於刑久矣廙以細辯而詭先聖之教皆非也君今侍東宮宜遵仁義以彰德音若彼之談不須講也遜雖身在外乃心於國上疏陳時事曰臣以為科法嚴峻下犯者多頃年以來將吏罹罪雖不慎可責然天下未一當圖進取小宜恩貸以安下情且世務日興良能為先自

下未一當圖進取小宜恩貸以安下情且世務日興良能為先自

宋本作周

惟宋本也

乘姦穢入身難忍之過乞復顯用展其力效此乃聖王忘過記功以成王業昔漢高舍陳平之愆用其奇畧終建勲祚功垂千載夫峻法嚴刑非帝王之隆業有罰無恕非懷遠之弘規也權欲遣偏師取夷州及朱崖皆以諮遜遜上疏曰臣愚以為四海未定當須民力以濟時務今兵興歷年見眾損減陛下憂勞聖慮忘寢與食將遠規夷州以定大事臣反覆思惟未見其利萬里襲取風波難測民易水土必致疾疫今驅見眾經涉不毛欲益更損欲利反害又朱崖絕險民猶禽獸得其民不足濟事無其兵不足虧眾今江東見眾自足圖事但當畜力而後動耳昔桓王創基兵不一旅而開大業陛下承運拓定江表臣聞治亂討逆須兵為威農桑衣食民之本業而干戈未戢民有飢寒臣愚以為宜育養士民寬其租賦眾克在和義以勸勇則河渭可平九有一統矣權遂征夷州得

伯言固有志欲
此則中智所羨其
大可以不載
斯事固係
甚大伯言
又切當時
臣多諫而
惟伯言為
柱石重臣
且以勤吳
主上陸抗
以中止吳
室容不載
耶

不補失及公孫淵背盟權欲往征遜上疏曰淵憑險恃固拘留大使名馬不獻實可讐忿蠻夷猾夏未染王化烏窳荒裔拒逆王師至今陛下爰赫斯怒欲勞萬乘汎輕越海不慮其危而涉不測方今天下雲擾羣雄虎爭英豪踊躍張聲大視陛下以神武之姿誕膺期運破操烏林敗備西陵禽羽荊州斯三虜者當世雄傑皆摧其鋒聖化所綏萬里草偃方蕩平華夏總一大猷今不忍小忿而發雷霆之怒違垂堂之戒輕萬乘之重此臣之所惑也臣聞志行萬里者不中道而輟足圖四海者匪懷細以害大強寇在境荒服未庭陛下乘桴遠征必致闕闕感至而憂悔之無及若使大事時捷則淵不討自服今乃遠惜遼東眾之與馬奈何獨欲捐江東萬安之本業而不惜乎乞息六師以威大虜早定中夏垂耀將來權用納焉嘉禾五年權北征使遜與諸葛瑾攻襄陽遜遣親人韓扁

齋表奉報還遇敵於沔中鈔邏得扁瑾聞之甚懼書與遜云大駕已旋賊得韓扁具知吾閣狹且水乾宜當急去遜未答方催人種葑豆與諸將奕碁射戲如常瑾曰伯言多智畧其當有以自來見遜遜曰賊知大駕以旋無所復感得專力於吾又已守要害之處兵將意動且當自定以安之施設變術然後出耳今便示退賊當謂吾怖仍來相感必敗之勢也乃密與瑾立計令瑾督舟船遜悉上兵馬以向襄陽城敵素憚遜遽還赴城瑾便引船出遜徐整部伍張拓聲勢步趨船敵不敢干軍到白圍託言住獵潛遣將軍周峻張梁等擊江夏新市安陸石陽石陽市盛峻等奄至人皆捐物入城城門噎不得關敵乃自斫殺已民然後得闖斬首獲生凡千餘人

臣松之以為遜慮孫權已退魏得專力於已既能張拓形勢使敵不敢犯方舟順流無復餘人 憐惕矣向為復潛遣諸將奄襲小縣致令市人駭奔自相傷害倖賊人未足損魏徒使無辜之民橫罹荼酷與諸葛淵濟之師何其殊哉用兵之道既違失律之凶宜應其詐無三世及孫而滅豈此之餘殃哉其所生得皆加營護不

令兵士干擾侵侮將家屬來者使就料視若亡其妻子者即給衣糧厚加慰勞發遣令還或有感慕相攜而歸者鄰境懷之

臣松之以為此無異 殘林覆巢而全其遺鷺

江夏功曹趙濯弋陽備將裴生及夷王梅頤等並帥支黨來附遜遜傾財帛周贍經恤又魏江夏太守逢式

遂音錄 兼領兵馬頗作邊害而與北舊將文聘子休宿不協遜聞其然即假作

答式書云得報懇惻知與休久結嫌隙勢不兩存欲來歸附輒以

密呈來書表聞撰眾相迎宜潛速嚴更示定期以書置界上式兵

得書以見式式惶懼遂自送妻子還洛由是吏士不復親附遂以

免罷

臣松之以為邊將為害蓋其常事使遂式得罪代者亦復如之自非狡焉思肆將成大患自足虧損雅慮尚為小詐哉以斯為美又所不取 六年中郎將

周祇乞於鄱陽召募事下問遜遜以為此郡民易動難安不可與

召恐致賊寇而祇固陳取之郡民吳遽等果作賊殺祇攻沒諸縣

豫章廬陵宿惡民竝應遽為寇遂自聞輒討即破遽等相率降遜

昔為將者所不
庸但作史者乃可不
載大抵英志頗長
未測者多

朱桓傳與胡綜
相率事王明遜
非謂已矣

者謂無當其論
遜式事尤乖錯
謂之規模自
遜此舉即推
之念也但於其

此等事已見似不必復載本傳

料得精兵八千餘人三郡平時中書典校呂壹竊弄權柄擅作威

福遜與太常潘濬同心憂之言至流涕後權誅壹深以自責語在

權傳時謝淵謝玄等各陳便宜欲興利改作會稽典錄曰謝淵字休德少修德操躬秉耒耜既無感容又不

易慮由是知名舉孝廉稍遷至建武將軍雖在戎旅猶垂意人物略統于名秀被門庭之謗眾論

狐疑莫能證明淵聞之歎息曰公緒早天同盟所哀聞其子志行明辨而被闇昧之謗望諸夫子

烈然高斷而各懷遲疑非所望也秀卒見明無復瑕地終為顯一淵之力也吳歷稱云謝玄才辯有計術以事下遜遜議曰國以民為本

強由民力財由民出夫民殷國弱民瘠國強者未之有也故為國

者得民則治失之則亂若不受利而令盡用立効亦為難也是以

詩歎宜民宜人受祿于天乞垂聖恩寧濟百姓數年之間國用少

豐然後更圖赤烏七年代顧雍為丞相詔曰朕以不德應期踐運

王塗未一姦宄充路夙夜戰懼不遑鑿寐惟君天資聰敏明德顯

融統任上將匡國弭難夫有超世之功者必膺光大之寵懷文武

之才者必荷社稷之重昔伊尹隆湯呂尚翼周內外之任君實兼

之今以君為丞相使使持節守太常傳常授印綬君其茂昭明德

修乃懿績敬服王命綏靖四方於乎總司三事以訓羣寮可不敬

與君其勗之其州牧都護領武昌事如故先是二宮並闕中外職

司多遣子弟給侍全琮報遜遜以為子弟苟有才不憂不用不宜

私出以要榮利若其不佳終為取禍且聞二宮勢敵必有彼此此

古人之厚忌也琮子寄果阿附魯王輕為交構遜書與琮曰卿不

師日磬而宿留阿寄終為足下門戶致禍矣琮既不納更以致隙

及太子有不安之議遜上疏陳太子正統宜有盤石之固魯王藩

臣當使寵秩有差彼此得所上下獲安謹叩頭流血以聞書三四

上及求詣都欲口論適庶之分以匡得失既不聽許而遜外生顧

譚顧承姚信竝以親附太子枉見流徙太子太傅吾粲坐數與遜

交書下獄死權累遣中使責讓遜遜憤恚致卒時年六十三家無

遜與諸葛 陸等宗事 太子與步騭 全琮等事 琮其宿 智阿寄等 遜志聽孫子 敬宗之言 上疏陳太子 林連累遺 信責其後 以死守正 則未也

暨問九或云當言
居乙切諸

餘財初暨豔造營府之論遜諫戒之以為必禍又謂諸葛恪曰在
我前者吾必奉之同升在我下者則扶持之今觀君氣陵其上意
蔑乎下非安德之基也又廣陵楊竺少獲聲名而遜謂之終敗勸
竺兄穆令與別族其先覩如此長子延早夭次子抗襲爵孫休時
追諡遜曰昭侯

抗字幼節孫策外孫也遜卒時年二十拜建武校尉領遜眾五千
人送葬東還詣都謝恩孫權以楊竺所白遜二十事問抗禁絕賓
客中使臨詰抗無所顧問事事條答權意漸解赤烏九年遷立節
中郎將與諸葛恪換屯柴桑抗臨去皆更繕完城圍葺其墻屋居
廬桑果不得妄敗恪入屯儼然若新而恪柴桑故屯頗有毀壞深
以為慙太元元年就都治病病差當還權涕泣與別謂曰吾前聽
用讒言與汝父大義不篤以此負汝前後所問一焚滅之莫令人

自字不誤
將樂也
字誤有
豈即甘興
兩朝信中所
云國某款
而省其文
耶抑脫款
字耶
又解當作
函頭三三
感統法正
二傳
顧史武亦恪
指益陽之款
三書作自益
陽至白帝

見也建興元年拜奮威將軍太平二年魏將諸葛誕舉壽春降拜
抗為柴桑督赴壽春破魏牙門將偏將軍遷征北將軍永安二年
拜鎮軍將軍都督西陵自關羽至白帝三年假節孫皓即位加鎮
軍大將軍領益州牧建衡二年大司馬施績卒拜抗都督信陵西
陵夷道樂鄉公安諸軍事治樂鄉抗聞都下政令多闕憂深慮遠
乃上疏曰臣聞德均則眾者勝寡力侔則安者制危蓋六國所以
兼并於疆秦西楚所以北面於漢高也今敵跨制九服非徒關右
之地割據九州豈但鴻溝以西而已國家外無連國之援內非西
楚之疆庶政陵遲黎民未乂而議者所恃徒以長川峻山限帶封
域此乃守國之末事非智者之所先也臣每遠惟戰國存亡之行
近覽劉氏傾覆之釁考之典籍驗之行事中夜撫枕臨餐忘食昔
匈奴未滅去病辭館漢道未純賈生哀泣况臣王室之出世荷光

中興本非
書傳

寵身名否泰與國同感死生契闊義無苟且夙夜憂懼念至情慘夫事君之義犯而勿欺人臣之節匪躬是殉謹陳時宜十七條如左十七條失本故不載時何定弄權闖官預政抗上疏曰臣聞開國承家小人勿用靖譖庸回唐書攸戒是以雅人所以怨刺仲尼所以歎息也春秋已來爰及秦漢傾覆之釁未有不由斯者也小人不明理道所見既淺雖使竭情盡節猶不足任況其姦心素篤而憎愛移易哉苟患失之無所不至今委以聰明之任假以專制之威而與雍熙之聲作肅清之化立不可得也方今見吏殊才雖少然或冠冕之胄少漸道教或清苦自立資能足用自可隨才授職抑黜羣小然後俗化可清庶政無穢也鳳皇元年西陵督步闡據城以叛遣使降晉抗聞之日部分諸軍令將軍左奕吾彥蔡貢等徑赴西陵勅軍營更築嚴圍自赤谿至故市內以圍闡外以禦

寇晝夜催切如敵以至衆甚苦之諸將咸諫曰今及三軍之銳亟以攻闡比晉救至闡必可拔何事於圍而以弊士民之力乎抗曰此城處勢既固糧穀又足且所繕修備禦之具皆抗所宿規今反身攻之既非可卒克且北救必至至而無備表裏受難何以禦之諸將咸欲攻闡抗每不許宜都太守雷譚言至懇切抗欲服衆聽令一攻攻果無利圍備始合晉車騎將軍羊祜率師向江陵諸將咸以抗不宜上抗曰江陵城固兵足無所憂患假令敵沒江陵必不能守所損者小如使西陵槃結則南山羣夷皆當擾動則所憂慮難可而言也吾寧棄江陵而赴西陵況江陵牢固乎初江陵平衍道路通利抗勅江陵督張咸作大堰遏水漸漬平中以絕寇叛祜欲因所遏水浮船運糧揚聲將破堰以通步軍抗聞使咸亟破之諸將皆惑屢諫不聽祜至當陽聞堰敗乃改船以車運大費損

功力晉巴東監軍徐胤率水軍詣建平荆州刺史楊肇至西陵抗
令張咸固守其城公安督孫遵巡南岸禦祐水軍督留慮鎮西將
軍朱琬拒胤身率三軍憑圍對肇將軍朱喬營都督俞贊亡詣肇
抗曰贊軍中舊吏知吾虛實者吾常慮夷兵素不簡練若敵攻圍
必先此處即夜易夷民皆以舊將充之明日肇果攻故夷兵處抗
命旋軍擊之矢石雨下肇眾傷死者相屬肇至經月計屈夜遁抗
欲追之而慮闡畜力項領伺視間隙兵不足分於是但鳴鼓戒眾
若將追者肇眾兇懼悉解甲挺走抗使輕兵躡之肇大破敗祐等
皆引軍還抗遂陷西陵城誅夷闡族及其大將吏自此以下所請
赦者數萬口修治城圍東還樂鄉貌無矜色謙冲如常故得將士
歡心晉陽秋曰抗與羊祜推倚札之好抗嘗遺祜酒祜飲之不疑抗有疾祜讀之藥抗亦推心
服之于時以為華元子反復見於今漢晉春秋曰羊祜既歸增修德信以懷吳人陸抗
每告其邊戍曰彼專為德我專為暴是不戰而自服也各保分界無求細益而已於是吳晉之間
餘糧栖敵而不犯馬逸而入境可宣告而與也沔上獵吳獲晉人先傷者皆送而相還抗嘗疾

求藥於祐祐以成合與之曰此上藥也近始自作未及服以君疾急故相致抗得而服之諸將或
諫抗不答孫皓聞二境交和以詰於抗抗曰夫一邑一鄉不可以無信義之人而況大國乎臣不
如是正足以彰其德耳於祐無傷也或以祐抗為失臣節兩譏之習鑿齒曰夫理勝者天下之
所保信順者萬人之所宗雖大猷既喪義聲久淪狙詐馳於當塗權畧周乎急務負力從橫之人
臧獲牧豎之智未有不憑此以創功捨茲而獨立者也是故晉文退舍而原城請命魯子圍鼓訓
之以力治夫獻策而費人斯歸樂毅緩攻而風烈長流觀其所以服物制勝者豈徒威力相詐而
已哉自今三家鼎足四十有餘年矣吳人不能越淮沔而進取中國中國不能陵長江以爭利者
力均而智侔道不足以相傾也夫殘彼而利我未若利我而無殘振武以懼物未若德廣而民懷
匹夫猶不可以力服而況一國乎力服猶不如以德來而況不制乎是以羊祜恢大同之畧思五
兵之則齊其民人均其施澤振義綱以羅強吳明兼愛以革暴俗易生民之視聽馳不戰乎江表
故能德音悅暢而襁負雲集殊鄰異域義讓交弘自吳之遇敵未有若此者也抗見國小主暴而
晉德彌昌人積兼已之善而已無固本之規百姓懷嚴敵之德國境有棄主之慮思所以鎮定民
心緝寧外內奮其危弱抗權上國者莫若親行斯道以俾其勝使彼德靡加吾而此善流聞歸重
邦國弘明遠風折衝於枕席之上校勝於帷幄之內傾敵而不以甲兵之力保國而不浚溝池之
固信義感於寇讐丹懷體於先日豈設狙詐以危賢徇己身之私名貪外物之重我聞服之而不
備者哉由是論之苟守局而保疆一卒之所能協數以相危小人之近事積詐以防物臧獲之餘
慮威勝以求安明哲之所賤賢人君子所以加拜都護聞武昌左部督薛瑩徵下
拯世垂範舍此而取彼者其道良弘故也

獄抗上疏曰夫俊乂者國家之良寶社稷之貴資庶政所以倫敘
四門所以穆清也故大司農樓玄散騎中常侍王蕃少府李勗皆
當世秀穎一時顯器既蒙初寵從容列位而竝旋受誅殛或圯族

替祀或投棄荒裔蓋周禮有赦賢之辟春秋有宥善之義書曰與其殺不辜寧失不經而蕃等罪名未定大辟以加心經忠義身被極刑豈不痛哉且已死之刑固無所識至乃焚爍流漂棄之水濱懼非先王之正典或甫侯之所戒也是以百姓哀聳士民同感蕃勗永已悔亦靡及誠望陛下赦召玄出而頃聞薛瑩卒見逮錄瑩父綜納言先帝傅弼文皇及瑩承基內厲名行今之所坐罪在可宥臣懼有司未詳其事如復誅戮益失民望乞垂天恩原赦瑩罪哀矜庶獄清澄刑網則天下幸甚時師旅仍動百姓疲弊抗上疏曰臣聞易貴隨時傳美觀釁故有夏多罪而殷湯用師紂作淫虐而周武授鉞苟無其時玉臺有憂傷之慮孟津有反旆之軍今不務富國彊兵力農畜穀使文武之才效展其用百揆之署無曠厥職明黜陟以厲庶尹審刑罰以示勸沮訓諸司以德而撫百姓以

仁然後順天乘運席卷宇內而聽諸將徇名窮兵黷武動費萬計士卒彫瘁寇不爲衰而我已大病矣今爭帝王之資而昧十百之利此人臣之姦便非國家之良策也昔齊魯三戰魯人再剋而亡不旋踵何則大小之勢異也況今師所剋獲不補所喪哉且阻兵無衆古之明鑒誠宜暫息進取小規以畜士民之力觀釁伺隙庶無悔吝二年春就拜大司馬荊州牧三年夏疾病上疏曰西陵建平國之蕃表旣處下流受敵二境若敵汎舟順流舳艫千里星奔電邁俄然行至非可恃援他部以救倒縣也此乃社稷安危之機非徒封疆侵陵小害也臣父遜昔在西垂陳言以爲西陵國之西門雖云易守亦復易失若有不守非但失一郡則荊州非吳有也如其有虞當傾國爭之臣往在西陵得涉遜迹前乞精兵三萬而至者循常未肯差赴自步闡以後益更損耗今臣所統千里受敵

吳紀隨奉
使如魏其論
必爭之地不
區區四如人有
大之能其
復風寒六
兵之耳也
非當者豈
乃備多力分
開以延故
流神而不
恃鐵鎖以
為固不
蓋果入法
陽矣誰謂
地無藩籬
之限哉

步武或減出于國典
本特云自時史以下
諸君者教萬口則
待所言之當以實
福報乎但三世為
未所忌且其
與吳存亡固已
之復不思野哭自
屏而彈冠教國
結強藩終致斯
為可嗟惜耳
賈祖論吳
蜀以進
諸葛其
益祚可知
其才略矣

四處外禦疆對內懷百蠻而上下見兵財有數萬羸弊日久難以
待變臣愚以為諸王幼冲未統國事可且立傅相輔導賢姿無用
兵馬以妨要務又黃門豎宦開立占募兵民怨役逋逃入占乞特
詔簡閱一切料出以補疆場受敵常處使臣所部足滿八萬省息
眾務信其賞罰雖韓白復生無所展巧若兵不增此制不改而欲
剋諧大事此臣之所深感也若臣死之後乞以西方為屬願陛下
思覽臣言則臣死且不朽秋遂卒子晏嗣晏及弟景玄機雲分領
抗兵晏為裨將軍夷道監天紀四年晉軍伐吳龍驤將軍王濬順
流東下所至輒剋終如抗慮景字士仁以尚公主拜騎都尉封毗
陵侯既領抗兵拜偏將軍中夏督澡身好學著書數十篇也文士傳曰陸景
母張承女諸葛恪外甥恪誅景母坐見黜景少
為祖母所育養及祖母亡景為之心喪三年二月壬戌晏為王濬別軍所殺癸
亥景亦遇害時年三十一景妻孫皓適妹與景俱張承外孫也弟景

機字士衡雲字士龍機雲別傳曰晉大康末俱入洛造司空張華華一見而奇之曰伐吳之役利
在獲二傳遂為之延譽薦之諸公太傅楊駿辟機為祭酒轉太子洗馬尚書著作郎雲為吳王郎
中令出宰浚儀甚有惠政吏民懷之生為立祠後立歷顯位機天才綺練文藻之美獨冠於時雲
亦善屬文清新不及機而口辯持論過之於時朝廷多故機雲並自結於成都王穎穎用機為平
原相雲清河內史尋轉雲右司馬甚見委仗無幾而與長沙王構隙遂舉兵攻洛以機行後將軍
督王粹牽秀等諸軍二十萬士龍著南征賦以美其事機吳人羈旅單宦頓居羣士之右多不厭
服機屢戰失利死散過半初宦人孟玖穎所嬖幸乘寵豫權雲數言其短穎不能納玖又從而毀
之是役也玖弟超亦領眾配機不奉軍令機繩之以法超宣言曰陸機將反及牽秀等譖機於穎
以為持兩端玖又構之於內穎信之遣收機并收雲及弟眈並伏法機兄弟既江南之秀亦著名
諸夏並以無罪夷滅天下痛惜之機文章為世所重雲所著亦傳於世初抗之克步闡也誅及嬰
孩識道者尤之曰後世必受其殃及機之誅三族無遺孫惠與朱誕書曰馬
援擇君凡人所聞不意三陸相攜暴朝殺身傷名可為悼歎事亦並在晉書

評曰劉備天下稱雄一世所憚陸遜春秋方壯威名未著權而克
之罔不如志予既奇遜之謀畧又歎權之識才所以濟大事也及
遜忠誠懇至憂國忘身庶幾社稷之臣矣抗貞亮籌幹咸有父風
奕世載美具體而微可謂克構者哉

及古別

十三

本補

權機

點批三國志

吳書十三

西川屯鳳
氏圖南中

三國志五十八

吳書十四

三國志五十九

吳主五子傳第十四

孫登字子高權長子也魏黃初二年以權為吳王拜登東中郎將封萬戶侯登辭侯不受是歲立登為太子選置師傅銓簡秀士以為賓友於是諸葛恪張休顧譚陳表等以選入侍講詩書出從騎射權欲登讀漢書習知近代之事以張昭有師法重煩勞之乃令休從昭受讀還以授登登待接寮屬畧用布衣之禮與恪休譚等或同輿而載或共帳而寐太傅張溫言於權曰夫中庶子官最親密切問近對宜用雋德於是乃用表等為中庶子後又以庶子禮拘復令整巾侍坐黃龍元年權稱尊號立為皇太子以恪為左輔休右弼譚為輔正表為翼正都尉是為四友而謝景范慎刁玄羊衛等衛音道皆為賓客於是東宮號為多士

吳錄曰慎字孝微廣陵人竭忠知己之君纏綿三益之友時人榮之著論一士

胡綜考作
胡綜
下不誤

水盛于時已有

有防微之處者當
在此時

篇名曰燭非後為侍中出補武昌左部督治軍整頓孫皓移都其憚之詔曰慎勳德俱茂朕所敬
憑宜登上以副眾望以為太尉慎自恨久為將遂託老耄軍士戀之舉營為之隕涕鳳皇三年
卒子權嗣去丹陽人衛南陽人吳書曰衛初為中庶子年二十時廷尉監隱蕃交結豪傑自衛
將軍全琮等皆傾心敬待惟衛及宣詔鄭豫章楊迪拒絕不與通時人咸怪之而蕃後叛逆眾乃
服之江表傳曰登使侍中胡綜作賓友曰曰英才卓越超踰倫匹則諸葛恪精識時機達幽究
微則顧譚為辯宏達言能釋結則謝景究學甄微游夏同科則范慎衛乃私駁綜曰元遜才而疏
子嘿精而怨叔發辯而浮孝敬深而狹所言皆有指趣而衛卒以此言見
咎不為恪等所親後四人皆敗吳人謂衛之言有徵位至桂陽太守卒

上大將軍陸遜輔登鎮武昌領官府留事登或射獵富由徑道常
遠避良田不踐苗稼至所頓息又擇空閑之地其不欲煩民如此
嘗乘馬出有彈丸過左右求之有一人操彈佩丸咸以為是辭對
不服從者欲捶之登不聽使求過丸比之非類乃見釋又失盛水
金馬孟覺得其主左右所為不忍致罰呼責數之長遣歸家勅親
近勿言後弟慮卒權為之降損登晝夜兼行到賴鄉自聞即時召
見見權悲泣因諫曰慮寢疾不起此乃命也方今朔土未一四海
喁喁天戴陛下而以下流之念減損太官殺饌過於禮制臣竊憂

惶權納其言為之加膳住十餘日欲遣西還深自陳乞以久離定
省子道有闕又陳陸遜忠勤無所顧憂權遂留焉嘉禾三年權征
新城使登居守總知留事時年穀不豐頗有盜賊乃表定科令所
以防禦甚得止姦之要初登所生庶賤徐夫人少有母養之恩後
徐氏以妬廢處吳而步夫人最寵步氏有賜登不敢辭拜受而已
徐氏使至所賜衣服必沐浴服之登將拜太子辭曰本立而道生
欲立太子宜先立后權曰卿母安在對曰在吳權默然吳書曰弟和自
能於權登親敬
待之如兄弟有欲讓之心立凡二十一年年三十三卒臨終上疏曰臣以無狀嬰抱
篤疾自省微劣懼卒隕斃臣不自惜念當委離供養埋瘞后土長
不復奉望宮省朝覲日月生無益於國死貽陛下重感以此為哽
結耳臣聞死生有命長短自天周晉顏回有上智之才而尚夭折
況臣愚陋年過其壽生為國嗣沒享榮祚於臣已多亦何悲恨哉

御覽作知
張作淑

此處翻字疑誤
于時仲州漢于文
州已十餘年且未
嘗用過官卷也
未育對錄
陽與有部
陽太守章
安慶朝堂
和居和堂
又以上文詳
挂後考
記例之恐此
二字非
人姓名

方今大事未定通寇未討萬國喁喁係命陛下危者望安亂者仰
治願陛下棄忘臣身割下流之恩修黃老之術篤養神光加羞珍
膳廣開神明之慮以定無窮之業則率土幸賴臣死無恨也皇子
和仁孝聰哲德行清茂宜早建置以繫民望諸葛恪才畧博達器
任佐時張休顧譚謝景皆通敏有識斷入宜委腹心出可為爪牙
范慎華融矯矯壯節有國士之風羊銜辯捷有專對之材刁玄優
弘志履道真裴欽博記翰采足用蔣修虞翻志節分明凡此諸臣
或宜廊廟或任將帥皆練時事明習法令守信固義有不可奪之
志此皆陛下日月所照選置臣宮得與從事備知情素敢以陳聞
臣重惟當今方外多虞師旅未休當厲六軍以圖進取軍以人為
眾眾以財為寶竊聞郡縣頗有荒殘民物凋弊姦亂萌生是以法
令繁滋刑辟重切臣聞為政聽民律令與時推移誠宜與將相大

臣詳擇時宜博采眾議寬刑輕賦均息力役以順民望陸遜忠勤
於時出身憂國蹇蹇在公有匪躬之節諸葛瑾步騭朱然全琮朱
據呂岱吾粲闕澤嚴畷張承孫怡忠於為國通達治體可令陳上
便宜蠲除苛煩愛養士馬撫循百姓五年之外十年之內遠者歸
復近者盡力兵不血刃而大事可定也臣聞鳥之將死其鳴也哀
人之將死其言也善故子囊臨終遺言戒時君子以為忠豈況臣
登其能已乎願陛下留意聽采臣雖死之日猶生之年也既絕而
後書聞權益以摧感言則隕涕是歲赤烏四年也謝景時為豫章
太守不勝哀情棄官奔赴拜表自劾權曰君與太子從事異於他
吏使中使慰勞聽復本職發遣還郡謚登曰宣太子
年改葬
子璠希皆早卒次子英封吳侯五鳳元年英以大將軍孫峻
擅權謀誅峻事覺自殺國除
吳歷曰孫和以無罪見殺眾庶皆懷憤歎前司馬桓慮
因此招合將吏欲共殺峻立英事覺皆見殺英實不知

刁玄優

宮朱平宜

謝景者字叔發南陽宛人在郡有治迹吏民稱之以為前有顧劭其次即景數年卒官

孫慮字子智登弟也少敏慧有才藝權器愛之黃武七年封建昌

侯後二年丞相雍等奏慮性聰體達所尚日新比方近漢宜進爵

稱王權未許久之尚書僕射存上疏曰帝王之興莫不褒崇至親

以光羣后故魯衛於周寵冠諸侯高帝五王封列于漢所以藩屏

本朝為國鎮衛建昌侯慮稟性聰敏才兼文武於古典制宜正名

號陛下謙光未肯如舊羣寮大小咸用於邑方今奸寇恣睢金鼓

未弭腹心爪牙惟親與賢輒與丞相雍等議咸以慮宜為鎮軍大

將軍授任偏方以光大業權乃許之於是假節開府治半州吳書載權詔曰

期運擾亂凶邪肆虐威罰有序干戈不戢以慮氣志休懿武畧夙昭必能為國佐定大業故授以上將之位顯以殊特之榮寵以兵馬之勢委以偏方之任外欲威振敵虜厭難萬里內欲鎮撫遠近慰郵將士誠慮建功立事竭命之秋也慮其內修文德外經武訓持隱若冲則滿而不溢敬慎乃心無忝所受慮以皇子之尊富於春秋

存上疑有脫字 豈失其姓耶 疑僕射乃 複姓耳惜 奉 乃 此 非 身 書 自 謙

遠近嫌其不能留意及至臨事遵奉法度敬納師友過於眾望年

二十嘉禾元年卒無子國除

孫和字子孝慮弟也少以母王有寵見愛年十四為置宮衛使中

書令闕澤教以書藝好學下士甚見稱述赤烏五年立為太子時

年十九闕澤為太傅薛綜為少傅而蔡頴張純封輔嚴維等皆從

容侍從吳書曰和少岐嶷有智意故權尤愛幸常在左右衣服禮秩雕玩珍異之賜諸子莫

和常降意歡以待之講校經義綜察是非及訪諮朝臣考績行能以知優劣各有條貫後諸葛豐

偽叛以誘魏將諸葛誕權潛軍待之和以權暴露外次又戰者凶事常憂勞憊且不復會同飲食

數上諫戒令持重務在全勝權還然後敢安張純字元基敦之子吳錄曰純少厲操

行學博才秀切問捷對容止可觀拜郎中補廣德令治有異績擢為太子輔義都尉是時有

司頗以條書問事和以為奸妄之人將因事錯意以生禍心不可長也表宜絕之又都督劉寶白庶子丁晏晏亦白寶和謂晏曰文武在事當能幾人因隙構薄圖相危害豈有福哉遂兩釋之使之從厚常言當世士人宜講修術學校習射御以周世務而但交游

張政乃臣各 今見顧劭信

錢大昭注 存

博奕以妨事業非進取之謂後羣寮侍宴言及博奕以為妨事費日而無益於用勞精損思而終無所成非所以進德修業積累功緒者也且志士愛日惜力君子慕其六者高山景行恥非其次夫以天地長久而人居其間有白駒過隙之喻年齒一暮榮華不再凡所患者在於人情所不能絕誠能絕無益之欲以奉德義之塗棄不急之務以修功業之基其於名行豈不善哉夫人情固不能無嬉娛嬉娛之好亦在於飲宴琴書射御之間何必博奕然後為歡乃命侍坐者八人各著論以矯之於是中庶子韋曜退而論奏和以示賓客時蔡頴好奕直事在署者頗數焉故以此諷之是後王夫人與全公主隙權嘗寢疾和祠祭於廟和妃叔父張休居近廟邀和過所居全公主使人覘視因言太子不在廟中專就妃家計議又言王夫人見上寢疾有喜色權由是發怒夫人憂死而和

乘休遂和過

寵稍損懼於廢黜魯王霸覬覦滋甚陸遜吾粲顧譚等數陳適庶之義理不可奪全寄楊竺為魯王霸支黨譖愬日與粲遂下獄誅

譚徙交州權沉吟者歷年

殷基通語曰初權既立和為太子而封霸為魯王初拜猶同宮室禮秩未分羣公之議以為太子國王上下有序禮

秩宜異於是分宮別寮而隙端開矣自侍御賓客造為二端仇黨疑貳滋延大臣丞相陸遜犬將軍諸葛恪太常顧譚驃騎將軍朱據會稽太守滕胤大都督施績尚書丁密等奉禮而行宗祀太子驃騎將軍步騭鎮南將軍呂岱大司馬全琮左將軍呂據中書令孫弘等附魯王中外官僚將軍大臣舉國中分權患之謂侍中孫峻曰子弟不睦臣下分部將有袁氏之敗為天下笑一人立者安得不亂於是有所改嗣之規矣臣松之以為袁紹劉表謂尚琮為賢本有傳後之意異於孫權既以立和而復寵霸坐生亂階自構家禍方之袁劉昏悖甚矣步騭以德度著稱為吳良臣而阿附於霸事同揚竿何哉和既正位適庶分定就使才德不殊猶將義不黨庶况霸實無聞而和為令嗣乎夫邪僻之人豈其舉體無善但一為不善眾美皆亡耳隲若果有此事則其餘不足觀矣呂岱全琮之徒後遂幽閉和於是驃騎將軍朱據尚書僕射屈晃率諸

將吏泥頭自縛連日詣闕請和權登白爵觀見甚惡之勅據晃等

無事忿忿權欲廢和立亮無難督陳正五營督陳象上書稱引晉

獻公殺申生立奚齊晉國擾亂又據晃固諫不止權大怒族誅正

象據晃牽入殿杖一百

吳歷曰晃入口諫曰太子仁明顯聞四海今三方鼎峙實不宜搖動太子以生眾心願陛下少垂聖慮老臣雖死猶生之

步夫人与全相同族其長女魯班即全

老博會飲吳公不特結而夫

年叩頭流血辭氣不撓權不納冕言斥還田里孫皓即位詔曰故僕射屈冕志匡社稷忠諫忘身封冕子緒為東陽亭侯弟幹恭為立義都尉緒後亦至尚書僕射冕汝南人見胡冲客問吳書曰張純亦盡言極諫竟徙和於故鄣羣司坐諫誅放者十數眾咸冤之吳書

曰權寢疾意頗感寤欲徵和還立之太元二年正月封和為南陽王遣之長沙

全公主及孫峻孫弘等固爭之乃止吳書曰和之長沙行過蕪湖有鵲巢于帆檣故官寮聞之皆憂慘以為檣末傾危非久安之象或言鵲巢之詩有積行累功以致爵位之言今王至德茂行復受國土儻神靈以此告寤人意乎

四月權薨諸葛恪秉政恪即和妃張之舅也妃使黃門陳遷之建

業上疏中宮并致問於恪臨去恪謂遷曰為我達妃期當使勝他

人此言頗泄又恪有徙都意使治武昌宮民間或言欲迎和及恪

被誅孫峻因此奪和璽綬徙新都又遣使者賜死和與妃張辭別

張曰吉凶當相隨終不獨生活也亦自殺舉邦傷焉孫休立封和

子皓為烏程侯自新都之本國休薨皓即祚其年追諡父和曰文

皇帝改葬明陵置園邑二百家令丞奉守後年正月又分吳郡丹

陽九縣為吳興郡治烏程置太守四時奉祠有司奏言宜立廟京

邑寶鼎二年七月使守大匠薛翊營立寢堂號曰清廟十二月遣

守丞相孟仁太常姚信等備官僚中軍步騎二千人以靈輿法駕

東迎神於明陵皓引見仁親拜送於庭吳書曰比仁還中使手詔曰使相繼奉

色如平生日皓悲嘉涕淚悉靈輿當至使丞相陸凱奉三牲祭於近郊皓於

金城外露宿明日望拜於東門之外其翌日拜廟薦祭歔悲感

比七日三祭倡技晝夜娛樂有司奏言祭不欲數數則黷宜以禮

斷情然後止吳歷曰和四子皓德謙俊孫休即位封德錢唐侯謙永安侯俊拜騎都尉皓

在武昌吳興施但因民之不堪命聚萬餘人劫謙將至秣陵欲立之未至三

十里住擇吉日但遣使以謙命詔丁固諸葛靚靚即斬其使但遂前到九里固靚出擊大破之但

兵裸身無鎧甲臨陣皆披散謙獨坐車中遂生獲之固不敢殺以狀告皓皓醜之母子皆死俊張

承外孫聰明辨惠為孫霸字子威和同母弟也和為太子霸為魯王寵愛崇特與和無

殊頃之和霸不穆之聲聞於權耳權禁斷往來假以精學督軍使

者羊銜上疏曰臣聞古之有天下者皆先顯別適庶封建子弟所

同母二字行傳後
云霸二字子與祖
母謝姬俱從孫
則和出自王霸也
自謝矣

以尊重祖宗為國藩表也。二宮拜授海內稱宜，斯乃大吳興隆之基。頃聞二宮竝絕賓客，遠近悚然。大小失望，竊從下風，聽採眾論。咸謂二宮智達英茂，自正名建號於今三年，德行內著，美稱外昭。西北二隅，久所服聞，謂陛下當副順遐邇，所以歸德勤命。二宮賓備，衛抑絕賓客，使四方禮敬不復得通。雖實陛下敦尚古義，欲令二宮專志於學，不復顧慮觀聽，小宜期於溫故博物而已。然非臣下傾企喁喁之至願也。或謂二宮不遵典式，此臣所以寢息不寧。就如所嫌，猶宜補察密加斟酌，不使遠近得容異言。臣懼積疑成謗，久將宣流。而西北二隅去國不遠，異同之語易以聞達。聞達之日，聲論當興。將謂二宮有不順之愆，不審陛下何以解之。若無以解異國，則亦無以釋境內。境內守疑，異國興謗，非所以育巍巍鎮

美門以應字為韻

陳少章云按此傳謂
次子名壹而孫亮
子亦名壹疑此傳
字字悞與持宗
為庶子命名理不
符與大帝諸侯同
即其在前者之
屬籍亦當有所
遊矣

社稷也。願陛下早發優詔，使二宮周旋禮命。如初則天清地晏，萬國幸甚矣。時全寄吳安孫奇、楊竺等陰共附霸圖，危太子。譖毀既行，太子以敗霸亦賜死，流竺屍于江。兄穆以數諫戒竺，得免。大辟猶徙南州。霸賜死後，又誅寄安奇等，咸以黨霸構和故也。霸二子基、壹，五鳳中封基為吳侯，壹宛陵侯。基侍孫亮在內，太平二年盜乘御馬收付獄。亮問侍中刁玄曰：盜乘御馬罪云何？玄對曰：科應死。然魯王早終，惟陛下哀原之。亮曰：法者天下所共，何得阿以親親故邪？當思惟可以釋此者，奈何？以情相迫乎？玄曰：舊赦有大小，或天下亦有千里五百里赦，隨意所及。亮曰：解人不當爾邪？乃赦宮中基以得免。孫皓即位，追和霸舊隙，削基壹爵土，與祖母謝姬俱徙會稽烏傷縣。

孫奮字子揚，霸弟也。母曰仲姬。太元二年立為齊王，居武昌。權薨

江濱之通
作漢江故
何云作
漢江

太傅諸葛恪不欲諸王處江濱兵馬之地徙奮於豫章奮怒不從
命又數越法度恪上牋諫曰帝王之尊與天同位是以家天下臣
父兄四海之內皆為臣妾仇讐有善不得不舉親戚有惡不得不
誅所以承天理物先國後身蓋聖人立制百代不易之道也昔漢
初興多王子弟至於太強輒為不軌上則幾危社稷下則骨肉相
殘其後懲戒以為大諱自光武以來諸王有制惟得自娛於宮內
不得臨民干預政事其與交通皆有重禁遂以全安各保福祚此
則前世得失之驗也近袁紹劉表各有國土土地非狹人眾非弱
以適庶不分遂滅其宗祀此乃天下愚智所共嗟痛大行皇帝覽
古戒今防芽遏萌慮於千載是以寢疾之日分遣諸王各早就國
詔策殷勤科禁嚴峻其所戒勅無所不至誠欲上安宗廟下全諸
王使百世相承無凶國害家之悔也大王宜上惟太伯順父之志

中念河間獻王東海王彊恭敬之節下當裁抑驕恣荒亂以為警
戒而聞頃至武昌以來多違詔勅不拘制度擅發諸將兵治護宮
室又左右常從有罪過者當以表聞公付有司而擅私殺事不明
白大司馬呂岱親受先帝詔勅輔導大王既不承用其言令懷憂
怖華錡先帝近臣忠良正直其所陳道當納用之而聞怒錡有收
縛之語又中書楊融親受詔勅所當恭肅云正自不聽禁當如我
何聞此之日大小驚怪莫不寒心里語曰明鏡所以照形古事所
以知今大王宜深以魯王為戒改易其行戰戰兢兢盡敬朝廷如
此則無求不得若棄忘先帝法教懷輕慢之心臣下寧負大王不
敢負先帝遺詔寧為大王所怨疾豈敢忘尊主之威而令詔勅不
行於藩臣邪此古今正義大王所照知也夫福來有由禍來有漸
漸生不憂將不可悔向使魯王早納忠直之言懷驚懼之慮享祚

勅宋本作

我宋本作

江濱故在

無窮豈有滅亡之禍哉夫良藥苦口惟疾者能甘之忠言逆耳惟
 達者能受之今者恪等悽悽欲為大王除危殆於萌芽廣福慶之
 基原是以不自知言至願蒙三思奮得戕懼遂移南昌游獵彌甚
 官屬不堪命及恪誅奮下住蕪湖欲至建業觀變傅相謝慈等諫
 奮奮殺之慈字孝宗彭城人見禮論撰喪服圖及變除行於世坐廢為庶人徙章安縣太平三年封
 為章安侯江表傳載亮詔曰齊王奮前坐殺吏廢為庶人連有赦令獨不見原縱未宜復王何以不侯又諸孫兄弟作將列在江渚孤有兄獨爾云何有司奏可就拜為侯
 建衡二年孫皓左夫人王氏卒皓哀念過甚朝夕哭臨數月不出
 由是民間或謂皓死訛言奮與上虞侯奉當有立者奮母仲姬墓
 在豫章豫章太守張俊疑其或然掃除墳塋皓聞之車裂俊夷三
 族誅奮及其五子國除江表傳曰豫章吏十人乞代俊死皓不聽奮以此見疑本在章安徙還吳城禁錮使男女不得通婚或年三十四不得
嫁娶奮上表乞自此禽獸使男女白相配偶皓大怒遣察戰齋藥賜奮奮不受藥叩頭于下曰老
 臣自將兒子治生求活無豫國事乞丐餘年皓不聽父子皆飲藥死臣松之案建衡二年至奮
 之死孫皓即位尚猶未久若奮未死疑之前兒女年二十左右至奮死時不得年三十
 四十也若先已長大自失時未婚與交則不由皓之禁錮矣此雖欲增皓之惡然非實理

評曰孫登居心所存足為茂美之德慮和竝有好善之姿規自砥
 礪或短命早終或不得其死哀哉霸以庶干適奮不遵軌度固取
 危亡之道也然奮之誅夷橫遇飛禍矣

吳書十四

三國志五十五

吳書十五

三國志六十

賀全呂周鍾離傳第十五

此皆平山越有功克靖內亂者呂代賀齊為上全琮為下

賀齊字公苗會稽山陰人也

虞預晉書曰賀氏本姓慶氏齊伯父純儒學有重名漢安帝時為侍中江夏太守去官與江夏黃瓊漢中楊厚

俱公車徵避安帝父孝德皇帝諱改為賀氏齊父輔永寧長

少為郡吏守郟長縣吏斯從輕俠為奸齊欲

治之主簿諫曰從縣大族山越所附今日治之明日寇至齊聞大

怒便立斬從從族黨遂相糾合眾千餘人舉兵攻縣齊率吏民開

城門突擊大破之威震山越後太末豐浦民反轉守太末長誅惡

養善期月盡平建安元年孫策臨郡察齊孝廉時王朗奔東治候

官長商升為朗起兵策遣永寧長韓晏領南部都尉將兵討升以

齊為永寧長晏為升所敗齊又代晏領都尉事升畏齊威名遣使

乞盟齊因告喻為陳禍福升遂送上印綬出舍求降賊帥張雅詹

彊等不願升降反共殺升雅稱無上將軍彊稱會稽太守賊盛兵

帝字是不學者妄增

宋本訛同氏字斯御覽作期亦姓也梁廣韻斯字注中音此

吳宣斯見虞翻傳注

和格后和陽
蓋格陽百用
省時自具和
楊雲翻傳
注有和楊長
女柳朱

少未足以討齊住軍息兵雅與女婿何雄爭勢兩乖齊令越人因
事交構遂致疑隙阻兵相圖齊乃進討一戰大破雅彊黨震懼率
眾出降候官既平而建安漢興南平復亂齊進兵建安立都尉府
是歲八年也郡發屬縣五千兵各使本縣長將之皆受齊節度賊
洪明洪進苑御吳免華當等五人率各萬戶連屯漢興吳五姓吳名五六
千戶別屯大潭鄒臨六千戶別屯蓋竹大潭同出餘汗音干軍討漢
興經餘汗齊以為賊眾兵少深入無繼恐為所斷令楊松長丁蕃
留備餘汗蕃本與齊鄰城恥見部伍辭不肯留齊乃斬蕃於是軍
中震慄無不用命遂分兵留備進討明等連大破之臨陣斬明其
免當進御皆降轉擊蓋竹軍向大潭三將又降凡討治斬首六千
級名帥盡禽復立縣邑料出兵萬人拜為平東校尉十年轉討上
饒分以為建平縣十三年遷威武中郎將討丹楊黠歙時武彊葉

同出下疑有
既誤
宋本

三疑非二

我所以經而上也
判記為我不與
見下有一支斬山
可要改作又耳今
以水經注本校

吾聞下御覽有
黃勝五兵運舟能
成故十字

鄉東陽豐浦四鄉先降齊表言以葉鄉為始新縣而歙賊帥金奇
萬戶屯安勤山毛甘萬戶屯烏聊山黠帥陳僕祖山等二萬戶屯
林歷山林歷山四面壁立高數十丈徑路危狹不容刀楯賊臨高
下石不可得攻軍住經日將吏患之齊身出周行觀視形便陰募
輕捷士為作鐵戈密於隱險賊所不備處以戈拓斬山為緣道夜
令潛上乃多縣布以援下人得上百數人四面流布俱鳴鼓角齊
勒兵待之賊夜聞鼓聲四合謂大軍悉已得上驚懼惑亂不知所
為守路備險者皆走還依眾大軍因是得上大破僕等其餘皆降
凡斬首七千抱朴子曰昔吳遣賀將軍討山賊賊中有善禁者每當交戰官軍刀劍不得
拔弓弩射矢皆還自向輒致不利賀將軍長情有思乃曰吾聞金有刃者可
禁毒有毒者可禁其無刃之物無毒之蟲則不可禁彼必是能禁吾兵者也必不能禁無刃物矣
乃多作動木白楛選有力精卒五千人為先登盡提楛彼山賊恃其有善禁者了不嚴備於是官
軍以白楛擊之彼禁者果
不復行所擊殺者萬計齊復表分歙為新定黎陽休陽并黠歙凡六縣
權遂割為新都郡齊為太守立府於始新加偏將軍十六年吳郡

新定志
黎陽下和
有道故
二字

此言合宗起賊則宗賊又近宗族為賊之表

自是取宗孫之教

牙 中見作牙在牙 事中所失下仍 有牙字

餘杭民郎稚合宗起賊復數千人齊出討之即復破稚表言分餘
杭為臨水縣吳錄曰晉改為臨安被命詣所在及當還郡權出祖道作樂舞象
吳書曰權謂齊曰今定天下都中國使殊俗貢珍校獸率舞非君誰與齊曰殿下以神武應明廓
開王業臣幸遭際會得驅馳風塵之下佐助末行效鷹犬之用臣之願也若殊俗貢珍校獸率舞
宜在聖德非臣所能賜齊駟車駿馬罷坐住駕使齊就車齊辭不敢權使左右
扶齊上車令導吏卒兵騎如在郡儀權望之笑曰人當努力非積
行累勤此不可得去百餘步乃旋十八年豫章東部民彭材李玉
王海等起為賊亂眾萬餘人齊討平之誅其首惡餘皆降服揀其
精健為兵次為縣戶遷奮武將軍二十年從權征合肥時城中出
戰徐盛被創失牙齊引兵拒擊得盛所失江表傳曰權征合肥還為張遼所掩襲於津北幾至危殆齊時率三
千兵在津南迎權權既入大船會諸將飲宴齊下席涕泣而言曰至尊人主常當持重今日之事幾至禍敗羣下震怖若無天地願以此為終身誠權自前收其淚曰大慙謹以剋心非但書諸神也
二十一年鄱陽民尤突受曹公印綬化民為賊陵陽始安涇縣皆
與突相應齊與陸遜討破突斬首數十餘黨震服丹楊二縣皆降

料得精兵八千人拜安東將軍封山陰侯出鎮江上督扶州以上
至皖黃武初魏使曹休來伐齊以道遠後至因住新市為拒會洞
口諸軍遭風流溺所亡中分將士失色賴齊未濟偏軍獨全諸將
倚以為勢齊性奢綺尤好軍事兵甲器械極為精好所乘船雕刻
丹鏤青蓋絳襜干櫓戈矛葩瓜文畫弓弩矢箭咸取上材蒙衝鬪
艦之屬望之若山休等憚之遂引軍還遷後將軍假節領徐州牧
初晉宗為戲口將以眾叛如魏還為斬春太守圖襲安樂取其保
質權以為恥忿因軍初罷六月盛夏出其不意詔齊督麋芳鮮于
丹等襲斬春遂生虜宗後四年卒子達及弟景皆有令名為佳將

會稽典錄曰景為滅賊校尉御眾嚴而有恩兵器精飾為當時冠絕早卒達頗任氣多所犯迂故雖有征戰之勞而爵位不至然輕財貴義膽烈過人子質位至虎牙將軍景子邵別有傳

全琮字子璜吳郡錢唐人也父柔漢靈帝時舉孝廉補尚書郎右
丞董卓之亂棄官歸州辟別駕從事詔書就拜會稽東部都尉孫

策到吳柔舉兵先附策表柔為丹楊都尉孫權為車騎將軍以柔為長史徙桂陽太守柔嘗使琮齎米數千斛到吳有所市易琮至皆散用空船而還柔大怒琮頓首曰愚以所市非急而士大夫方有倒縣之患故便振贍不及啓報柔更以奇之徐眾評曰禮子事父無私財又不敢私施所以避尊上也棄命專財而以邀名未盡父子之禮臣松之以為子路問聞斯行諸子曰有父兄在琮輒散父財誠非子道然土類縣命憂在朝夕權其輕重以先人急斯亦馮煖市義及黠振救之類全謂邀名或負其心是時中州士人避亂而南依琮居者以百數琮傾家給濟與共有無遂顯名遠近後權以為奮威校尉授兵數千人使討山越因開幕召得精兵萬餘人出屯牛渚稍遷偏將軍建安二十四年劉備將關羽圍樊襄陽琮上疏陳羽可討之計權時已與呂蒙陰議襲之恐事泄故寢琮表不答及禽羽權置酒公安顧謂琮曰君前陳此孤雖不相答今日之捷抑亦君之功也於是封陽華亭侯黃武元年魏以舟軍大出洞口權使呂範督諸將拒之軍營相

全字終
忘在分

呂蒙說對
進孫權不答
全琮

望敵數以輕船鈔擊琮常帶甲仗兵伺候不休頃之敵數千人出江中琮擊破之梟其將軍尹盧遷琮綏南將軍進封錢唐侯四年假節領九江太守七年權到皖使琮與輔國將軍陸遜擊曹休破之於石亭是時丹楊吳會山民復為寇賊攻沒屬縣權分三郡險地為東安郡琮領太守吳錄曰琮時治富春至明賞罰招誘降附數年中得萬餘人

千有餘萬木千有餘萬木黃龍元年遷衛將軍左護軍徐州牧吳書曰初琮為將甚勇決當敵臨難奮不顧身及作督帥養威

持重每御軍常任計策不營小利江表傳曰權使子登出征已出軍次于安樂羣臣莫敢諫琮密表曰古來太子未嘗偏征也故從曰撫軍守曰監國今太子東出非古制也臣竊憂疑權即從之命登旋軍議者咸以為琮有大臣之節也尚公主嘉禾二年督步騎五萬征六安六安民皆散走諸將欲分兵捕之琮曰夫乘危徼倖舉不百全者非國家大體也今分兵捕民得失相半豈可謂全哉縱有所獲猶不足以弱敵而副國望也如或邂逅虧損非小與其獲罪琮寧以身受之不

敵而副國望也如或邂逅虧損非小與其獲罪琮寧以身受之不

孫平後次
子寄坐堂
王霜賜死其
妻全公主子孫
峻有元金輝
全瑞等皆降
魏於琮信
例以備書乃
視送刑昭
非史法

敢微功以負國也赤烏九年遷右大司馬左軍師為人恭順善於承顏納規言辭未嘗切迂初權將圍珠崖及夷州皆先問琮琮曰以聖朝之威何向而不克然殊方異域隔絕障海水土氣毒自古有之兵入民出必生疾病轉相污染往者懼不能反所獲何可多致猥虧江岸之兵以冀萬一之利愚臣猶所不安權不聽軍行經歲士眾疾疫死者十有八九權深悔之後言次及之琮對曰當是時羣臣有不諫者臣以為不忠琮既親重宗族子弟竝蒙寵貴賜累千金然猶謙虛接士貌無驕色十二年卒子懌嗣後襲業領兵救諸葛誕於壽春出城先降魏以為平東將軍封臨湘侯懌兄子禕儀靜等亦降魏皆歷郡守列侯吳書曰琮長子緒幼知名奉朝請出授兵稍遷楊武將軍牛渚督孫亮即位遷鎮北將軍東關之役緒與丁奉建議引兵先出以破魏軍對一子亭侯年四十四卒次子寄坐阿黨曾王霸賜死小子吳孫權外孫封都鄉侯鍾會傳亦云琮子懌吳書孫琮呂岱字定公廣陵海陵人也為郡縣吏避亂南渡孫權統事岱詣

幕府出守吳丞權親斷諸縣倉庫及囚繫長丞皆見岱處法應問甚稱權意召署錄事出補餘姚長召募精健得千餘人會稽東冶五縣賊呂合秦狼等為亂權以岱為督軍校尉與將軍蔣欽等將兵討之遂禽合狼五縣平定拜昭信中郎將吳書曰建安十六年岱督郎將尹異等以兵二千人西誘漢中賊帥張魯到漢興卷城魯嫌疑斷道事計不立權遂召岱還建安二十年督孫茂等十將從取長沙三郡三郡克定權留岱鎮長沙安成長吳瑒及中郎將袁龍等首尾關羽復為反亂瑒據攸縣龍在醴陵權遣橫江將軍魯肅攻攸瑒得突走岱攻醴陵遂禽斬龍遷廬陵太守延康元年代步騭為交州刺史到州高涼賊帥錢博乞降岱因承制以博為高涼西郡都尉又鬱林夷賊攻圍郡縣岱討破之是時桂陽滇陽賊王金合眾於南海界上首亂為害權又詔岱討之生縛金傳送詣都斬首獲生

障海古
三序字
只作障

凡萬餘人遷安南將軍假節封都鄉侯交趾太守士燮卒權以燮子徽為安遠將軍領九真太守以校尉陳時代燮表分海南三郡為交州以將軍戴良為刺史海東四郡為廣州岱自為刺史遣良與時南人而徽不承命舉兵戍海口以拒良等岱於是上疏請討徽罪督兵三千人晨夜浮海或謂岱曰徽藉累世之恩為一州所附未易輕也岱曰今徽雖懷逆計未虞吾之卒至若我潛軍輕舉掩其無備破之必也稽留不速使得生心嬰城固守七郡百蠻雲合響應雖有智者誰能圖之遂行過合浦與良俱進徽聞岱至果大震怖不知所出即率兄弟六人肉袒迎岱岱皆斬送其首徽大將甘醴桓治等率吏民攻岱奮擊大破之進封番禺侯於是除廣州復為交州如故岱既定交州復進討九真斬獲以萬數又遣從事南宣國化暨徼外扶南林邑堂明諸王各遣使奉貢權嘉

其功進拜鎮南將軍黃龍三年以南土清定召岱還屯長沙漚口

于隱交廣記曰吳後復置廣州以南陽滕修為刺史或語修蝦鬚長一丈修不信其人後故至東海取蝦鬚長四丈四尺封以示修修乃服之會武陵蠻夷蠢動

岱與太常潘濬共討定之嘉禾三年權令岱領潘璋士眾屯陸口

後徙蒲圻四年廬陵賊李桓路合會稽東冶賊隨春南海賊羅厲

等一時竝起權復詔岱督劉纂唐資等分部討擊春即時首降岱

拜春偏將軍使領其眾遂為列將桓厲等皆見斬獲傳首詣都權

詔岱曰厲負險作亂自致梟首桓凶狡反覆已降復叛前後討伐

歷年不禽非君規畧誰能梟之忠武之節於是益著元惡既除大

小震懾其餘細類埽地族矣自今已去國家永無南顧之虞三郡

晏然無怵惕之驚又得惡民以供賦役重用歎息賞不踰月國之

常典制度所宜君其裁之潘濬卒岱代濬領荊州文書與陸遜竝

在武昌故督蒲圻項之廖式作亂攻圍城邑零陵蒼梧鬱林諸郡

功於作賊
非也
以上文王金台
羅例之切金
字自當並金
合之或成
於羅會合
耳

本詳注但作一赤紫
傳作備

搔擾岱自表輒行星夜兼路權遣使追拜岱交州牧及遣諸將唐
咨等駱驛相繼攻討一年破之斬式及遣諸所偽署臨賀太守費
楊等并其支黨郡縣悉平復還武昌時年已八十然體素精勤躬
親王事奮威將軍張承與岱書曰昔旦奭翼周二南作歌今則足
下與陸子也忠勤相先勞謙相讓功以權成化與道合君子歎其
德小人悅其美加以文書鞅掌賓客終日罷不舍事勞不言倦又
知上馬輒自超乘不由跨躡如此足下過廉頗也何其事事快也
周易有之禮言恭德言盛足下何有盡此美耶及陸遜卒諸葛恪
代遜權乃分武昌爲兩部岱督右部自武昌上至蒲圻遷上大將
軍拜子凱副軍校尉監兵蒲圻孫亮卽位拜大司馬岱清身奉公
所在可述初在交州歷年不餉家妻子飢乏權聞之歎息以讓羣
臣曰呂岱出身萬里爲國勤事家門內困而孤不早知股肱耳目

其責安在於是加賜錢米布絹歲有常限始岱親近吳郡徐原慷慨
有才智岱知其可成賜巾襦與共言論後遂薦拔官至侍御史
原性忠壯好直言岱時有得失原輒諫諍又公論之人或以告岱
岱歎曰是我所以貴德淵者也及原死岱哭之甚哀曰德淵呂岱
之益友今不幸岱復於何聞過談者美之太平元年年九十六卒
子凱嗣遺令殯以素棺疏巾布禭葬送之制務從約儉凱皆奉行
之

周魴字子魚吳郡陽羨人也少好學舉孝廉爲寧國長轉在懷安
錢唐大帥彭式等蟻聚爲寇以魴爲錢唐侯相旬月之間斬式首
及其支黨遷丹楊西部都尉黃武中鄱陽大帥彭綺作亂攻沒屬
城乃以魴爲鄱陽太守與胡綜戮力致討遂生禽綺送詣武昌加
昭義校尉被命密求山中舊族名帥爲北敵所聞知者令譎挑魏

猶休七條九節身
要何事虛穢簡
壞人材如劫即傳
可以不立此世胡
傳所載偽為差
三未豈故鋪陳其
事以見吳人智
本珠好行小惠
臣皆草竊一時耶

大司馬揚州牧曹休魴答恐民帥小醜不足杖任事或漏泄不能
致休乞遣親人齎牋七條以誘休其一曰魴以千載微幸得備州
民遠隔江川敬恪未顯瞻望雲景天寔為之精誠微薄各位不昭
雖懷焦渴曷緣見明孤死首丘人情戀本而逼所制奉覲禮違每
獨矯首西顧未嘗不寤寐勞歎展轉反側也今因隙穴之際得陳
宿昔之志非神啓之豈能致此不勝翹企萬里託命謹遣親人董
岑邵南等託叛奉牋時事變故列於別紙惟明公君侯垂日月之
光照遠民之趣永令歸命者有所戴賴其二曰魴遠在邊隅泣汜
分絕恩澤教化未蒙撫及而於山谷之間遙陳所懷懼以大義未
見信納夫物有感激計因變生古今同揆魴仕東典郡始願已獲
銘心立報永矣無貳豈圖頃者中被橫譴禍在漏刻危於投卵進
有離合去就之宜退有誣罔枉死之咎雖志行輕微存沒一節顧

非其所能不悵然敢緣古人因知所歸拳拳輸情陳露肝膈之隆
春天之潤哀拯其急不復猜疑絕其委命事之宣泄受罪不測一
則傷慈損計二則杜絕向化者心惟明使君遠覽前世矜而愍之
留神所質速賜祕報魴當候望舉動俟須嚮應其三曰魴所代故
太守廣陵王靖往者亦以郡民為變以見譴責靖勤自陳釋而終
不解因立密計欲北歸命不幸事露誅及嬰孩魴既目見靖事且
觀東主一所非薄媿不復厚雖或慙舍終見翦除今又令魴領郡
者是欲責後效必殺魴之趣也雖尚視息憂惕焦灼未知軀命竟
在何時人居世間猶白駒過隙而常抱危怖其可言乎推當陳愚
重自披盡懼以卑賤未能采納願明使君小垂詳察忖度其言今
此郡民雖外名降首而故在山草看伺空隙欲復為亂為亂之日
魴命訖矣東主頃者潛部分諸將圖欲北進呂範孫韶等入淮全

此稱陸議
則其修程未
改名也

琮朱桓趨合肥諸葛瑾步騭朱然到襄陽陸議潘璋等討梅敷東
主中營自掩石陽別遣從弟孫奭治安陸城修立邸閣輦資運糧
以為軍儲又命諸葛亮進指關西江邊諸將無復在者才留三千
所兵守武昌耳若明使君以萬兵從皖南首江渚魴便從此率厲
吏民以為內應此方諸郡前後舉事垂成而敗者由無外援使其
然耳若北軍臨境傳檄屬城思詠之民誰不企踵願明使君上觀
天時下察人事中參著龜則足昭往言之不虛也其四曰所遣董
岑邵南少長家門親之信之有如兒子是以特令齋牋託叛為辭
目語心討不宜脣齒骨肉至親無有知者又已勅之到州當言往
降欲北叛來者得傳之也魴建此計任之於天若其濟也則有生
全之福邂逅泄漏則受夷滅之禍常中夜仰天告誓星辰精誠之
微豈能上感然事急孤窮惟天是訴耳遣使之日載生載死形存

氣石魄爽悅惚私恐使君未深保明岑南二人可留其一以為後
信信者使人也一齋教還教還故當言悔叛還首東主有常科悔叛還者皆自
原罪如是彼此俱塞永無端原縣命西望涕筆俱下其五曰鄱陽
之民實多愚勁帥之赴役未即應人倡之為變聞聲響拚令雖降
首盤節未解山栖草藏亂心猶存而今東主圖興大眾舉國悉出
江邊空曠屯塢虛損惟有諸刺姦耳若因是際而騷動此民一旦
可得便會然要恃外援表裏機牙不爾以往無所成也今使君若
從皖道進住江上魴當從南對岸歷口為應若未經到江岸可住
百里上令此間民知北軍在彼即自善也此間民非苦飢寒而甘
兵寇苦於征討樂得北屬但窮困舉事不時見應尋受其禍耳如
使石陽及青徐諸軍首尾相銜牽綴往兵使不得速退者則善之
善也魴生在江淮長於時事見其便利百舉百捷時不再來敢布

腹心其六曰東主致恨前者不拔石陽今此後舉大合新兵并使
潘濬發夷民人數甚多聞豫設科條當以新羸兵置前好兵在後
攻城之日云欲以羸兵填漚使卽時破雖未能然是事大趣也私
恐石陽城小不能久留往兵明使君速垂救濟誠宜疾密王靖之
變其鑿不遠今魴歸命非復在天正在明使君耳若見救以往則
功可必成如見救不時則與靖等同禍前彭綺時聞旌麾在逢龍
此郡民大小歡喜竝思立效若留一月日間事當大成恨去電速
東得增衆專力討綺綺始敗耳願使君深察此言其七曰今舉大
事自非爵號無以勸之乞請將軍侯印各五十紐郎將印百紐校
尉都尉印各二百紐得以假授諸魁帥獎勵其志并乞請幢麾數
十以爲表幟使山兵吏民目瞻見之知去就之分已決承引所救
畫定又彼此降叛日月有人闊狹之間輒得聞知今之大事事宜

神密若省魴牋乞加隱祕伏知智度有常防慮必深魴懷憂震灼
啓事蒸仍乞未罪怪魴因別爲密表曰方北有逋寇固阻河洛久
稽王誅自擅朔土臣曾不能吐奇舉善上以光贊洪化下以輪展
萬一憂心如擣假寐忘寢聖朝天覆含臣無效猥發優命勅臣以
前誘致賊休恨不如計今於郡界求山谷魁帥爲北賊所聞知者
令與北通臣伏思惟喜怖交集竊恐此人不可卒得假使得之懼
不可信不如令臣譎休於計爲便此臣得以經年之冀願逢值千
載之一會輒自督竭竭盡頑蔽撰立牋草以誑誘休者如別紙臣
知無古人單複之術加卒奉大畧公矇狼狽懼以輕愚忝負特施
豫懷憂灼臣聞唐堯先天而天弗違博詢芻蕘以成盛勳朝廷神
謨欲必致休於步度之中靈贊聖規休必自送使大軍囊括虜無
子遺威風電邁天下幸甚謹拜表以聞并呈牋草懼於淺局追用

悚息被報施行休果信魴帥步騎十萬輜重滿道徑來入皖魴亦合眾隨陸遜橫截休休幅裂瓦解斬獲萬計魴初建密計時頗有郎官奉詔詰問諸事魴乃詣部郡門下因下髮謝故休聞之不復疑慮事捷軍旋權大會諸將歡宴酒酣謂魴曰君下髮載義成孤大事君之功名當書之竹帛加裨將軍賜爵關內侯徐眾評曰夫人臣塗然各有分也為將執桴鼓則有必死之義志守則有不假器之義死必得所義在不苟魴為郡守職在治民非君所命自占誘敵髡髮膚以徇功名雖事濟受爵非君子所美賊帥董嗣負阻劫鈔豫章臨川竝受其害臣松之案孫亮太平二年始立臨川郡是時未有臨川吾粲唐咨嘗以三千兵攻守連月不能拔魴表乞罷兵得以便宜從事魴遣間諜授以方策誘狙殺嗣嗣弟怖懼詣武昌降於陸遜乞出平地自改為善由是數郡無復憂惕魴在郡十三年卒賞善罰惡威恩竝行子處亦有文武材幹天紀中為東觀令無難督虞預晉書曰處入所彈糾不避疆禦齊萬年反以處為建威將軍西征眾寡不敵處臨陣慷慨奮不顧命遂死於戰場追贈平西將軍處子祀札皆有才力中興之初竝見寵任其諸子姪悉處列位為揚上豪右而

札曰淫放恣為百姓所苦秦寧中王敦誅之滅其族

鍾離牧字子幹會稽山陰人漢魯相意七世孫也會稽典錄曰牧父緒樓船都尉兄駟上計吏少

與同郡謝贊吳郡顧譚齊名牧童亂時號為運訥駟常謂人曰牧必勝我不可輕也時人皆以為不然少爰居永興躬自墾田種稻二

十餘畝臨熟縣民有識認之牧曰本以田荒故墾之耳遂以稻與

縣人縣長聞之召民繫獄欲繩以法牧為之請長曰君慕承宮自

行義事續漢書曰宮字少子琅邪人嘗在蒙陰山中耕種禾黍臨熟人就認之宮便推與而去由是發名位至左中郎將侍中僕為民主當以

法率下何得寢公憲而從君邪牧曰此是郡界緣君意顧故來暨

住今以少稻而殺此民何心復留遂出裝還山陰長自往止之為

釋繫民民慙懼率妻子春所取稻得六十斛米送還牧牧閉門不

受民輸置道旁莫有取者牧由此發名徐眾評曰牧蹈長者之規問者曰如牧所行犯而不校又從而救之直而不有

又還而不受可不謂之仁讓乎哉答曰異乎吾所聞原憲之問於孔子曰克伐怨欲不行焉可以為仁乎孔子曰可以為難矣仁則吾不知也惡不仁者其為仁矣今小民不展四體而認人之稻不仁甚矣而牧推而與之又救其罪斯為讓非其義所救非人非所謂惡不仁者苟不惡不仁安得為仁哉蒼梧澆娶妻而美讓於其兄尾生篤信水至不去而死直躬好直證父攘羊申鳴奉法

兩評爰居者傷寄之義當時文法以此

權傳黃武四年注爰居章安其義亦同陸瑒傳同郡徐原爰居會稽

悚息被報施行休果信魴帥步騎十萬輜重滿道徑來入皖魴亦合眾隨陸遜橫截休休幅裂瓦解斬獲萬計魴初建密計時頗有郎官奉詔詰問諸事魴乃詣部郡門下因下髮謝故休聞之不復疑慮事捷軍旋權大會諸將歡宴酒酣謂魴曰君下髮載義成孤大事君之功名當書之竹帛加裨將軍賜爵關內侯徐衆評曰夫人臣塗然各有分也為將執桴鼓則有必死之義志守則有不假器之義死必得所義在不苟賊帥魴為郡守職在治民非君所命自占誘敵髡髮膚以徇功名雖事濟受爵非君子所美

抄崇克唐江表李術為太守多智李術字當係黎字

有誤素字不誤素字係黎字

野澤也也者亦物即黎字

竝行子處亦有文武材幹天紀中為東觀令無難督虞預晉書曰處入晉為御史中丞多

所彈糾不避疆御齊萬年反以處為建威將軍西征眾寡不敵處臨陣慷慨奮不顧命遂死於戰場追贈平西將軍處子也札皆有才力中興之初並見寵任其諸子姪悉處列位為揚上豪右而

札曰淫放心為百姓所苦泰寧中王敦誅之滅其族

鍾離牧字子幹會稽山陰人漢魯相意七世孫也會稽典錄曰牧父緒樓船都尉兄嗣上計吏少

與同郡謝贊吳郡顧譚齊名牧童亂時號為遲訥常謂人曰牧必勝我不可輕也時人皆以為不然少爰居永興躬自墾田種稻二

十餘畝臨熟縣民有識認之牧曰本以田荒故墾之耳遂以稻與縣人縣長聞之召民繫獄欲繩以法牧為之請長曰君慕承宮自

行義事續漢書曰宮字少子瑕邪人嘗在蒙陰山中耕種禾黍臨熟人就認之宮便推與而去由是發名位至左中郎將侍中僕為民主當以

法率下何得寢公憲而從君邪牧曰此是郡界緣君意顧故來斲住今以少稻而殺此民何心復留遂出裝還山陰長自往止之為

釋繫民民慙懼率妻子春所取稻得六十斛米送還牧牧閉門不受民輸置道旁莫有取者牧由此發名徐衆評曰牧蹈長者之規問者曰如牧

又還而不受可不謂之仁讓乎哉答曰異乎吾所聞原憲之問於孔子曰克伐怨欲不行焉可以為仁乎孔子曰可以為難矣仁則吾不知也惡不仁者其為仁矣今小民不展四體而認人之稻

不仁甚矣而牧推而與之又救其罪斯為讓非其義所救非人非所謂惡不仁者苟不惡不仁安得為仁哉蒼梧澆娶妻而美讓於其兄尾生篤信水至不去而死直躬好直證父攘羊申鳴奉法

義當時文法以此

權傳黃武四年注爰居亦同陸瑄傳同郡徐原爰居會稽

兩語爰居者傷寄之

盡忠於君而執其父忠信直讓此四行者聖賢之所貴也然不貴蒼梧之讓非讓道也不取尾生之信非信所也不許直躬之直非直體也不嘉申鳴之忠非忠意也今牧犯而不校還而不取可

以為難矣未得為仁讓也夫聖人以德報德以直報怨而牧欲以德報怨非也必不得已二者何從吾從孔子也

赤烏五年從郎中補太子

輔義都尉遷南海太守會稽典錄曰高涼賊率仍弩等破畧百姓殘害吏民牧越界撲

爵雜續十四下書購募絕不可得牧遣使慰譬登皆首服自改為良民始興太守羊衡與太常滕胤書曰鍾離子幹吾昔知之不熟定見其在南海威恩部伍智勇分明加操行清純有古人之風其見貴如此在郡

四年以疾去職還為丞相長史轉司直遷中書令會建安鄱陽新都三

郡山民作亂出牧為監軍使者討平之賊帥黃亂常俱等出其部

伍以充兵役封秦亭侯拜越騎校尉永安六年蜀并于魏武陵五

谿夷與蜀接界時論懼其叛亂乃以牧為平魏將軍領武陵太守

往之郡魏遣漢髮縣長郭純試守武陵太守率涪陵民入蜀遷陵

界屯于赤沙誘致諸夷邑君或起應純又進攻因陽縣郡中震懼

牧問朝吏曰西蜀傾覆邊境見侵何以禦之皆對曰今二縣山險

諸夷阻兵不可以軍驚擾驚擾則諸夷盤結宜以漸安可遣恩信

厥中作漢後通鑑作漢後

吏宣教慰勞牧曰不然外境內侵誑誘人民當及其根柢未深而

撲取之此救火貴速之勢也勅外趣嚴掾史沮議者便行軍法撫

夷將軍高尚說牧曰昔潘太常督兵五萬然後以討五谿夷耳又

是時劉氏連和諸夷率化今既無往日之援而郭純已據遷陵而

明府以三千兵深入尚未見其利也牧曰非常之事何得循舊即

率所領晨夜進道緣山險行垂二千里從塞上斬惡民懷異心者

魁帥百餘人及其支黨凡千餘級純等散五谿平遷公安督陽武

將軍封都鄉侯徙濡須督會稽典錄曰牧之在濡須深以進取可圖而不敢陳其策與侍中東觀令朱育宴慨然歎息有謂牧曰恨於策爵未

副因為牧曰朝廷諸君以際會坐取高官亭侯功無與比不肯在人下見顧者猶以於邑沈於侯也牧笑而答曰卿之所言未獲我心也馬援有言人當功多而賞薄吾功不足錄而見寵已過當豈以為恨國家不深相知而見害朝人是以默默不敢有所陳若其不然當建進取之計以報所受之恩不徒自守而已憤歎以此也育復曰國家已自知侯以侯之才無為不成愚謂自可陳所懷故曰武安君謂秦王云非成業難得賢難非得賢難用之難非用之難武安君欲為秦

王并兼六國恐授事而不見任故先陳此言秦玉既許而不能卒隕將成之業賜劔杜郵今國家知吾不如秦王之知武安而害吾者有過范雎大皇帝時陸承相討鄱陽以二千人授吾潘太常

討武陵吾又有三千人而朝廷下議棄吾於彼使江渚諸督不復發兵相繼蒙國威靈自濟今日

有脫字

何為常向使吾不料時度宜苟有所陳至是交復以前將軍假節領武陵太守卒
官家無餘財士民思之子禕嗣代領兵會稽典錄曰牧次子盛亦履恭讓為尚書郎弟徇領兵為將拜偏將軍成西陵

評曰山越好為叛亂難安易動是以孫權不遑外禦卑詞魏氏凡此諸臣皆克寧內難綏靜邦域者也呂岱清恪在公周飭誦畧多奇鍾離牧蹈長者之規全琮有當世之才貴重於時然不檢姦子獲譏毀名云

吳書十五 蜀山屯鳳園氏園 三國志六十

吳書十六 三國志六十一

潘濬陸凱傳第十六 潘太常以夏國奉公著名於吳故主而事鄰邦君子悉焉敬風身事劉主犯顏諫爭重臣謀國若此者實矣

潘濬字承明武陵漢壽人也弱冠從宋仲子受學吳書曰濬為人聰察對問有機理山陽上蔡見

穢不修濬按殺之一郡震竦後為湘鄉令治甚有名劉備領荊州以濬為治中從事備入蜀典留州事孫權殺關羽并荆土拜濬輔

軍中郎將授以兵江表傳曰權克荊州將吏悉皆歸附而濬獨稱疾不見權遣人以牀就家與致之濬伏面著牀席不起涕泣交橫哀咽不能自勝權慰勞

遷奮威將軍封常遷亭侯吳書曰內玄卒濬并領玄兵屯夏口玄字文表丹陽人父祉字宣嗣從孫堅征伐有功堅薦祉

領良兵拜奮武中郎將以功封溧陽侯權為子登棟擇淑媛羣臣咸稱玄父祉兄良竝以德義文

全琮陰妻 邪謀繼子 當三附傳之 貶者減兩 石相賴評 語指為談 切中痛身

潘濬之版臣也 之者已見載輔臣 贊下也江表傳為 不究

吳郡太守尚

武顯名三世故遂婢玄女為妃江表傳曰權數權稱尊號拜為少府進封劉陽侯射雉濬諫權

曰相與別後時時雙出耳不復如往日之時也濬曰天下未定萬機務多射雉非急弦絕括破皆能為害之特為臣故息置之濬出見雉翳故在乃手自撤壞之權由是自絕不復射雉遷

太常五谿蠻夷叛亂盤結權假濬節督諸軍討之信賞必行法不

可干斬首獲生蓋以萬數自是羣蠻衰弱一方寧靜吳書曰驃騎將軍

募諸郡以增兵權以問濬濬曰豪將在民間耗亂為害加厲有名勢在所所媚不可聽也權從之

中郎將豫章徐宗有名士也嘗到京師與孔融交結然儒生誕節部曲寬縱不奉節度為眾作殿

濬遂斬之其奉法不憚私議皆此類也歸義隱蕃以口辯為豪傑所善濬于翥亦與周旋饋餉之

濬聞大怒疏責翥曰吾受國厚恩志報以命爾輩在都當念恭順親賢慕善何故與降虜交以糧

餉之在遠聞此心震而熱惆悵累旬疏到急就使受杖一百促責所餉當時人咸怪濬而蕃果

圖叛誅夷眾乃歸濬江表傳曰時濬姨兄零陵蔣曉為蜀大將軍或有開濬於武陵太守衛旌

者云濬遣密使與曉相聞欲有自託之計於以啓權權曰承明不為此也即封旌表以示於濬而召於還免官

先是濬與陸遜俱駐武昌共掌留事還復故時校事呂壹操弄威柄奏按丞相顧雍左將軍朱

據等皆見禁止黃門侍郎謝玄語次問壹顧公事何如壹答不能

佳玄又問若此公免退誰當代之壹未答玄曰得無潘太常得

之乎壹良久曰君語近之也玄謂曰潘太常常切齒於君但道遠

無因耳今日代顧公恐明日便擊君矣壹大懼遂解散雍事濬求

朝詣建業欲盡辭極諫至聞太子登已數言之而不見從濬乃大

請百寮欲因會手刃殺壹以身當之為國除患壹密聞知稱疾不

行濬每進見無不陳壹之姦險也由此壹寵漸衰後遂誅戮權引

咎責躬因請讓大臣語在權傳赤烏二年濬卒子翥嗣濬女配建

昌侯孫慮吳書曰翥子文龍拜騎都尉後代領兵早卒翥弟祕權以姊陳氏女妻之調湘鄉

君昔因君侯當為州里議主今果如其言不審州里誰當復相代者

溫曰無過於君也後祕為尚書僕射代溫為公平甚得州里之譽

陸凱字敬風吳郡吳人也丞相遜族子也黃武初為永興諸暨長

所在有治迹拜建武都尉領兵雖統軍眾手不釋書好太玄論演

其意以筮輒驗赤烏中除儋耳太守討朱崖斬獲有功遷為建武

校尉五鳳二年討山賊陳慈於零陵斬慈克捷拜巴丘督偏將軍

封都鄉侯轉為武昌右部督與諸將共赴壽春還累遷盪魏綏遠

潘本二劉善人
故尤恨降人及眾
為已累也

此女之巧于解元
嘆之結也

潘太常事
直諫止有此一
事

自字疑作目

在斯下本空
一字

步臨傳衛
陸古今字

大公平御覽
作太平公
非

吳人下元板
無也

李想感德不類也
皓惡人橫
皓逆視時
李想感德不類也
皓惡人橫
皓逆視時
皓傳未注

將軍孫休即位拜征北將軍假節領豫州牧孫皓立遷鎮西大將軍都督巴丘領荊州牧進封嘉興侯孫皓與晉平使者丁忠自北還說皓弋陽可襲凱諫止語在皓傳寶鼎元年遷左丞相皓性不好人視已羣臣侍見皆莫敢迂凱說皓曰夫君臣無不相識之道若卒有不虞不知所赴皓聽凱自視皓時徙都武昌揚土百姓流供給以為患苦又政事多謬黎元窮匱凱上疏曰臣聞有道之君以樂樂民無道之君以樂樂身樂民者其樂彌長樂身者不久而亡夫民者國之根也誠宜重其食愛其命民安則君安民樂則君樂自頃年以來君威傷於桀紂君明闇於姦雄君惠閉於羣孽無災而民命盡無為而國財空幸無罪賞無功使君有謬誤之愆天為作妖而諸公卿媚上以求愛困民以求饒導君於不義敗政於淫俗臣竊為痛心今鄰國交好四邊無事當務息役養士實其

不樂而亡元叔作不久而亡

廩庫以待天時而更傾動天心搔擾萬姓使民不安大小呼嗟此非保國養民之術也臣聞吉凶在天猶影之在形響之在聲也形動則影動形止則影止此分數乃有所繫非在口之所進退也昔秦所以亡天下者但坐賞輕而罰重政刑錯亂民力盡於奢侈目眩於美色志濁於財寶邪臣在位賢哲隱藏百姓業業天下苦之是以遂有覆巢破卵之憂漢所以彊者躬行誠信聽諫納賢惠及負薪躬請巖穴廣采博察以成其謀此往事之明證也近者漢之衰末三家鼎立曹失綱紀晉有其政又益州危險兵多精彊閉門固守可保萬世而劉氏與奪乖錯賞罰失所君恣意於奢侈民力竭於不急是以為晉所伐君臣見虜此目前之明驗也臣闇於大理文不及義智惠淺劣無復冀望竊為陛下惜天下耳臣謹奏耳目所聞見百姓所為煩苛刑政所為錯亂願陛下息大功損百役

義兵事印
孫楷信西
云義作

務寬盪忽苛政又武昌土地實危險而堵确非王都安國養民之
處船泊則沈漂陵居則峻危且童謠言寧飲建業水不食武昌魚
寧還建業死不止武昌居臣聞翼星爲變熒惑作妖童謠之言生
於天心乃以安居而比死足明天意知民所苦也臣聞國無三年
之儲謂之非國而今無一年之畜此臣下之責也而諸公卿位處
人上祿延子孫曾無致命之節臣救之術苟進小利於君以求容
媚荼毒百姓不爲君計也自從孫弘造義兵以來耕種旣廢所在
無復輸入而分一家父子異役廩食日張畜積日耗民有離散之
怨國有露根之漸而莫之恤也民力困窮鬻賣兒子調賦相仍日
以疲極所在長吏不加隱括加有監官旣不愛民務行威勢所在
搔擾更爲煩苛民苦二端財力再耗此爲無益而有損也願陛下
一息此輩矜哀孤弱以鎮撫百姓之心此猶魚鼈得免毒螫之淵

鳥獸得離羅網之綱四方之民纒負而至矣如此民可得保先王
之國存焉臣聞五音令人耳不聰五色令人目不明此無益於政
有損於事者也自昔先帝時後宮列女及諸織絡數不滿百米有
畜積貨財有餘先帝崩後幼景在位更改奢侈不蹈先迹伏聞織
絡及諸徒坐乃有千數計其所長不足爲國財然坐食官廩歲歲
相承此爲無益願陛下料出賦嫁給與無妻者如此上應天心下
合地意天下幸甚臣聞殷湯取士於商賈齊桓取士於車轅周武
取士於負薪大漢取士於奴僕明王聖主取士以賢不拘卑賤故
其功德洋溢名流竹素非求顏色而取好服捷口容悅者也臣伏
見當今內寵之臣位非其人任非其量不能輔國匡時羣黨相扶
害忠隱賢願陛下簡文武之臣各勤其官州牧督將藩鎮方外公
卿尚書務修仁化上助陛下下拯黎民各盡其忠拾遺萬一則康

哉之歌作刑錯之理清願陛下留神思臣愚言時殿上列將何定
佞巧便僻貴幸任事凱面責定曰卿見前後事主不忠傾亂國政
寧有得以壽終者邪何以專為姦邪穢塵天聽宜自改厲不然方
見卿有不測之禍矣定大恨凱思中傷之凱終不以為意乃心公
家義形於色表疏皆指事不飾忠懇內發建衡元年疾病皓遣中
書令董朝問所欲言凱陳何定不可任用宜授外任不宜委以國
事奚熙小吏建起浦里田欲復嚴密故迹亦不可聽姚信樓玄賀
邵張悌郭遠薛瑩滕修及族弟喜抗或清白忠勤或姿才卓茂皆
社稷之楨幹國家之良輔願陛下重留神思訪以時務各盡其忠
拾遺萬一遂卒時年七十二子禕初為黃門侍郎出領部曲拜偏
將軍凱亡後入為太子中庶子右國史華覈表薦禕曰禕體質方
剛器幹疆固董率之才魯肅不過及被召當下徑還赴都道由武

昌曾不迴顧器械軍資一無所取在戎果毅臨財有節夫夏口賊
之衝要宜選名將以鎮戍之臣竊思惟莫善於禕初皓常銜凱數
犯顏忤旨加何定譖構非一既以重臣難繩以法又陸抗時為大
將在疆場故以計容忍抗平後竟徙凱家於建安或曰寶鼎元年
十二月凱與大司馬丁奉御史大夫丁固謀因皓謁廟欲廢皓立
孫休子時左將軍留平領兵先驅故密語平平拒而不許誓以不
泄是以所圖不果太史郎陳苗奏皓久陰不雨風氣迴逆將有陰
謀皓深警懼云吳錄曰舊拜廟選兼大將軍領三十兵為衛凱欲因此兵以圖之令選曹
白用丁奉皓偶不欲曰更選凱令執據雖蹇然宜得其人皓曰用留平
凱今其子禕以謀語平平素與丁奉有隙禕未及得宜凱言平語禕曰予連從荆揚來者
聞野豬人丁奉營此凶徵也有喜色禕乃不敢言還因具啓凱故輟止得凱所諫皓二十事博問吳人多云不聞凱有此表又按其文殊
甚切直恐非皓之所能容忍也或以為凱藏之篋笥未敢宣行病
困皓遣董朝省問欲言因以付之虛實難明故不著于篇然愛其

此詞詞之人眼結之
慮思此之深也
言以為口實事詞
其無足徵陳氏錄
之蓋其誠也

凱既未工
此表以不
庶錄今
乃云鈔
列傳左
無此史法
也王蕃
傳竟引疏
中語尤
非

指摘皓事足為後戒故鈔列于凱傳左云皓遣親近趙欽口詔報
凱前表曰孤動必遵先帝有何不平君所諫非也又建業宮不利
故避之而西宮室宇摧朽須謀移都何以不可徙乎凱上疏曰臣
竊見陛下執政以來陰陽不調五星失晷職司不忠姦黨相扶是
陛下不遵先帝之所致江表傳載凱此表曰臣并受明詔心與氣結陛下何心之難悟意不聰之甚也夫王之與受
之於天修之由德豈在宮乎而陛下不諮之公輔便盛意馳六
軍流離悲懼逆犯天地天地以災童歌其謠縱令陛下身行安
百姓愁勞何以用治此不遵先帝一也臣聞有國以賢為本夏夜
龍逢殷獲伊摯斯前世之明效今日之師表也中常侍王蕃黃中
通理處朝忠蹇斯社稷之重鎮大吳之龍逢也而陛下忿其苦辭
惡其直對梟之殿堂屍骸暴棄邦內傷心有識悲悼咸以吳國夫
差復存先帝親賢陛下反之是陛下不遵先帝二也臣聞宰相國

欽嘉歎
為他倫
十七

之柱也不可不彊是故漢有蕭曹之佐先帝有顧步之相而萬或
瑣才凡庸之質昔從家隸超步紫闈於或已豐於器已溢而陛下
愛其細介不訪大趣榮以尊輔越尚舊臣賢良憤惋智士赫咤是
不遵先帝三也先帝憂民過於嬰孩民無妻者以妾妻之見單衣
者以帛給之枯骨不收而取埋之而陛下反之是不遵先帝四也
昔桀紂滅由妖婦幽厲亂在嬖妾先帝鑒之以為身戒故左右不
置淫邪之色後房無曠積之女今中宮萬數不備嬪嬙外多鰥夫
女吟於中風雨逆度正由此起是不遵先帝五也先帝憂勞萬機
猶懼有失陛下臨阼以來游戲後宮眩惑婦女乃令庶事多曠下
吏容姦是不遵先帝六也先帝篤尚朴素服不純麗宮無高臺物
不彫飾故國富民充姦盜不作而陛下徵調州郡竭民財力士被
玄黃宮有朱紫是不遵先帝七也先帝外杖顧陸朱張內近胡綜

顧步

薛綜是以庶績雍熙邦內清肅今者外非其任內非其人陳聲曹
輔斗筭小吏先帝之所棄而陛下幸之是不遵先帝八也先帝每
宴見羣臣抑損醇醲臣下終日無失慢之尤百寮庶尹竝展所陳
而陛下拘以視瞻之敬懼以不盡之酒夫酒以成禮過則敗德此
無異商辛長夜之飲也是不遵先帝九也昔漢之桓靈親近宦豎
大失民心今高通詹廉羊度黃門小人而陛下賞以重爵權以戰
兵若江渚有難烽燧互起則度等之武不能禦侮明也是不遵先
帝十也今宮女曠積而黃門復走州郡條牒民女有錢則舍無錢
則取怨呼道路母子死訣是不遵先帝十一也先帝在時亦養諸
王太子若取乳母其夫復役賜與錢財給其資糧時遣歸來視其
弱息今則不然夫婦生離夫故作役兒從後死家爲空戶是不遵
先帝十二也先帝歎曰國以民爲本民以食爲天衣其次也三者

孤存之於心今則不然農桑竝廢是不遵先帝十三也先帝簡士
不拘卑賤任之鄉閭效之於事舉者不虛受者不妄今則不然浮
華者登朋黨者進是不遵先帝十四也先帝戰士不給他役使春
惟知農秋惟收稻江渚有事責其死效今之戰士供給衆役廩賜
不贍是不遵先帝十五也夫賞以勸功罰以禁邪賞罰不中則士
民散失今江邊將士死不見哀勞不見賞是不遵先帝十六也今
在所監司已爲煩猥兼有內使擾亂其中一民十吏何以堪命昔
景帝時交阯反亂寔由茲起是爲遵景帝之闕不遵先帝十七也
夫校事吏民之仇也先帝末年雖有呂壹錢欽尋皆誅夷以謝百
姓今復張立校曹縱吏言事是不遵先帝十八也先帝時居宮者
咸久於其位然後考績黜陟今州郡職司或莅政無幾便徵召遷
轉迎新送舊紛紜道路傷財害民於是爲甚是不遵先帝十九也

先帝每察竟解之奏常留心推接是以獄無冤囚死者吞聲今則

違之是不遵先帝二十也若臣言可錄藏之盟府如其虛妄治臣

之罪願陛下留意江表傳曰皓所行彌暴凱知其將亡上表曰臣聞惡不可積過不可長

鼓武公九十思聞警言戒詩美其德士悅其行臣察陛下無思警戒之義而有積惡之漸臣深憂之

此禍兆見矣故畧陳其要為盡愚懷陛下宜克已復禮述履前德不可捐棄臣言而放棄意意奢

情至吏日欺民民離則上不信下下常疑上骨肉相克公子相奔臣雖愚聞於天命以心審之敗

不過二十稔也臣常念亡國之人夏桀殷紂亦不可使後人復忿陛下也臣受國恩奉朝三世復

以餘年值遇陛下不能循俗與眾沈浮若比于伍負以忠見戮以正見疑自謂畢足無所餘恨灰

身泉壤無負先帝願陛下九思社稷存焉初皓始起宮凱上表諫不聽凱重表曰臣聞宮功當起

夙夜反側是以頻煩上事往往留中不見省報於邑歎息企想應罷昨食時被詔曰君所諫誠是

大趣然未合鄙意如何此宮殿不利宜當避之乃可以妨勞役長坐不利宮乎父之不安于亦何

倚臣拜紙詔伏讀一周不覺氣結於胸而涕泣雨集也臣年已六十九榮祿已重於臣過望復何

所冀所以勤勤數進苦言者臣伏念大皇帝創基立業勞苦勤至白髮生於鬢膚黃耆被於甲冑

天下始靜晏駕早崩自含息之類能言之倫無不歎歎如喪考妣幼主嗣統柄在臣下軍有連征

之費民有彫殘之損賊臣干政公家空竭今疆敵當塗西州傾覆孤罷之民宜當畜養廣力肆業

以備有虞且始徙都屬有軍征戰士流離州郡搔擾而大功復起徵召四方斯非保國致治之漸

也臣聞為人主者履歷以德除咎以義故湯遭大旱身禱桑林熒惑守心宋景退殿是以早魃銷

亡妖星移舍今宮室之不利但當克己復禮篤湯宋之至道愍黎庶之困苦何憂宮之不安災之

不銷乎陛下不務修德而務築宮室若德之不修行之不貴雖殷辛之瑤臺秦皇之阿房何止而

不喪身覆國宗廟作墟乎夫興土功高臺榭既致水旱民又多疾其不疑也為父長安使子無倚

此乃子離於父臣離於陛下之象也臣于一誠歸念克骨茅茨不翦復何益焉是以大皇帝居于

南宮自謂過於阿房故先朝大臣以為宮室宜厚備衛非常大皇帝曰逆虜游魂當愛育百姓何

聊趣於不急然臣下懇惻由不獲已故裁調近郡苟副眾心比當就功德豫三年當此之時寇鈔

懾威不犯我境師徒奔北且西阻岷漢南州無事尚猶冲讓未肯築宮

况陛下危側之世又乏大皇帝之德可不慮哉願陛下留意臣不虛言

胤字敬宗凱弟也始為御史尚書選曹郎太子和聞其名待以殊

禮會全寄楊竺等阿附魯王霸與和分爭陰相譖搆胤坐收下獄

楚毒備至終無他辭吳錄曰太子自懼黜廢而魯王覬覦益甚權時見楊竺辟左右而

給使伏于牀下具聞之以告太子胤當至武昌往辭太子太子不見而微服至其市上與共密議

欲令陸遜表諫既而遜有表極諫權疑竺泄之竺辭不服權使竺出尋其由竺曰頃惟胤西行必

其所道又遣問遜何由知之遜言胤所述召胤考問胤為太子隱曰楊竺向臣

道之遂共為獄竺不勝痛毒服是所道初權疑竺泄之及服以為果然乃斬竺

後為衡陽督

軍都尉赤烏十一年交阯九真夷賊攻沒城邑交部搔動以胤為

交州刺史安南校尉胤入南界喻以恩信務崇招納高涼渠帥黃

吳等支黨三千餘家皆出降引軍而南重宣至誠遺以財幣賊帥

百餘人民五萬餘家深幽不羈莫不稽顙交城清泰就加安南將

軍復討蒼梧建陵賊破之前後出兵八千餘人以充軍用永安元

年

胤

胤

胤

胤

胤

胤

胤

陳景雲曰左
考作在如王祀
州張飛在徐
都特在南郡
陳中瘴

年徵為西陵督封都亭侯後轉左虎林中書丞華覈表薦胤曰胤
天姿聰朗才通行絜昔歷選曹遺跡可紀還在交州奉宣朝恩流
民歸附海隅肅清蒼梧南海歲有舊風障氣之害風則折木飛砂
轉石氣則霧鬱飛鳥不經自胤至州風氣絕息商旅平行民無疾
疫田稼豐稔州治臨海海流秋鹹胤又畜水民得甘食惠風橫被
化感人神遂憑天威招合遺散至被詔書當出民感其恩以忘戀
土負老攜幼甘心景從眾無攜貳不煩兵衛自諸將合眾皆脅之
以威未有如胤結以恩信者也銜命在州十有餘年賓帶殊俗寶
玩所生而內無粉黛附珠之妾家無文甲犀象之珍方之今臣實
難多得宜在輦轂股肱王室以贊唐虞康哉之頌江邊任輕不盡
其才虎林選督堪之者眾若召還都寵以上司則天工畢修庶績
咸熙矣胤卒子式嗣為柴桑督楊武將軍天策元年與從兄禕俱

徙建安天紀二年召還建業復將軍侯

評曰潘濬公清割斷陸凱忠壯質直皆節槩梗梗有大丈夫格業
胤身絜事濟著稱南土可謂良牧矣

潘濬蜀之降臣且與重長不稔荆州之陷委質孫吳官至太常封侯也
其生平曾無可紀以視敬風之忠謹敢言當有魏色潘陸同傳恐非其
倫

吳書十六

西川忠鳳節
氏書中附注

三國志六十一

吳書十七

三國志六十二

是儀胡綜傳第十七

是氏古字通

是儀字子羽北海營陵人也本姓氏初為縣吏後任郡郡相孔融

徐衆評曰古之建姓或以所生或以官號或以祖名皆有義體以明

嘲儀言氏字民無上可改為是乃遂改焉氏族故曰昨之以土而命之氏此先王之典也所以明本重始彰示功德子孫不忘也今離又

析字橫生忌諱使儀易姓忘本誣祖不亦謬哉教人易姓從人改族融既夫之儀又不得也後

依劉繇避亂江東繇軍敗儀徙會稽孫權承攝大業優文徵儀到

見親任專典機密拜騎都尉呂蒙圖襲關羽權以問儀儀善其計

勸權聽之從討羽拜忠義校尉儀陳謝權令曰孤雖非趙簡子卿

安得不自屈為周舍邪既定荊州都武昌拜裨將軍後封都亭侯

守侍中欲復授兵儀自以非材固辭不受黃武中遣儀之皖就將

軍劉邵欲誘致曹休休到大破之遷偏將軍入關省尚書事外總

半諸官兼領辭訟又令教諸公子書學大駕東遷太子登留鎮武

古之入曰本出上賜
漢更皆成君臣本
宜深責也

右詞有傾移亦
并得楊巧者不
可幸也

昌使儀輔太子太子敬之事先諮詢然後施行進封都鄉侯後從
太子還建業復拜侍中中執法平諸官事領辭訟如舊典校郎呂
壹誣白故江夏太守刁嘉謗訕國政權怒收嘉繫獄悉驗問時同
坐人皆怖畏壹竝言聞之儀獨云無聞於是見窮詰累日詔旨轉
厲羣臣為之屏息儀對曰今刀鋸已在臣頸臣何敢為嘉隱諱自
取夷滅為不忠之鬼顧以聞知當有本末據實答問辭不傾移權
遂舍之嘉亦得免徐眾評曰是儀以羈旅異方客仕吳朝值讒邪終行當嚴殺之威命
縣漏刻禍急危機不雷同以害人不苟免以傷義可謂忠勇公正之
士雖神天之免叔向慶忌之濟朱雲何以尚之忠不陷君勇不懼讒公不存私正不黨
邪資此四德加之以文敏崇之以謙約履之以和順保傅一官存身愛名不亦宜乎蜀相諸
葛亮卒權垂心西州遣儀使蜀申固盟好奉使稱意後拜尚書僕
射南魯二宮初立儀以本職領魯王傅儀嫌二宮相近切乃上疏
曰臣竊以魯王天挺懿德兼資文武當今之宜宜鎮四方為國藩
輔宜揚德美廣耀威靈乃國家之良規海內所瞻望但臣言辭鄙

野不能究盡其意思以二宮宜有降殺正上下之序明教化之本
書三四上為傅盡忠動輒規諫事上勤與人恭不治產業不受施
惠為屋舍財足自容鄰家有起大宅者權出望見問起大室者誰
左右對曰似是儀家也權曰儀儉必非也問果他家其見知信如
此服不精細食不重膳拯贍貧困家無儲畜權聞之幸儀舍求視
蔬飯親嘗之對之歎息即增俸賜益田宅儀累辭讓以恩為戚時
時有所進達未嘗言人之短權常責儀以不言事無所是非儀對
曰聖主在上臣下守職懼於不稱實不敢以愚管之言上于天聽
事國數十年未嘗有過呂壹歷白將相大臣或一人以罪聞者數
四獨無以白儀權歎曰使人盡如是儀當安用科法為及寢疾遺
令素棺斂以時服務從省約年八十一卒
胡綜字偉則汝南固始人也少孤母將避難江東孫策領會稽太

宋本無此
字

守綜年十四爲門下循行留吳與孫權共讀書策薨權爲討虜將軍以綜爲金曹從事從討黃祖拜鄂長權爲車騎將軍都京召綜還爲書部與是儀徐詳俱典軍國密事劉備下白帝權以見兵少使綜料諸縣得六千人立解煩兩部詳領左部綜領右部督吳將晉宗叛歸魏魏以宗爲蘄春太守去江數百里數爲寇害權使綜與賀齊輕行掩襲生虜得宗加建武中郎將魏拜權爲吳王封綜儀詳皆爲亭侯黃武八年夏黃龍見舉口於是權稱尊號因瑞改元又作黃龍大牙常在中軍諸軍進退視其所向命綜作賦曰乾坤肇立二才是生狼弧垂象實惟兵精聖人觀法是效是營始作器械爰求厥成黃農創代拓定皇基上順天心下息民災高辛誅共舜征有苗啓有甘師湯有鳴條周之牧野漢之垓下靡不由兵克定厥緒明明大吳實天生德神武是經惟皇之極乃自在昔黃

虞是祖越歷五代繼世在下應期受命發迹南土將恢大繇華我區夏乃律天時制爲神軍取象太乙五將三門疾則如電遲則如雲進止有度約而不煩四靈旣布黃龍處中周制日月實曰太常桀然特立六軍所望仙人在上鑒觀四方神寔使之爲國休祥軍欲轉向黃龍先移金鼓不鳴寂然變施闇謨若神可謂祕奇在昔周室赤烏銜書今也大吳黃龍吐符合契河洛動與道俱天贊人和僉曰惟休蜀聞權踐阼遣使重申前好綜爲盟文文義甚美語在權傳權下都建業詳綜竝爲侍中進封鄉侯兼左右領軍時魏降人或云魏都督河北振威將軍吳質頗見猜疑綜乃僞爲質作降文三條其一曰天綱弛絕四海分崩羣生憔悴士人播越兵寇所加邑無居民風塵煙火往往而處自三代以來大亂之極未有若今時者也臣質志薄處時無方繫於土壤不能翻飛遂爲曹氏

此疑作狀後同

公卿覽

乃自元板作周

以御見事以

執事戎役遠處河朔天衢隔絕雖望風慕義思託大命媿無因緣
得展其志每往來者竊聽風化伏知陛下齊德乾坤同明日月神
武之姿受之自然敷演皇極流化萬里自江以南戶受覆燾英雄
俊傑上達之士莫不心歌腹詠樂在歸附者也今年六月末奉聞
吉日龍興踐阼恢弘大繇整理天綱將使遺民覩見定主昔武王
伐殷殷民倒戈高祖誅項四面楚歌方之今日未足以喻臣質不
勝昊天至願謹遣所親同郡黃定恭行奉表及託降叛間關求達
其欲所陳載列于左其二曰昔伊尹去夏入商陳平委楚歸漢書
功竹帛遺名後世世主不謂之背誕者以爲知天命也臣昔爲曹
氏所見交接外託君臣內如骨肉恩義綢繆有合無離遂受偏方
之任總河北之軍當此之時志望高大永與曹氏同死俱生惟恐
功之不建事之不成耳及曹氏之亡後嗣繼立幼冲統政讒言彌

李云吳人專依此
殺猶如胡蝶同
之流即伯言回不
免耳想史所不載
者尤多也

興同儕者以勢相害異趣者得聞其言而臣受性簡畧素不下人
視彼數子意實迫之此亦臣之過也遂爲邪議所見構會招致猜
疑誣臣欲叛雖識真者保明其心世亂讒勝餘嫌猶在常懼一旦
橫受無辜憂心孔疚如履冰炭昔樂毅爲燕昭王立功於齊惠王
卽位疑奪其任遂去燕之趙休烈不虧彼豈欲二三其德蓋畏功
名不建而懼禍之將及也昔遣魏郡周光以賈販爲名託叛南詣
宣達密計時以倉卒未敢便有章表使光口傳而已以爲天下大
歸可見天意所在非吳復誰此方之民思爲臣妾延頸舉踵惟恐
兵來之遲耳若使聖恩少加信納當以河北承望王師疑心亦實
天日是鑒而光去經年不聞咳唾未審此意竟得達不瞻望長歎
日月以幾魯望高子何足以喻又臣今日見待稍薄蒼蠅之聲絲
絲不絕必受此禍遲速事耳臣私度陛下未垂明慰者必以臣質

子云不知陳氏
以何為

貫穿仁義之道不行若此之事謂光所傳多虛少實或謂此中有
他消息不知臣質構讒見疑恐受大害也且臣質若有罪之日自
當奔赴鼎鑊束身待罪此蓋人臣之宜也今日無罪橫見譖毀將
有商鞅白起之禍尋惟事勢去亦宜也死而弗義不去何為樂毅
之出吳起之走君子傷其不遇未有非之者也願陛下推古況今
不疑怪於臣質也又念人臣獲罪當如伍員奉已自效不當徼幸
因事為利然今與古厥勢不同南北悠遠江湖隔絕自不舉事何
得濟免是以忘志士之節而思立功之義也且臣質又以曹氏之
嗣非天命所在政弱刑亂柄奪於臣諸將專威於外各自為政莫
或同心士卒衰耗帑藏空虛綱紀毀廢上下竝昏想前後數得降
叛具聞此問兼弱攻昧宜應天時此實陛下進取之秋是以區區
敢獻其計今若內兵淮泗據有下邳荆揚二州聞聲響應臣從河

北席卷而南形勢一連根牙永固關西之兵繫於所衛青徐二州
不敢徹守許洛餘兵眾不滿萬誰能來東與陛下爭者此誠千載
一會之期可不深思而熟計乎及臣所在既自多馬加諸羌胡常
以三四月中美草時驅馬來出隱度今者可得三千餘匹陛下出
軍當投此時多將騎士來就馬耳此皆先定所一二知凡兩軍不
能相究虛實今此間實羸易可克定陛下舉動應者必多上定洪
業使普天一統下令臣質建非常之功此乃天也若不見納此亦
天也願陛下思之不復多陳其三曰昔許子遠舍袁就曹規畫計
較應見納受遂破袁軍以定曹業向使曹氏不信子遠懷疑猶豫
不決於心則今天下袁氏有也願陛下思之間聞界上將閻浮趙
楫欲歸大化唱和不速以取破亡今臣款款遠授其命若復懷疑
不時舉動令臣孤絕受此厚禍即恐天下雄夫烈士欲立功者不

李云非人有人亦
傳之陳氏以著附
傳有旨也

善蓋報投推
之多精也

此事已載推傳後
出乃刊削未盡

字云博謬甚矣

敢復託命陛下矣願陛下思之皇天后土實聞其言此文既流行而質已入為侍中矣侍中義遷非由非前此實平後有親系二年青州人隱蕃歸吳上書曰臣聞紂為無道微子先出高祖寬明陳平先入臣年二十二委棄封域歸命有道賴蒙天靈得自全致臣至止有日而主者同之降人未見精別使臣微言妙旨不得上達於邑三歎曷惟其已謹詣闕拜章乞蒙引見權即召入蕃謝答問及陳時務甚有辭觀綜時侍坐權問何如綜對曰蕃上書大語有似東方朔巧捷詭辯有似禰衡而才皆不及權又問可堪何官綜對曰未可以治民且試以都輦小職權以蕃盛論刑獄用為廷尉監左將軍朱據廷尉郝普稱蕃有王佐之才普尤與之親善常怨歎其屈後蕃謀叛事覺伏誅吳錄曰蕃有口才魏明帝使詐

叛如吳令求作廷尉職重案大臣以離間之流為廷尉監衆人以據普與蕃親善常車馬雲集賓客盈堂及至事覺蕃亡走捕得考問黨與蕃無所言吳主使將入謂曰何乃以肌肉為人受毒乎普曰孫君丈夫圖事豈有無佞烈士死不足相牽耶遂閉口而死吳普見責自殺據禁歷曰權問普卿前處普又為之怨望朝廷使蕃反叛皆卿之由

止歷時乃解拜綜偏將軍兼左執法領辭訟遼東之事輔吳將軍張昭以諫權言辭切至權亦大怒其和協彼此使之無隙綜有力焉性嗜酒酒後歡呼極意或推引杯觴搏擊左右權愛其才弗之責也凡自權統事諸文誥策命鄰國書符畧皆綜之所造也初以內外多事特立科長吏遭喪皆不得去而數有犯者權患之使朝臣下議綜議以為宜定科文示以大辟行之一人其後必絕遂用綜言由是奔喪乃斷赤烏六年卒子冲嗣冲平和有文幹天紀中為中書令吳錄曰冲後仕晉尚書郎吳郡太守徐詳者字子明吳郡烏程人也先綜死評曰是儀徐詳胡綜皆孫權之時幹興事業者也儀清恪貞素詳數通使命綜文采才用各見信任辟之廣夏其榱椽之佐乎

十駕商卷新錄曰陳少章云孫權書凡不立信而附見空信者雖事迹可稱評皆不及徐詳通使會公唯一見孫權信以陳氏之評則固屬奉使稱旨矣詳先詳後徐非附見綜信可知意詳自有傳而偶逸綜信未及語則出自信人附益也

吳郡太守

吳書十八

三國志六十三

吳範劉惇趙達傳第十八

吳範字文則會稽上虞人也以治歷數知風氣聞於郡中舉有道
 詣京都世亂不行會孫權起於東南範委身服事每有災祥輒推
 數言狀其術多效遂以顯名初權在吳欲討黃祖範曰今茲少利
 不如明年明年戊子荆州劉表亦身死國亡權遂征祖卒不能克
 明年軍出行及尋陽範見風氣因詣船賀催兵急行至即破祖祖
 得夜亡權恐失之範曰未遠必生禽祖至五更中果得之劉表竟
 死荆州分割及壬辰歲範又白言歲在甲午劉備當得益州後呂
 岱從蜀還遇之白帝說備部眾離落死亡且半事必不克權以難
 範範曰臣所言者天道也而岱所見者人事耳備卒得蜀權與呂
 蒙謀襲關羽議之近臣多曰不可權以問範範曰得之後羽在麥

先主入蜀自漢明
 還收璋無緣復在
 白帝與岱相遇
 孫蜀人宜知道
 違錯故載之
 吳人偽妄耳

城使使請降權問範曰竟當降否範曰彼有走氣言降詐耳權使
潘璋邀其徑路覘候者還白羽已去範曰雖去不免問其期曰明
日日中權立表下漏以待之及中不至權問其故範曰時尚未正
中也頃之有風動帷範拊手曰羽至矣須臾外稱萬歲傳言得羽
後權與魏為好範曰以風氣言之彼以貌來其實有謀宜為之備
劉備盛兵西陵範曰後當和親終皆如言其占驗明審如此權以
範為騎都尉領太史令數從訪問欲知其決範祕惜其術不以至
要語權權由是恨之吳錄曰範獨心計所以見重者術術亡則身棄矣故終不言初權為將軍時範嘗白
言江南有王氣亥子之間有大福慶權曰若終如言以君為侯及
立為吳王範時侍宴曰昔在吳中嘗言此事大王識之邪權曰有
之因呼左右以侯綬帶範範知權欲以厭當前言輒手推不受及
後論功行封以範為都亭侯詔臨當出權恚其愛道於已也削除

其名範為人剛直頗好自稱然與親故交接有終始素與魏勝同
邑相善勝嘗有罪權責怒甚嚴敢有諫者死範謂勝曰與汝偕死
勝曰死而無益何用死為範曰安能慮此坐觀汝邪乃髡頭自縛
詣門下使鈴下以聞鈴下不敢曰必死不敢白範曰汝有子邪曰
有曰使汝為吳範死子以屬我鈴下曰諾乃排閤入言未卒權大
怒欲便投以戟逡巡走出範因突入叩頭流血言與涕竝良久權
意釋乃免勝勝見範謝曰父母能生長我不能免我於死丈夫相
知如汝足矣何用多為會稽典錄曰勝字周林祖父河內太守則字少英列在八俊

太妃救得免語見妃嬪傳歷歷山潘陽太守黃武五年範病卒長子先死少子尚幼於是

業絕權追思之募三州有能舉知術數如吳範趙達者封千戶侯

卒無所得吳錄曰範先知其死曰謂權曰陛下某日當喪軍師權曰吾無軍師焉得喪之範曰陛下出軍臨敵須臣言而後行臣乃陛下之軍師也至其日果卒臣松之案範死時權未稱帝此云陛下非也

陳琳後吳文作
魏同宗吳夫
人傳注中引其
錄作魏勝

達算言五
走又云吳惠
康子歲見權
傳黃武三
羊注中

達算言可以
高術家之談
吳邑有術士
坊前作暖
孫盛作孫盛
與程壽為林
也

盛言是也若魏得
不以正亦當時之奇

葛水姚火

此說者先得之千
左右待推問既竟
而後言則休信為
見其狀耳若微物
氣當旋散安得埋
者土中復有相耶

壻昨來必是渠所竊遂從此絕初孫權行師征伐每令達有所推
步皆如其言權問其法達終不語由此見薄祿位不至吳書曰初權即尊號令達算作

天子之後當復幾年達曰高祖建元十二年達常笑謂諸星氣風術者曰當迴算

陛下倍之權大喜左右稱萬歲果如達言

帷幕不出戶牖以知天道而反晝夜暴露以望氣祥不亦難乎聞

居無為引算自校乃歎曰吾算訖盡某年月日其終矣達妻數見

達效聞而哭泣達欲弭妻意乃更步算言向者謬誤耳尚未也後

如期死權聞達有書求之不得乃錄問其女及發達棺無所得法

術絕焉吳錄曰皇象字休明廣陵江都人幼工書時有張子立陳梁甫能書而恨通並恨峻象斟酌其間甚得其妙中國善書者不能及也嚴武字子卿衛尉峻再從子也圍基

莫與為輩宋壽占夢十不失一曹不與善畫權使畫屏風風誤落筆點素因就以作蠅既進御權以

為生蠅舉手彈之孤城鄭姬能相人及範停達入人世皆稱妙謂之八絕云晉陽秋曰吳有葛衡字思真明達天官能為機巧作渾天使地居于中以機動之天轉而地止以上應星度

評曰三子各於其術精矣其用思妙矣然君子算役心神宜於大

者遠者是以有識之士舍彼而取此也孫盛曰夫玄覽未然逆鑒來事雖禪龜梓慎其猶病諸况術之下此者乎吳史

書達知東南當有王氣故輕舉濟江魏承漢緒受命中畿達不能豫觀兆萌而流竄吳越又不知
各術之鄙見薄於時安在其能逆觀天道而審帝王之符瑞哉昔聖王觀天地之文以書八卦之
象故豐豐成於著策變化形乎六爻是以三易雖殊卦絲理一安有迴轉一籌可以鈞深測隱意
對逆占而能遂知來物者乎流俗好異妄設神奇不幸之中仲尼所棄是以君子志其大者無所
取諸臣松之以為盛云君子志其大者無所取諸故評家之旨非新聲也其餘所譏則皆為非
理自中原酷亂至于建安數十年間生民殆盡比至小康皆百死之餘耳江左雖有兵革不能如
中國之甚也焉知達不算其安危知禍有少利在東南以全其身乎而責不知魏氏將興流播
吳越在京房之籌猶不能自免刑戮况達但以祕術見薄在悔吝之間乎古之道術益非一方探
蹟之功豈惟六爻苟得其要則可以易而知之矣迴轉一籌胡足怪哉達之推算窮其要妙以知
幽測隱何愧於古而以裨梓限之謂達為妄非篤論也抱朴子曰時有葛仙公者每飲酒醉常入人家門前陂水中卧竟日乃出曾從吳主別到洲還遇大風百官船多沒仙公船亦沈淪吳主甚悵恨明日使人鉤求公船而登高以望焉久之見公步從水上來衣履不沾而有酒色既見而言曰臣昨侍從而伍子胥見請暫過設酒忽忽不得即委之又有姚光者有火術吳主身臨試之積數千束使光坐其上又以數千束焚裏之因猛風而燔之焚了盡謂光當以化為燼而光端坐於中振衣而起把一卷書吳主取其書視之不能解也又曰吳景帝有疾求覘視者得一入景帝欲試之乃殺鵝而埋於苑中架小屋施牀几以婦人履履服物著其上乃使現視之告曰若能說此家中鬼婦人形狀者當加賞而即信矣竟日盡夕無言帝推問之急乃曰實不見有鬼但見一頭白鵝立墓上所以不即白之疑是鬼神變化作此相當候其真形而定無復移易不知何故不敢不以實上聞景帝乃厚賜之然則鵝死亦有鬼也葛洪神仙傳曰仙人介象字元則會稽人有諸方術吳主聞之徵象到武昌甚敬貴之稱為介君為起宅以御帳給之賜遺前後累千金從象學蔽形之術試還後宮及出殿門莫有見者又使象作變化種瓜菜百果皆立出可食吳主共論鱸魚何者最美象曰鱸魚為上吳主曰論近道魚耳此出海中安可得邪象曰可得耳乃令人於殿庭中作方坵汲水滿之并求鉤象起餌之垂綸於坵中須臾果得鱸魚吳主驚喜問象曰可食不象曰故為陛下取以作生鱸安敢取不可食之物乃使厨下切之吳主曰聞蜀使來

張溫使蜀時權方
為吳王何以得控
下且正當魏軍類
出廣陵河口權亦不
在武昌也

得蜀薑作齋甚好恨爾時無此象曰蜀薑豈不易得願差所使者可付直吳主指左右一人以錢
五十付之象書一符以著青竹杖中使行人閉目騎杖杖止便買薑訖復閉目此人承其言騎杖
須臾止已至成都不知是何處問人言是蜀市中乃買薑于時吳使張溫先在蜀既於市中相
識甚善便作書寄其家此人買薑畢捉書負薑騎杖閉目須臾已還到吳廚下切鱸適了臣松之
以為葛洪所記近為惑眾其書文頗行世故撮取數事載之篇末也此身屢讀不厭
神仙之術詎可測量臣之臆斷以為惑眾所謂夏蟲不知冷冰耳 蔚宗不能到也

吳書十八

三國志六十三

吳書十九

三國志六十四

諸葛滕二孫濮陽傳第十九

諸人皆以事見法惟元遜字保身之格

諸葛恪字元遜瑾長子也少知名

江表傳曰恪少有才名發藻岐嶷辯論應機莫與為對權見而奇之謂瑾曰藍田生玉真不虛

也吳錄曰恪長七尺六寸少髮眉折頰廣額大口高聲弱冠拜騎都尉與顧譚張休等侍太子登講論

道藝竝為賓友從中庶子轉為左輔都尉恪父瑾面長似驢孫權

大會羣臣使人牽一驢入長檢其面題曰諸葛子瑜恪跪曰乞請

筆益兩字因聽與筆恪續其下曰之驢舉坐歡笑乃以驢賜恪他

日復見權問恪曰卿父與叔父孰賢對曰臣父為優權問其故對

曰臣父知所事叔父不知以是為優權又大噓命恪行酒至張昭

前昭先有酒色不肯飲曰此非養老之禮也權曰卿其能令張公

辭屈乃當飲之耳恪難昭曰昔師尚父九十秉旄仗鉞猶未告老

也今軍旅之事將軍在後酒食之事將軍在先何謂不養老也昭

子云材捷之人必不
當大任

李云終難逃疎
守折卷卷矣
疎與謹慎正相反

飛蓬未竟之類
遊風之

先使之無所
母之則下得不出
矣

卒無辭遂為盡爵後蜀使至羣臣竝會權謂使曰此諸葛恪雅好
騎乘還告丞相為致好馬恪因下謝權曰馬未至而謝何也恪對
曰夫蜀者陛下之外虜今有恩詔馬必至也安敢不謝恪之才捷
皆此類也恪別傳曰權嘗饗蜀使費禕先逆勅羣臣使至伏食勿起禕至權為輟食而羣下
不起禕嘲之曰鳳皇來翔騏驎吐哺驢騾無知伏食如故恪答曰爰植梧桐以待
鳳皇有何燕雀自稱來翔何不彈射使還故鄉禕停食餅索筆作交賦恪亦請筆作磨賦咸稱善
焉權嘗問恪頃何以自娛而更肥澤恪對曰臣聞富潤屋德潤身臣非敢自娛修已而已又問卿
何如滕胤恪答曰登階躡屣臣不如胤迴籌轉策胤不如臣恪嘗獻權馬先錫其耳范慎時在坐
嘲恪曰馬雖大畜稟氣於天今殘其耳豈不傷仁恪答曰母之於女恩愛至矣穿耳附珠何傷於
仁太子嘗嘲恪諸葛元遜可食馬矢恪曰願太子食雞卵權曰人令卿食馬矢卿使人食雞卵何
也恪曰所出同耳權大笑江表傳曰曾有白頭鳥集殿前權曰此何鳥也恪曰白頭翁也張昭
自以坐中疑恪以鳥戲之因曰恪欺陛下未嘗聞鳥名白頭翁者試使恪復
求白頭恪曰鳥名鸚鵡未必有對試使輔吳復求鸚鵡父昭不能答坐中皆歡笑權甚異之

欲試以事令守節度節度掌軍糧穀文書繁猥非其好也江表傳曰
權為吳王

初置節度官使典掌軍糧非漢制也初用侍中偏將軍徐詳詳死將用恪諸葛亮聞恪代詳書與
陸遜曰不兄年老而恪性疎今使典主糧穀糧穀軍之要最僕雖在遠獨用不安足下特為恪至
尊轉之恪以丹楊山險民多果勁雖前發兵徒得外縣平民而
權即轉領兵

已其餘深遠莫能禽盡屢自求乞為官出之二年可得甲士四萬

眾議咸以丹楊地勢險阻與吳郡會稽新都鄱陽四郡鄰接周旋
數千里山谷萬重其幽邃民人未嘗入城邑對長吏皆仗兵野逸
白首於林莽通亡宿惡咸共逃竄山出銅鐵自鑄甲兵俗好武習
戰高尚氣力其升山赴險抵突叢棘若魚之走淵後狄之騰木也
時觀間隙出為寇盜每致兵征伐尋其窟藏其戰則蠶至敗則鳥
竄自前世以來不能羈也皆以為難恪父瑾聞之亦以事終不逮
歎曰恪不大興吾家將大赤吾族也恪盛陳其必捷權拜恪撫越
將軍領丹楊太守授棨戟武騎三百拜畢命恪備威儀作鼓吹導
引歸家時年三十二恪到府乃移書四部屬城長吏令各保其疆
界明立部伍其從化平民悉令屯居乃分內諸將羅兵幽阻但繕
藩籬不與交鋒候其穀稼將熟輒縱兵芟刈使無遺種舊穀既盡
新田不收平民屯居畧無所入於是山民饑窮漸出降首恪乃復

即上所謂
四郡隣接也
御覽作即

魏大昕曰丹陽
郡無曰陽縣
志中諸字

勅下曰山民去惡從化皆當撫慰徙出外縣不得嫌疑有所執拘
曰陽長胡伉得降民周遺遺舊惡民困迫暫出內圖叛逆伉縛送
言府恪以伉違教遂斬以徇以狀表上民間伉坐執人被戮知官
惟欲出之而已於是老幼相攜而出歲期人數皆如本規恪自領
萬人餘分給諸將權嘉其功遣尚書僕射薛綜勞軍綜先移恪等
曰山越恃阻不賓歷世緩則首鼠急則狼顧皇帝赫然命將西征
神策內授武師外震兵不染鏑甲不沾汙元惡既梟種黨歸義蕩
滌山藪獻戎十萬野無遺寇邑罔殘姦既掃兇慝又充軍用黎蔭
稂莠化為善草魍魎更成虎士雖實國家威靈之所加亦信
元帥臨履之所致也雖詩美執訊易嘉折首周之方召漢之衛霍
豈足以談功軼古人勲超前世主上歡然遙用歎息感四牡之遺
典思飲至之舊章故遣中臺近官迎致犒賜以旌茂功以慰劬勞

不可者蓋以此
之南北雜處雖
此非十萬之衆
之守若魏領國
恐致利執其後
出新城欣卒此
又輕用大衆固
所遂致師老民
家族傾軋

拜恪威北將軍封都鄉侯恪乞率眾佃廬江皖口因輕兵襲舒掩
得其民而還復遠遣斥候觀相徑要欲圖壽春權以為不可赤烏
中魏司馬宣王謀欲攻恪權方發兵應之望氣者以為不利於是
徙恪屯於柴桑與丞相陸遜書曰楊敬叔傳述清論以為方今人
物彫盡守德業者不能復幾宜相左右更為輔車上熙國事下相
珍惜又疾世俗好相謗毀使已成之器中有損累將進之徒意不
歡笑聞此喟然誠獨擊節愚以為君子不求備於一人自孔氏門
徒大數三千其見異者七十二人至于子張子路子貢等七十之
徒亞聖之德然猶各有所短師僻由嘖賜不受命豈況下此而無
所闕且仲尼不以數子之不備而引以為友不以人所短棄其所
長也加以當今取士宜寬於往古何者時務從橫而善人單少國
家職司常苦不充苟令性不邪惡志在陳力便可獎就聘其所任

李去此段亦三言也
透骨

若於小小宜適私行不足皆宜濶畧不足縷責且士誠不可纖論
苛克苛克則彼賢聖猶將不全況其出入者邪故曰以道望人則
難以人望人則易賢愚可知自漢末以來中國士大夫如許子將
輩所以更相謗訕或至於禍原其本起非為大讐惟坐克已不能
盡如禮而責人專以正義夫已不如禮則人不服責人以正義則
人不堪內不服其行外不堪其責則不得不相怨相怨一生則小
人得容其間得容其間則三至之言浸潤之譖紛錯交至雖使至
明至親者處之猶難以自定況已為隙且未能明者乎是故張陳
至於血刃蕭朱不終其好本由於此而已夫不舍小過纖微相責
又乃至於家戶為怨一國無復全行之士也恪知遜以此嫌已故
遂廣其理而贊其旨也會遜卒恪遷大將軍假節駐武昌代遜領
荊州事父之權不豫而太子少乃徵恪以大將軍領太子太傅中

書令孫弘領少傅權疾困召恪弘及太常滕胤將軍呂據侍中孫

峻屬以後事吳書曰權寢疾議所付託時朝臣咸皆注意於恪而孫峻表恪器任備政可

付大事權嫌恪剛狠自用峻以當今朝臣皆莫及遂固保之乃徵恪
等見卧內受詔牀下權詔曰吾疾困矣恐不復相見諸事一以相委恪歔流涕曰臣等皆受厚
恩當以死奉詔願陛下安精神損思慮無以外事為念權詔有司諸事一統於恪惟殺生大事然
後以聞為治第館設陪衛羣官百司拜揖之儀各有品序諸
法今有不便者條列以聞權輒聽之中外翕然人懷歡欣

懼為恪所治祕權死問欲矯詔除恪峻以告恪恪請弘咨事於坐
中誅之乃發喪制服與弟公安督融書曰今月十六日乙未大行

皇帝委棄萬國羣下大小莫不傷悼至吾父子兄弟竝受殊恩非
徒凡庸之隸是以悲慟肝心圯裂皇太子以丁酉踐尊號哀喜交

并不知所措吾身受顧命輔相幼主竊自揆度才非博陸而受姬
公負圖之託懼忝丞相輔漢之效恐損先帝委付之明是以憂慙

惶惶所慮萬端且民惡其上動見瞻觀何時易哉今以頑鈍之姿
處保傅之位艱多智寡任重謀淺誰為脣齒近漢之世燕蓋交違

蓋蓋交違
暗指峻及全
公主

此舉亦太突
不為居時
殺機

此種在時政紀其有
遠見不當以成敗
論

此種保格而後乃相
國權勢之難共此

力云亦未從命
人如此

築兩城所以致人
也攻斯城則致守
人矣然此據維勝
已決之戰

有上官之變以身值此何敢怡豫邪又弟所在與賊犬牙相錯當
於今時整頓軍具率厲將士警備過常念出萬死無顧一生以報
朝廷無忝爾先文諸將備守各有境界猶恐賊虜聞諱恣睢寇竊
邊邑諸曹已別下約勅所部督將不得妄委所成徑來奔赴雖懷
愴但不忍之心公義奪私伯禽服戎若苟違戾非徒小故以親正
疏古今明戒也恪更拜太傅於是罷視聽息校官原逋責除關稅
事崇恩澤眾莫不悅恪每出入百姓延頸思見其狀初權黃龍元
年遷都建業二年築東興隄遏湖水後征淮南敗以內船由是廢
不復修恪以建興元年十月會眾於東興更作大隄左右結山俠
築兩城各留千人使全端留畧守之引軍而還魏以吳軍入其疆
士恥於受侮命大將胡遵諸葛誕等率眾七萬欲攻圍兩塢圖壞
隄遏恪與軍四萬晨夜赴救遵等勅其諸軍作浮橋度陣於隄上

分兵攻兩城城在高峻不可卒拔恪遣將軍留贊呂據唐咨丁奉
為前部時天寒雪魏諸將會飲見贊等兵少而解置鎧甲不持矛
戟但兜鍪刀楯僂身緣遏大笑之不即嚴兵兵得上便鼓譟亂斫
魏軍驚擾散走爭渡浮橋橋壞絕自投於水更相蹈藉樂安太守
桓嘉等同時并没死者數萬故叛將韓綜為魏前軍督亦斬之獲
車乘牛馬驢騾各數千資器山積振旅而歸進封恪陽都侯加荆
揚州牧督中外諸軍事賜金一百斤馬二百匹繒布各萬匹恪遂
有輕敵之心以十二月戰克明年春復欲出軍

漢晉春秋曰恪使司馬李衡
往蜀說姜維令同舉曰古人

有言聖人不能為時時至亦不可失也今敵政在私門外內猜隔兵挫於外而民怨於內自曹操
以來彼之亡形未有如今者也若大舉伐之使吳攻其東漢入其西彼救西則東虛重東則西輕
以練實之軍乘虛輕之
敵破之必矣維從之諸大臣以為數出罷勞同辭諫恪恪不聽中散大

夫蔣延或以固爭扶出恪乃著論諭眾意曰夫天無二日土無二
王王者不務兼并天下而欲垂祚後世古今未之有也昔戰國之

此論蓋祖述武侯
出散閣表即所謂
家私又表陳吳賊
手段之計者謂如
當審已
誠有是形但亦

惟德然心武侯自命凡此規畫目空一世而受既基於此矣

自來日有
同也兼亦
考作五五
字課作不
占年相似
政活口
志本五
二字水氣
者甚多

時諸侯自恃兵彊地廣互有救援謂此足以傳世人莫能危恣情
從懷憚於勞苦使秦漸得自太遂以并之此既然矣近者劉景升
在荊州有衆十萬財穀如山不及曹操尚微與之力競坐觀其彊
太吞滅諸袁北方都定之後操率三十萬衆來向荊州當時雖有
智者不能復爲畫計於是景升兒子交臂請降遂爲囚虜凡敵國
欲相吞卽仇讐欲相除也有讐而長之禍不在已則在後人不可
不爲遠慮也昔伍子胥曰越十年生聚十年教訓二十年之外吳
其爲沼乎夫差自恃彊大聞此邈然是以誅子胥而無備越之心
至於臨敗悔之豈有及乎越小於吳尚爲吳禍況其彊大者邪昔
秦但得關西耳尚以并吞六國今賊皆得秦趙韓魏燕齊九州之
地地悉戎馬之鄉士林之藪今以魏比古之秦土地數倍以吳與
蜀比古六國不能半之然今所以能敵之但以操時兵衆於今適

盡而後生者未悉長大正是賊衰少未盛之時加司馬懿先誅王
凌續自隕斃其子幼弱而專彼大任雖有智計之士未得施用當
今伐之是其厄會聖人急於趨時誠謂今日若順衆人之情懷偷
安之計以爲長江之險可以博世不論魏之終始而以今日遂輕
其後此吾所以長歎息者也自本以來務在產育今者賊民歲月繁
滋但以尚小未可得用耳若復十數年後其衆必倍於今而國家
勁兵之地皆已空盡唯有此見衆可以定事若不早用之端坐使
老復十數年畧當損半而見子弟數不足言若賊衆一倍而我兵
損半雖復使伊管圖之未可如何今不達遠慮者必以此言爲迂
夫禍難未至而豫憂慮此固衆人之所迂也及於難至然後頓顙
雖有智者又不能圖此乃古今所病非獨一時昔吳始以伍員爲
迂故難至而不可救劉景升不能慮十年之後故無以詒其子孫

十教本本
作數十

出師而不視其務
三年南征還
師之校又苦力年
乃也漢中其明年
始以和山耳忠者
和于一勝主少國
疑群情未一還國
疑者者乎是後
也雖克新城將
不免而况連敗
玩寇不戰自焚
豈非馬謖不請
之三等謝劍
之塞塞同異
乃更思其作會
威震紅鏡
自分族亦西元
自向元遊之謂

若不過
羅成邊界但運督
將伺利而動足矣
何少廢二十萬衆
非今既大舉又款
千泉將之言類矣
聖城之下是徒尔
好大乃素無成算
者也

今恪無具臣之才而受大吳蕭霍之任智與衆同思不經遠若不
及今日爲國斥境俛仰年老而讐敵更彊欲刎頸謝責寧有補邪
今聞衆人或以百姓尚貧欲務閑息此不知慮其大危而愛其小
勤者也昔漢祖幸已自有三秦之地何不閉關守險以自娛樂空
出攻楚身被創痍介胄生蟣蝨將士厭困苦豈甘鋒刃而忘安寧
哉慮於長久不得兩存者耳每覽荆邯說公孫述以進取之圖近
見家叔父表陳與賊爭競之計未嘗不喟然歎息也夙夜反側所
慮如此故聊疏愚言以達二三君子之末若一朝隕歿志畫不立
貴令來世知我所憂可思於後衆皆以恪此論欲必爲之辭然莫
敢復難丹楊太守聶友素與恪善書諫恪曰大行皇帝本有還東
關之計計未施行今公輔贊大業成先帝之志寇遠自送將士憑
賴威德出身用命一旦有非常之功豈非宗廟神靈社稷之福邪

宜且案兵養銳觀釁而動今乘此勢欲復大出天時未可而苟任
盛意私心以爲不安恪題論後爲書答友曰足下雖有自然之理
然未見大數孰省此論可以開悟矣於是違衆出軍大發州郡二
十萬衆百姓騷動始失人心恪意欲曜威淮南驅畧民人而諸將
或難之曰今引軍深入疆場之民必相率遠遁恐兵勞而功少不
如止圍新城新城困救必至至而圖之乃可大獲恪從其計迴軍
還圍新城攻守連月城不拔士卒疲勞因暑飲水泄下流腫病者
大半死傷塗地諸營吏日白病者多恪以爲詐欲斬之自是莫敢
言恪內惟失計而恥城不下忿形於色將軍朱異有所是非恪怒
立奪其兵都尉蔡林數陳軍計恪不能用策馬奔魏魏知戰士罷
病乃進救兵恪引軍而去士卒傷病流曳道路或頓仆坑壑或見
畧獲存亡忿痛大小呼嗟而恪晏然自若出住江渚一月圖起田

頭字朱本此
用此成事也
宋元板作思

恪才遠都
意更治武
昌宮於台
取福之由乎

於潯陽詔召相銜徐乃旋師由此眾庶失望而怨黷興矣秋八月
軍還陳兵導從歸入府館即召中書令孫嘿厲聲謂曰卿等何敢
妄數作詔嘿惶懼辭出因病還家恪征行之後曹所奏署令長職
司一罷更選愈治威嚴多所罪責常進見者無不竦息又改易宿
衛用其親近復勅兵嚴欲向青徐孫峻因民之多怨眾之所嫌構
恪欲為變與亮謀置酒請恪恪將見之夜精爽擾動通夕不寐明
將盥漱聞水腥臭侍者授衣衣服亦臭恪怪其故易衣易水其臭
如初意惆悵不悅嚴畢趨出犬銜其衣恪曰犬不欲我行乎還
坐頃刻乃復起犬又銜其衣恪令從者逐犬遂升車初恪將征淮
南有孝子著縗衣入其閣中從者白之令外詰問孝子曰不自覺
入時中外守備亦悉不見眾皆異之出行之後所坐廳事屋棟中
折自新城出住東興有白虹見其船還拜蔣陵白虹復繞其車及

將見駐車宮門峻已伏兵於帷中恐恪不時入事泄自出見恪曰
使君若尊體不安自可須後峻當具白主上欲以嘗知恪恪答曰
當自力入散騎常侍張約朱恩等密書與恪曰今日張設非常疑
有他故恪省書而去未出路門逢太常滕胤胤曰卒腹痛不任入
胤不知峻陰計謂恪曰君自行旋未見今上置酒請君君已至門
宜當力進恪躊躇而還劔履上殿謝亮還坐設酒恪疑未飲峻因
曰使君病未善平當有常服藥酒自可取之恪意乃安別飲所齎

酒吳歷曰張約朱恩密疏告恪恪以示滕胤胤勸恪還恪曰峻小子何能為邪但恐因酒食中
人耳乃以藥酒入孫盛評曰恪與胤親厚約等疏非常大事勢應示胤共謀安危然恪性疆

梁加素儻峻自不信故入豈胤微勸便為之冒禍乎吳歷為長酒數行亮還內峻起如廁解長衣著短服出

曰有詔收諸葛恪吳錄曰峻提刀稱詔收恪亮起立曰非我所為非我所為乳母引亮還
內吳歷云峻先引亮入然後出稱詔與本傳同臣松之以為峻欲稱詔

宜如本傳及吳歷不得如吳錄所言恪驚起拔劔未得而峻刀交下張約從旁斫峻裁傷左

手峻應手斫約斷右臂武衛之士皆趨上殿峻曰所取者恪也今

已死悉令復刃乃除地更飲

搜神記曰恪入已被殺其妾在室使婢語曰汝何故血

常婢蹙然起躍頭至于棟攘臂切齒而言曰諸葛公乃為孫峻所殺於是大小知恪死矣而吏兵尋至志林曰初權病篤召恪輔政臨去大司馬呂岱戒之曰世方多難子每事必十思恪答曰昔季文子三思而後行夫子曰再思可矣今君令恪十思明恪之劣也岱無以答當時咸謂之失言虞喜曰夫託以天下至重也以人臣行主威至難也兼二至而管萬機能勝之者鮮矣自非採納羣謀詢于芻蕘虛已受人恒若不足則功名不成勲績莫著况呂侯國之元耆智度經遠而甫以十思戒之而便以示劣見拒此元遜之疎乃機神不俱者也若因十思之義廣諮當世之務聞善速於雷動從諫急於風移豈得隕首殿堂死凶豎之刃世人奇其英辯造次可觀而晒呂侯無對為陋不思安危終始之慮是樂春藻之繁華而忘秋實之其口也昔魏人伐蜀蜀人禦之精嚴垂發六軍雲擾士馬擐甲羽檄交馳費禕時為元帥荷國任重而與來敵圍棋意無厭倦敵臨別謂禕君必能辦賊者也言其明畧內定貌無憂色况長寧以為君子臨事而懼好謀而成者且蜀為最爾之國而方向大敵所規所圖唯守與戰何可矜已有餘晏然無戚斯乃性之寬簡不防細微卒為降人郭修所害豈非兆見於彼而禍成於此哉往聞長寧之甄文偉今觀元遜之逆呂侯一事體同故竝而載之可

歲宜作核

先是童謠曰諸葛恪盧葦單衣篋鉤落於何相

求成子閣成子閣者反語石子岡也建業南有長陵名曰石子岡

葦者依焉鉤落者校飾葦帶世謂之鉤絡帶恪果以葦席裹其身

而後束其罽投之於此岡吳錄曰恪時年五十一恪長子綽騎都尉以交關魯王

事權遣付恪令更教誨恪鳩殺之中子竦長水校尉少子建步兵

鉤絡帶
魏文帝嘗
賜劉楨
麻鞋
不如此
以麻鞋

校尉聞恪誅車載其母而走峻遣騎督劉承追斬竦於白都建得

渡江欲北走魏行數十里為追兵所逮恪外甥都鄉侯張震及常

侍朱恩等皆夷三族初竦數諫恪恪不從常憂懼禍及亡臨淮臧

均表乞收葬恪曰臣聞震雷電激不崇一朝大風衝發希有極日

然猶繼以雲雨因以潤物是則天地之威不可經日浹辰帝王之

怒不宜訖情盡意臣以狂愚不知忌諱敢冒破滅之罪以邀風雨

之會伏念故太傅諸葛恪得承祖考風流之烈伯叔諸父遭漢祚

盡九州鼎立分託三方竝履忠勤熙隆世業爰及於恪生長王國

陶育聖化致名英偉服事累紀禍心未萌先帝委以伊周之任屬

以萬機之事恪素性剛愎矜已凌人不能敬守神器穆靜邦內與

功暴師末期三出虛耗士民空竭府藏專擅國憲廢易由意假刑

劫眾大小屏息侍中武衛將軍都鄉侯俱受先帝囑寄之詔見其

姦虐日月滋甚將恐蕩搖宇宙傾危社稷奮其威怒精貫昊天計慮先於神明智勇百於荆聶躬持白刃梟恪殿堂勲超朱虛功越東牟國之元害一朝大除馳首徇示六軍喜踊日月增光風塵不動斯實宗廟之神靈天人之同驗也今恪父子三首縣市積日觀者數萬訾聲成風國之大刑無所不震長老孩幼無不畢見人情之於品物樂極則哀生見恪貴盛世莫與貳身處台輔中間歷年今之誅夷無異禽獸觀訖情反能不憐然且已死之人與土壤同域鑿掘斫刺無所復加願聖朝稽則乾坤怒不極旬使其鄉邑若故吏民收以士伍之服惠以三寸之棺昔項籍受殯葬之施韓信獲收斂之恩斯則漢高發神明之譽也惟陛下敷三皇之仁垂哀矜之心使國澤加於辜戮辜戮之骸復受不已之恩於以揚聲遐方沮勸天下豈不弘哉昔欒布矯命彭越臣竊恨之不先請主上

而專名以肆情其得不誅實為幸耳今臣不敢章宣愚情以露天

恩謹伏手書冒昧陳聞乞聖朝哀察於是亮峻聽恪故吏斂葬遂

求之於石子岡

江表傳曰朝臣有乞為恪立碑以名其勲績者博士盛冲以為不應孫休曰盛夏出軍士卒傷損無尺寸之功不可謂能受託孤之任死於豎子之

手不可謂智冲議為是遂復

始恪退軍還聶友知其將敗書與滕胤曰當人彊盛河

山可拔一朝羸縮人情萬端言之悲歎恪誅後孫峻忌友欲以為

鬱林太守友發病憂死友字文悌豫章人也

吳錄曰友有辱吻少為縣吏虞翻徙交州縣令使友送之翻與

語而奇焉為書與豫章太守謝斐令以為功曹郡時見有功曹斐見之問曰縣吏聶友可堪何職對曰此人縣間小吏耳猶可堪曹佐斐曰論者以為宜作功曹君其避之乃用為功曹使至都諸葛恪友之時論謂顧子嘿子直其間無所復容恪欲以友居其間由是知名後為將討儋耳還拜丹楊太守年三十三卒

滕胤字承嗣北海劇人也伯父耽父胄與劉繇州里通家以世擾

亂渡江依繇孫權為車騎將軍拜耽右司馬以寬厚稱早卒無嗣

胄善屬文權待以賓禮軍國書疏常令損益潤色之亦不幸短命

權為吳王追錄舊恩封胤都亭侯少有節操美儀容

吳書曰胤年十二而孤單笄立能治

當時重慶仲淵
如此

滕胤潤色

在上御書

身厲行爲人白哲威儀可觀每正朔朝賀修勤在位大臣見者無不歎賞

吳郡會稽所在見稱吳書曰胤上表陳及時宜及民間優劣多所匡弼權以胤故增重弱冠尚公主年二十起家爲丹楊太守徙

之際受伊霍之託入安本朝出摧強敵名聲振於海內天下莫不

震動萬姓之心冀得蒙君而息今猥以勞役之後與師出征民疲

力屈遠主有備若攻城不克野畧無獲是喪前勞而招後責也不

如案甲息師觀隙而動且兵者大事事以衆濟衆苟不悅君獨安

之恪曰諸云不可者皆不見計算懷居苟安者也而子復以爲然

吾何望乎夫以曹芳闇劣而政在私門彼之臣民固有離心今吾

因國家之資藉戰勝之威則何往而不克哉以胤爲都下督掌統

留事胤白日接賓客夜省文書或通曉不寐吳書曰胤寵任彌高接士愈勤表奏書疏皆自經意不以委下

孫峻字子遠孫堅弟靜之曾孫也靜生嵩嵩生恭爲散騎侍郎恭

生峻少便弓馬精果膽決孫權末徙武衛都尉爲侍中權臨薨受

遺輔政領武衛將軍故典宿衛封都鄉侯既誅諸葛恪遷丞相大

將軍督中外諸軍事假節進封富春侯滕胤以恪子竦妻父辭位

峻曰蘇禹罪不相及滕侯何爲峻胤雖內不沾洽而外相包容進

胤爵高密侯共事如前吳錄曰羣臣上奏共推峻爲太尉議胤爲司徒時有媚峻者以爲大統宜在公族若滕胤爲亞公聲名素重衆心所附不

可貳也乃表以峻爲丞相又不峻素無重名驕矜險害多所刑殺百姓囂然

又姦亂宮人與公主魯班私通五鳳元年吳侯英謀殺峻英事泄

死二年魏將母丘儉文欽以衆叛與魏人戰於樂嘉峻帥驃騎將

軍呂據左將軍留贊襲壽春會欽敗降軍還吳書曰留贊字正明會稽長山

戰手斬得桓贊一足被創遂屈不伸然性烈好讀兵書及三史每覽古良將戰攻之勢輒對書獨

歎因呼諸近親謂曰今天下擾亂英豪竝起歷觀前世富貴非有常人而我屈躓在閭巷之間存

亡無以異今欲割引吾足幸不死而足申幾復見用死則已矣親戚皆難之有問贊乃以刀自割

其筋血流滂沱氣絕良久家人驚怖亦以旣爾遂引申其足足申創愈以得蹉步凌統之聞之請

事權之登將自
此構失亂與
持未文故無取耳

有窮究悲苦之
言對之流涕

三史已見
相先先生云
東觀記也

與相見甚奇之乃表薦贊遂被試用有戰功稍遷屯騎校尉時事得失每常規諫好直言不阿旨
權以此憚之諸葛恪征東興贊為前部合戰先陷陣大敗魏師遷左將軍孫峻征淮南投贊節拜
左護軍未至壽春道路病發峻令贊將車重先還魏將蔣班以步騎四千追贊贊病困不能整陣
知必敗乃解曲蓋印綬付弟子以歸曰吾自為將破敵塞旌未嘗負敗今病困兵羸眾寡不敵汝
速去矣俱死無益於國適所以快敵耳弟子不肯受拔刀欲斫之乃去初贊為將臨敵必先被髮
呼天因抗音而歌左右應之畢乃進戰戰無不克及敗歎曰吾戰有常術今病困若此固命也遂
被害時年七十二眾庶痛惜焉二子畧平並為大將是歲蜀使來聘將軍孫儀孫邵綝恂等欲因會殺

峻事泄儀等自殺死者數十人并及公主魯育峻欲城廣陵朝臣
知其不可城而畏之莫敢言唯滕胤諫止不從而功竟不就其明
年文欽說峻征魏峻使欽與呂據車騎劉纂鎮南朱異前將軍唐
咨自江都入淮泗以圖青徐峻與胤至石頭因餞之領從者百許
人入據營據御軍齊整峻惡之稱心痛去遂夢為諸葛恪所擊恐
懼發病死時年三十八以後事付綝

孫綝字子通與峻同祖綝父綽為安民都尉綝始為偏將軍及峻
死為侍中武衛將軍領中外諸軍事代知朝政呂據聞之大恐與

劉承
劉承印下

諸督將連名共表薦滕胤為丞相綝更以胤為大司馬代呂岱駐
武昌據引兵還使人報胤欲共廢綝綝聞之遣從兄慮將兵逆據

於江都使中使勅文欽劉纂唐咨等合眾擊據遣侍中左將軍華
融中書丞丁晏告胤取據并喻胤宜速去意胤自以禍及因留融
晏勒兵自衛召典軍楊崇將軍孫咨告以綝為亂迫融等使有書
難綝綝不聽表言胤反許將軍劉丞以封爵使率兵騎急攻圍胤

胤又劫融等使詐詔發兵融等不從胤皆殺之文士傳曰華融字德麤廣陵江都人祖父避亂居山

陰蕊山下時皇象亦寓居山陰吳郡張溫來就象學欲得所舍或告溫曰蕊山下有華德麤者雖年少美有令志可舍也溫遂止融家朝夕談講俄而溫為選部尚書乃擢融為太子庶子遂知名顯達融子諱以才辯稱晉祕書監胤顏色不變譚笑若常或勸胤引兵至蒼龍門將士見公出必委綝就公時夜已半胤恃與據期又難舉兵向宮乃約令部曲說呂侯以在近道故皆為胤盡死無離散者時大風比曉據不至綝兵大會遂殺胤及將士數十人夷胤三族臣松之以為孫

張溫止平
張之舍

孫綝傳

孫綝傳

三國志卷之四十四
雖凶虐與滕胤宿無嫌隙胤若且順胤意出鎮武昌豈徒
免當時之禍仍將永保元吉而犯機觸害自取夷滅悲夫
胤遷大將軍假節封永寧

侯負責倨傲多行無禮初峻從弟慮與誅諸葛恪之謀峻厚之至
右將軍無難督授節蓋平九官事胤遇慮薄於峻時慮怒與將軍
王惇謀殺胤胤殺惇慮服藥死魏大將軍諸葛誕舉壽春叛保城
請降吳遣文欽唐咨全端全懌等帥三萬人救之魏鎮南將軍王
基圍誕欽等突圍入城魏悉中外軍二十餘萬增誕之圍朱異帥
三萬人屯安豐城為文欽勢魏兗州刺史州泰拒異於陽淵異敗
退為泰所追死傷二千人胤於是大發卒出屯鑊里復遣異率將
軍下奉黎斐等五萬人攻魏留輜重於都陸異屯黎漿遣將軍任
度張震等募勇敢六千人於屯西六里為浮橋夜渡築偃月壘為
魏監軍石苞及州泰所破軍却退就高異復作車箱圍趣五木城
苞泰攻異異敗歸而魏太山太守胡烈以奇兵五千詭道襲都陸

州泰事
補魏志

偃月壘

盡焚異資糧胤授兵二萬人使異死戰異不從胤斬之於鑊里而
遣弟恩救會誕敗引還胤既不能拔出誕而喪敗士眾自戮名將
莫不怨之胤以孫亮始親政事多所難問甚懼還建業稱疾不朝
築室于朱雀橋南使弟威遠將軍據入蒼龍宿衛弟武衛將軍恩
偏將軍幹長水校尉闔分屯諸營欲以專朝自固亮內嫌胤乃推
魯育見殺本末責怒虎林督朱熊熊弟外部督朱損不匡正孫峻
乃令丁奉殺熊於虎林殺損於建業胤入諫不從亮遂與公主魯
班太常全尚將軍劉承議誅胤亮妃胤從姊妹也以其謀告胤胤
率眾夜襲全尚遣弟恩殺劉承於蒼龍門外遂圍宮

江表傳曰亮召全尚息黃門侍郎紀

密謀曰孫胤專勢輕小於孤孤見勅之使速上岸為唐咨等作援而留湖中不上岸一步又委罪
朱異擅殺功臣不先表聞築第橋南不復朝見此為自在無復所畏不可久忍令規取之卿父作
中軍都督使密嚴整士馬孤當自出臨橋帥宿衛虎騎左右無難一時圍之作版詔勅胤所領皆
解散不得舉手正爾自得之無卿去但當使密耳卿宜詔語卿父勿令卿母知之女人既不曉大
事且胤同堂姊避泄泄漏誤孤非小也紀承詔以告尚尚無遠慮以語紀母母使人密語胤胤夜
發嚴兵廢亮比明兵已圍宮亮大怒上馬帶鞭執弓欲出曰孤大皇帝之適子在位已五年誰敢

三國志卷之四十四

十一

孟宗恨于此無大
節可紀與王祥
行四已 孟宗
愧桓侯

不從者侍中近臣及乳母共牽攀止之乃不得出歎咤二日不食罵其妻曰爾父憤憤敗我大事
又呼紀紀曰臣父奉詔不謹負上無面目復見因自殺孫盛曰亮傳稱亮少聰慧勢當先與紀謀
不先令妻知也江表傳說
漏泄有白於事為詳矣
使光祿勳孟宗告廟廢亮召羣司議曰少帝荒病

昏亂不可以處大位承宗廟以告先帝廢之諸君若有不同者下
異議皆震怖曰唯將軍令
班告遠近尚書桓彝不肯署名
班怒殺之
漢晉春秋曰彝魏尚書令階之弟
吳錄曰晉武帝問薛瑩吳之名臣

休曰綝以薄才見授大任不能輔導陛下頃月以來多所造立親
近劉承悅於美色發吏民婦女料其好者留於宮內取兵子弟十
八已下三千餘人習之苑中連日續夜大小呼嗟敗壞藏中矛戟

五千餘枚以作戲具朱據先帝舊臣子男熊損皆承父之基以忠
義自立昔殺小主自是大主所創帝不復精其本末便殺熊損諫
不見用諸下莫不側息帝於宮中作小船三百餘艘成以金銀師

工晝夜不息太常全尚累世受恩不能督諸宗親而全端等委城
就魏尚位過重曾無一言以諫陛下而與敵往來使傳國消息懼
必傾危社稷推案舊典運集大王輒以今月二十七日擒尚斬承

以帝為會稽王遣楷奉迎百寮喁喁立佳道側綝遣將軍孫耽送
亮之國徙尚於零陵遷公主於豫章
後漢書張禹為揚州刺史嘗曰
亮意彌溢侮慢民神遂燒大
橋頭伍子胥廟又壞浮屠祠斬道人休既即位稱草莽臣詣闕上

書曰臣伏自省才非幹國因緣肺腑位極人臣傷錦敗駕罪負彰
露尋愆惟闕夙夜憂懼臣聞天命棊謀必就有德是以幽厲失度
周宣中興陛下聖德纂承大統宜得良輔以協雍熙雖堯之盛猶

求稷契之佐以協明聖之德古人有言陳力就列不能者止臣雖
自展竭無益庶政謹上印綬節鉞退還田里以避賢路休引見慰
諭又下詔曰朕以不德守藩于外值茲際會羣公卿士暨于朕躬

義山何足羨
年姓是其記
也

劉宗周南渡時
上書號草莽臣
自是不觀史書
之大

劉宗周南渡時
上書號草莽臣
自是不觀史書
之大

劉宗周南渡時
上書號草莽臣
自是不觀史書
之大

日者作自
宋本無以是
先帝四字

宋本無班
字

管幼安
上疏亦稱
草莽臣
載山其
本於多
安乎

以奉宗廟朕用憮然若涉淵水大將軍忠計內發扶危定傾安康社稷功勳赫然昔漢孝宣踐阼霍光尊顯褒德賞功古今之通義也其以大將軍爲丞相荊州牧食五縣恩爲御史大夫衛將軍據右將軍皆縣侯幹雜號將軍亭侯闔亦封亭侯絺一門五侯皆典禁兵權傾人主自吳國朝臣未嘗有也絺奉牛酒詣休休不受齋詣左將軍張布酒酣出怨言曰初廢少主時多勸吾自爲之者吾以陛下賢明故迎之帝非我不立今上禮見拒是與凡臣無異當復改圖耳布以言聞休休銜之恐其有變數加賞賜又復加恩侍中與絺分省文書或有告絺懷怨侮上欲圖反者休執以付絺絺殺之由是愈懼因孟宗求出屯武昌休許焉盡勅所督中營精兵萬餘人皆令裝載所取武庫兵器咸令給與

吳歷曰絺求中書兩郎典知荊州諸軍事主者奏中書不應外

出休特聽之其所請水一皆給與

將軍魏邈說休曰絺居外必有變武衛士施朔又告絺

欲反有徵休密問張布布與丁奉謀於會殺絺永安元年十二月丁卯建業中謠言明會有變絺聞之不悅夜大風發木揚沙絺益恐戊辰臘會絺稱疾休彊起之使者十餘輩絺不得已將入衆止焉絺曰國家屢有命不可辭可豫整兵令府內起火因是可得速還遂入尋而火起絺求出休曰外兵自多不足煩丞相也絺起離席奉布目左右縛之絺叩頭曰願徙交州休曰卿何以不徙滕胤呂據絺復曰願沒爲官奴休曰何不以胤據爲奴乎遂斬之以絺首令其衆曰諸與絺同謀皆赦放仗者五千人闔乘船欲北降追殺之夷三族發孫峻棺取其印綬斲其木而埋之以殺魯育等故也絺死時年二十八休恥與峻絺同族特除其屬籍稱之曰故峻故絺云休又下詔曰諸葛恪滕胤呂據蓋以無罪爲峻絺兄弟所見殘害可爲痛心促皆改葬各爲祭奠其罹恪等事見遠徙者一

切召還

濮陽興字子元陳留人也父逸漢末避亂江東官至長沙太守

逸事

見陸瑁傳興少有士名孫權時除上虞令稍遷至尚書左曹以五官中郎

將使蜀還為會稽太守時琅邪王休居會稽興深與相結及休即

位徵興為太常衛將軍平軍國事封外黃侯永安三年都尉嚴密

建丹陽湖田作浦里塘詔百官會議咸以為用功多而田不保成

唯興以為可成遂會諸兵民就作功傭之費不可勝數士卒死亡

或自賊殺百姓大怨之興遷為丞相與休寵臣左將軍張布共相

表裏邦內失望七年七月休薨左典軍萬彧素與烏程侯孫皓善

乃勸興布於是興布廢休適子而迎立皓皓既踐阼加興侍郎領

青州牧俄或譖興布追悔前事十一月朔入朝皓因收興布徙廣

州道追殺之夷三族

評曰諸葛恪才氣幹畧邦人所稱然驕且吝周公無觀況在於恪
矜已陵人能無敗乎若躬行所與陸遜及弟融之書則悔吝不至
何尤禍之有哉滕胤厲修士操遵蹈規矩而孫峻之時猶保其貴
必危之理也峻絀凶豎盈溢固無足論者濮陽興身居宰輔慮不
經國協張布之邪納萬彧之說誅夷其宜矣

讀諸葛恪傳雖孟堅當無以過吳書中惟陸伯言事似稍煩冗他傳亦篇可觀周

韋華薛之徒其書本勝經其整比乃遂逼前良耳

吳書二十

三國志六十五

王樓賀韋華傳第二十

諸臣皆以忠直譴死人之云亡邦國殄瘁哀哉

王蕃字永元廬江人也博覽多聞兼通術藝始為尚書郎去官孫
休卽位與賀邵薛瑩虞汜俱為散騎中常侍皆加駙馬都尉時論
清之遣使至蜀蜀人稱焉還為夏口監軍孫皓初復入為常侍與

萬或同官或與皓有舊俗士挾侵謂蕃自輕又中書丞陳聲皓之
雙臣數譖毀蕃蕃體氣高亮不能承顏順指時或迂意積以見責
其露二年丁忠使晉還皓大會羣臣蕃沈醉頓伏皓疑而不悅舉
蕃出外頃之請還酒亦不解蕃性有威嚴行止自若皓大怒呵左
右於殿下斬之衛將軍滕牧征西將軍留平請不能得

江表傳曰皓用
巫史之言謂建

永元傳劉洪乾
象依乾象去而
制渾儀立論考
度具載宋書天
文中志此注未
可謂疎也

業當不利乃西巡武昌仍有遷都之意恐羣臣不從乃大請會賜將吏問蕃射不主皮為力不同
料其義云何蕃思惟未答卽於殿上斬蕃出登來山使親近將跳蕃首作虎跳狼爭咋齒之頃皆
碎壞欲以示威使衆不敢犯也此與本傳不同 吳錄曰皓每於會因酒酣輒令侍臣嘲謔公卿
以為笑樂萬或既為左丞相蕃朝或曰魚潛於淵出水煦沫何則物有本性不可橫處非分也或

語見凱傳
趙疏實示
上不知此
以道引為

監農御史

出自谿谷羊質虎皮虛受光赫之寵跨越三九之位犬馬猶能識養將何以報厚施乎或曰唐虞
之朝無謬舉之才造父之門無驚蹇之質蕃上誣明選下訕植幹亦何傷於日月適多見其不知
量耳臣松之按本傳云丁忠使百還皓為大會於會中殺蕃檢忠從北
還在此年之春或時尚未為丞相至秋乃為相耳吳錄所言為非互不同
曰常侍王蕃黃中通理知天知物處朝忠蹇斯社稷之重鎮大吳
之龍逢也昔事景皇納言左右景皇欽嘉歎為異倫而陛下忿其
苦辭惡其直對臬之殿堂尸骸暴棄郡內傷心有識悲悼其痛蕃
如此蕃死時年三十九皓徙蕃家屬廣州二弟著延皆作佳器郭
馬起事不為馬用見害

樓玄字承先沛郡蘄人也孫休時為監農御史孫皓即位與王蕃
郭連萬或俱為散騎中常侍出為會稽太守入為大司農舊禁中
主者自用親近人作之或陳親密近職宜用好人皓因勅有司求
忠清之士以應其選遂用玄為宮下鎮禁中侯主殿中事玄從九
卿持乃侍衛正身率眾奉法而行應對切直數迂皓意漸見責怒

作字疑衍

郭連見
陸凱傳

後人誣白玄與賀邵相逢駐共耳語大笑謗訕政事遂被詔詰責
送付廣州東觀令華覈上疏曰臣竊以治國之體其猶治家主田
野者皆宜良信又宜得一人總其條目為作維綱眾事乃理論語
曰無為而治者其舜也與恭已正南面而已言所任得其人故優
遊而自逸也今海內未定天下多事事無大小皆當關聞動經御
坐勞損聖慮陛下既垂意博古綜極藝文加勤心好道隨節致氣
宜得閑靜以展神思呼翕清淳與天同極臣夙夜思惟諸吏之中
任幹之事足委杖者無勝於樓玄玄清忠奉公冠冕當世眾服其
操無與爭先夫清者則心平而意直忠者惟正道而履之如玄之
性終始可保乞陛下赦玄前愆使得自新擢之宰司責其後效使
為官擇人隨才授任則舜之恭已近亦可得皓疾玄名聲復徙玄
及子據付交趾將張奕使以戰自效陰別勅奕令殺之據到交趾

病死玄一身隨奕討賊持刀步涉見奕輒拜奕未忍殺會奕暴卒

玄殯斂奕於器中見勅書還便自殺江表傳曰皓遣將張奕追賜玄鴆奕以玄賢者不忍即宜詔致藥玄陰知之謂奕曰

當早告玄玄何惜邪即服藥死臣松之以玄之清高必不以安危易操無緣驟拜張奕以虧其節且禍機既發豈百拜所免江表傳所言於理為長

賀邵字興伯會稽山陰人也吳書曰邵賀齊之孫景之子孫休即位從中郎為散騎

中常侍出為吳郡太守孫皓時入為左典軍遷中書令領太子太

傅皓兇暴驕矜政事日弊邵上疏諫曰古之聖王所以潛處重闈

之內而知萬里之情垂拱衽席之上明照八極之際者任賢之功

也陛下以至德淑姿統承皇業宜率身履道恭奉神器印在字於賢表善

以康庶政自頃年以來朝列紛錯真偽相質上下空任文武曠位

外無山嶽之鎮內無拾遺之臣佞諛之徒拊翼天飛干弄朝威盜

竊榮利而忠良排墜信臣被害是以正士摧方而庸臣苟媚先意

承指各希時趣人執反理之評士吐詭道之論遂使清流變濁忠

臣結舌陛下處九天之上隱百重之室言出風靡令行景從親洽

寵媚之臣日聞順意之辭將謂此輩實賢而天下已平也臣心所

不安敢不以聞臣聞興國之君樂聞其過荒亂之主樂聞其譽聞

其過者過日消而福臻聞其譽者譽日損而禍至是以古之人君

揖讓以進賢虛已以求過譬天位於乘轉以虎尾為警戒至於陛

下嚴刑法以禁直辭黜善士以逆諫臣眩耀毀譽之實沈淪近習

之言昔高宗思佐夢寐得賢而陛下求之如忘忽之如遺故常侍

王蕃忠恪在公才任輔弼以醉酒之間加之大戮近鴻臚葛奚先

帝舊臣偶有逆迂昏醉之言耳三爵之後禮所不諱陛下猥發雷

霆謂之輕慢飲之醇酒中毒隕命自是之後海內悼心朝臣失圖

仕者以退為幸居者以出為福誠非所以保光洪緒熙隆道化也

又何定本趨走小人僕隸之下身無錙銖之行能無鷹犬之用而

華嚴教數
以良規不
如師之一疏
子方云拜乃以上
處耳非求免
從子非燕地吳

陛下愛其佞媚假其威柄使定恃寵放恣自擅威福口正國議手弄天機上虧日月之明下塞君子之路夫小人求入必進姦利定間妄興事役發江邊戍兵以驅麋鹿結置山陵芟夷林莽殫其九野之獸聚於重圍之內上無益時之分下有損耗之費而兵士罷於運送人力竭於驅逐老弱饑凍大小怨歎臣竊觀天變自比年以來陰陽錯謬四時逆節日食地震中夏隕霜參之典籍皆陰氣陵陽小人弄勢之所致也臣嘗覽書傳驗諸行事災祥之應所爲寒慄昔高宗修己以消鼎雉之異宋景崇德以退熒惑之變願陛下上懼皇天譴告之誚下追二君攘災之道遠覽前代任賢之功近寤今日謬授之失清澄朝位旌敘俊乂放退佞邪抑奪姦勢如是之輩一勿復用廣延淹滯容受直辭祇承乾指敬奉先業則大化光敷天人望塞也傳曰國之興也視民如赤子其亡也以民爲

草芥陛下昔韜神光潛德東夏以聖哲茂姿龍飛應天四海延頸八方拭目以成康之化必隆於旦夕也自登位以來法禁苛賦調益繁中宮內豎分布州郡橫興事役競造姦利百姓罹杼軸之困黎民罷無已之求老幼饑寒家戶菜色而所在長吏迫畏罪負嚴法峻刑苦民求辦是以人力不堪家戶離散呼嗟之聲感傷和氣又江邊戍兵遠當以拓土廣境近當以守界備難宜時優育以待有事而徵發賦調煙至雲集衣不全短褐食不瞻朝夕出當鋒鏑之難入抱無聊之感是以父子相棄叛者成行願陛下寬賦除煩振恤窮乏省諸不急盪禁約法則海內樂業大化普洽夫民者國之本食者民之命也今國無一年之儲家無經月之畜而後宮之中坐食者萬有餘人內有離曠之怨外有損耗之費使庫廩空於無用士民飢於糟糠又北敵注目伺國盛衰陛下不恃已之威

德而怙敵之不來忽四海之困窮而輕虜之不為難誠非長策廟
勝之要也昔大皇帝勤身苦體創基南夏割據江山拓土萬里雖
承天贊實由人力也餘慶遺祚至於陛下陛下宜勉崇德器以光
前烈愛民養士保全先軌何可忽顯祖之功勤輕難得之大業忘
天下之不振替興衰之巨變哉臣聞否泰無常吉凶由人長江之
限不可久恃苟我不守一葦可航也昔秦建皇帝之號據殽函之
阻德化不修法政苛酷毒流生民忠臣杜口是以一夫大呼社稷
傾覆近劉氏據三關之險守重山之固可謂金城石室萬世之業
任授失賢一朝喪沒君臣係頸共為羈僕此當世之明鑒目前之
炯戒也願陛下遠考前事近覽世變豐基疆本割情從道則成康
之治興而聖祖之祚隆矣書奏皓深恨之邵奉公貞正親近所懼
乃共譖邵與樓玄謗毀國事俱被詰責玄見送南州邵原復職後

邵中惡風口不能言去職數月皓疑其託疾收付酒藏掠考干所

邵卒無一語竟見殺害家屬徙臨海并下詔誅玄子孫是歲天冊

元年也邵年四十九邵子循字彥先虞預晉書曰循丁家禍流放海濱吳平還鄉里節操高厲童胤不羣言行舉動必以禮讓好學博聞尤善三禮舉秀

才除陽羨武康令顧榮陸機陸雲表薦循曰伏見吳興武康令賀循德量遠茂才鑒清遠服膺道素風操凝峻歷踐三城刑政肅穆守職下縣編名凡萃出自新邦朝無知已恪居遐外志不自營年時倏忽而逝無階緒實州黨愚智所為悵然臣等並以凡才累授飾進被服恩澤忝豫朝末知良士後時而守局無言懼有蔽賢之咎是以不勝愚管謹冒死表聞又之召為太子舍人右沐破揚州循亦合眾事平杜門不出陳敏作亂以循為丹陽內史循稱疾固辭敏不敢逼於楚江東豪右無不受敏爵位惟循與同郡朱誕不挂賊網後除吳國內史不就元皇帝為鎮東將軍請循為軍司馬帝為晉王以循為中書令固讓不受轉太常領太子太傅時朝廷初建勳有疑議宗廟制度皆循所定朝野諮詢為一時儒宗年六十大興二年卒追贈司空諡曰穆循諸所著論並傳於世

韋曜字弘嗣吳郡雲陽人也曜本名昭史為晉諱改之少好學能屬文從丞相掾除

西安令還為尚書郎遷太子中庶子時蔡穎亦在東宮性好博奕太子和以為無益命曜論之其辭曰蓋聞君子恥當年而功不立疾沒世而名不稱故曰學如不及猶恐失之是以古之志士悼年

沐元板水書正作水時公本

二五

齒之流邁而懼名稱之不立也故勉精厲操晨興夜寐不遑寧息
經之以歲月累之以日力若甯越之勤董生之篤漸漬德義之淵
棲遲道藝之域且以西伯之聖姬公之才猶有日昃待旦之勞故
能隆興周道垂名億載况在臣庶而可以已乎歷觀古今立功名
之士皆有累積殊異之迹勞身苦體契闊勤思平居不墮其業窮
困不易其素是以下式立志於耕牧而黃霸受道於囹圄終有榮
顯之福以成不朽之名故山甫勤於夙夜而吳漢不離公門豈有
游惰哉今世之人多不務經術好翫博奕廢事棄業忘寢與食窮
日盡明繼以脂燭當其臨局交爭雌雄未決專精銳意心勞體倦
人事曠而不修賓旅闕而不接雖有太牢之饌韶夏之樂不暇存
也至或賭及衣物徒慕易行廉恥之意弛而忿戾之色發然其所
志不出一枰之上所務不過方罫之間勝敵無劫爵之賞獲地無

兼士之實技非六藝用非經國立身者不階其術徵選者不由其
道求之於戰陣則非孫吳之倫也考之於道藝則非孔氏之門也
以變詐爲務則非忠信之事也以劫殺爲名則非仁者之意也而
空妨日廢業終無補益是何異設木而擊之置石而投之哉且君
子之居室也勤身以致養其在朝也竭命以納忠臨事且猶肝食
而何博奕之足耽夫然故孝友之行立貞純之名彰也方今大吳
受命海內未平聖朝乾乾務在得人勇畧之士則受熊虎之任儒
雅之徒則處龍鳳之署百行兼苞文武竝驚博選良才旌簡髦俊
設程試之科垂金爵之賞誠千載之嘉會百世之良遇也當世之
士宜勉思至道愛功惜力以佐明時使名書史籍勲在盟府乃君
子之上務當今之先急也夫一木之枰孰與方國之封枯棊三百
孰與萬人之將袞龍之服金石之樂足以兼棊局而賀博奕矣假

令世士移博奕之力而用之於詩書是有顏閔之志也用之於智
計是有良平之思也用之於資貨是有猗頓之富也用之於射御
是有將帥之備也如此則功名立而鄙賤遠矣和廢後爲黃門侍
郎孫亮卽位諸葛恪輔政表曜爲太史令撰吳書華覈薛瑩等皆
與參同孫休踐阼爲中書郎博士祭酒命曜依劉向故事校定衆
書又欲延曜侍講而左將軍張布近習寵幸事行多玷懼曜侍講
儒士又性精確懼以古今警戒休意固爭不可休深恨布語在休
傅然曜竟止不入孫皓卽位封高陵亭侯遷中書僕射職省爲侍
中常領左國史時在所承指數言瑞應皓以問曜曜答曰此人家
筐篋中物耳又皓欲爲父和作紀曜執以和不登帝位宜名爲傳
如是者非一漸見責怒曜益憂懼自陳衰老求去侍史二官乞欲
成所造書以後業別有所付皓終不聽時有疾病醫藥監護持之

愈急皓每饗宴無不竟日坐席無能否率以七升爲限雖不悉入
口皆澆灌取盡曜素飲酒不過三升初見禮異時常爲裁減或密
賜茶薺以當酒至於寵衰更見偏彊輒以爲罪又於酒後使侍臣
難折公卿以嘲弄侵克發摘私短以爲歡時有愆過或誤犯皓諱
輒見收縛至於誅戮曜以爲外相毀傷內長尤恨使不濟濟非佳
事也故但示難問經義言論而已皓以爲不承用詔命意不忠盡
遂積前後嫌忿收曜付獄是歲鳳皇二年也曜因獄吏上辭曰囚
荷恩見哀無與爲比曾無芒菴有以上報孤辱恩寵自陷極罪念
當灰滅長棄黃泉愚情悽悽竊有所懷貪令上聞囚昔見世間有
古歷注其所紀載紀多虛無在書籍者亦復錯謬因尋按傳記考
合異同采摭耳目所及以作洞紀起自庖犧至于秦漢凡爲三卷
當起黃武以來別作一卷事尚未成又見劉熙所作釋名信多佳

者然物類衆多難得詳究故時有得失而爵位之事又有非是愚以官爵今之所急不宜乖誤因自忘至微又作官職訓及辯釋名各一卷欲表上之新寫始畢會以無狀幽囚待命泯沒之日恨不上聞謹以先死列狀乞上言祕府於外料取呈內以聞追懼淺蔽不合天聽抱怖雀息乞垂哀省矐與以此求免而皓更怪其書之垢故又以詰矐矐對曰因撰此書實欲表上懼有誤謬數數省讀不覺點污被問寒戰形氣訥吃謹追辭叩頭五百下兩手自搏而華震連上疏救矐曰矐運值千載特蒙哀識以其儒學得與史官貂蟬內侍承合天問聖朝仁篤慎終追遠迎神之際垂涕勅矐矐愚惑不達不能敷宣陛下大舜之美而拘繫史官使聖趣不敘至行不彰實矐愚蔽當死之罪然臣悽悽見矐自少勤學雖老不倦探綜墳典溫故知新及意所經識古今行事外吏之中少過矐者

宋本無運字宋本作未

行事錄
三任事也
如平

昔李陵為漢將軍敗不還而降匈奴司馬遷不加疾惡為陵遊說漢武帝以遷有良史之才欲使畢成所撰忍不加誅書卒成立垂之無窮今矐在吳亦漢之史遷也伏見前後符瑞彰著神指天應繼出累見一統之期庶不復久事平之後當觀時設制三王不相因禮五帝不相公樂質文殊塗損益異體宜得矐輩倭準古義有所改立漢氏承秦則有叔孫通定一代之儀矐之才學亦漢通之次也又吳書雖已有頭角敘贊未述昔班固作漢書文辭典雅後劉珍劉毅等作漢記遠不及固敘傳尤劣今吳書當垂千載編次諸史後之才士論次善惡非得良才如矐者實不可使闕不朽之書如臣頑蔽誠非其人矐年已七十餘數無幾乞赦其一等之罪為終身徒使成書業永足傳示垂之百世謹通進表叩頭百下皓不許遂誅矐徙其家零陵子隆亦有文學也

初減死罪
一等

章隆

先板

漢通

吳郡吳郡
尉見字吉州郡
樓元居臨
農所史
報廷作保

華覈字永先吳郡武進人也始爲上虞尉典農都尉以文學入爲
祕府郎遷中書丞蜀爲魏所并覈詣宮門發表曰聞聞賊衆蟻聚
向西境西境報險謂當無虞定聞陸抗表至成都守臣主播越
社稷傾覆昔衛爲翟所滅而桓公存之今道里長遠不可救振失
委附之士棄貢獻之國臣以草芥竊懷不寧陛下聖仁恩澤遠撫
卒聞如此必垂哀悼臣不勝忡悵之情謹拜表以聞孫皓卽位封
徐陵亭侯寶鼎二年皓更營新宮制度弘廣飾以珠玉所費甚多
是時盛夏興工農守竝廢覈上疏諫曰臣聞漢文之世九州晏然
秦民喜去慘毒之苛政歸劉氏之寬仁省役約法與之更始分王
子弟以藩漢室當此之時皆以爲泰山之安無窮之基也至於賈
誼獨以爲可痛哭及流涕者二可爲長歎息者六乃曰當今之勢
何異抱火於積薪之下而寢其上火未及然而謂之安其後變亂

皆如其言臣雖下愚不識大倫竊以曩時之事揆今之勢誼云復
數年間諸王方剛漢之傅相稱疾罷歸欲以此爲治雖堯舜不能
安今大敵據九州之地有大半之衆習攻戰之餘術乘戎馬之舊
勢欲與中國爭相吞之計其猶楚漢勢不兩立非徒漢之諸王淮
南濟北而已誼之所欲痛哭比今爲緩抱火卧薪之喻於今而急
大皇帝覽前代之如彼察今勢之如此故廣開農桑之業積不訾
之儲恤民重役務養戰士是以大小感恩各思竭命期運未至早
棄萬國自是之後疆臣專政上詭天時下違衆議忘安存之本邀
一時之利數興軍旅傾竭府藏兵勞民困無時獲安今之存者乃
創夷之遺衆哀苦之餘民耳遂使軍資空匱倉廩不實布帛之賜
寒暑不周重以失業家戶不贍而北積穀養民專心東向無復他
警蜀爲西藩土地險固加承先主統御之術謂其守御足以長久

不圖一朝奄至傾覆唇亡齒寒古人所懼交州諸郡國之南土交
吐九真二郡已沒日南孤危存亡難保合浦以北民皆搖動因連
避役多有離叛而備戍減少威鎮轉輕常恐呼吸復有變故昔海
虜窺窬東縣多得離民地習海行狃於往年鈔盜無日今胸背有
嫌首尾多難乃國朝之厄會也誠宜住建立之役先備豫之計勉
墾殖之業爲飢乏之救惟恐農時將過東作向晚有事之日整嚴
未辨若舍此急盡力功作卒有風塵不虞之變當委版築之役應
烽燧之急驅怨苦之衆赴白刃之難此乃大敵所因爲資也如但
固守曠日持久則軍糧必乏不待接刃而戰士已困矣昔太戊之
時桑穀生庭懼而修德怪消殷興熒惑守心宋以爲災景公下從
瞽史之言而熒惑退舍景公延年夫修德於身而感異類言發於
口而通神明臣以愚蔽誤忝近署不能翼宣仁澤以感靈祇仰慙

俯愧無所投處退伏思惟熒惑桑穀之異天示二主至如他餘錙
介之妖近是門庭小神所爲驗之天地無有他變而徵祥符瑞前
後屢臻明珠旣覲白雀繼見萬億之祚實靈所挺以九域爲宅天
下爲家不與編戶之民轉徙同也又今之宮室先帝所營卜土立
基非爲不祥又楊市土地與宮連接若大功畢竟興駕遷住門行
之神皆當轉移猶恐長久未必勝舊屢遷不可留則有嫌此乃愚
臣所以夙夜爲憂灼也臣省月令季夏之月不可以興土功不可
以會諸侯不可以起兵動衆舉大事必有大殃今雖諸侯不會諸
侯之軍與會無異六月戊巳土行正王旣不可犯加又農月時不
可失昔魯隱公夏城中丘春秋書之垂爲後戒今築宮爲長世之
洪基而犯天地之大禁襲春秋之所書廢敬授之上務臣以愚管
竊所未安又恐所召離民或有不至討之則廢役興事不討日月

後漢作漢書

滋慢若悉竝到大眾聚會希無疾病且人心安則念善苦則怨叛
江南精兵北土所難欲以十卒當東一人天下未定深可憂惜之
如此宮成死叛五千則北軍之眾更增五萬若到萬人則倍益十
萬病者有死亡之損叛者傳不善之語此乃大敵所以歡喜也今
當角力中原以定疆弱正於際會彼益我損加以勞困此乃雄夫
智士所以深憂臣聞先王治國無三年之儲曰國非其國安寧之
世戒備如此況敵疆大而忽農忘畜今雖頗種殖間者大水沉沒
其餘存者當須耘穫而長吏怖期上方諸郡身涉山林盡力伐材
廢農棄務士民妻孥羸小墾殖又薄若有水旱則永無所獲州郡
見米當待有事冗食之眾仰官供濟若上下空乏運漕不供而北
敵犯疆使周召更生良平復出不能為陛下計明矣臣聞君明者
臣忠主聖者臣直是以悽悽昧犯天威乞垂哀省書奏皓不納後

宋本

遷東觀令領右國史敷上疏辭讓皓答曰得表以東觀儒林之府
當講校文藝處定疑難漢時皆名學碩儒乃任其職乞更選英賢
聞之以卿研精墳典博覽多聞可謂悅禮樂敦詩書者也當飛翰
聘藻光贊時事以越楊班張蔡之疇怪乃謙光厚自菲薄宜勉修
所職以邁先賢勿復紛紛時倉廩無儲世俗滋侈敷上疏曰今寇
虜充斥征伐未已居無積年之儲出無應敵之畜此乃有國者所
宜深憂也夫財穀所生當出於民趨時務農國之上急而都下諸
官所掌別異各自下調不計民力輒與近期長吏畏罪晝夜催民
委舍佃事違赴會日定送到都或蘊積不用而徒使百姓消力失
時到秋收月督其限入奪其播殖之時而責其今年之稅如有逋
懸則籍沒財物故家戶貧困衣食不足宜暫息眾役專心農桑古
人稱一夫不耕或受其飢一女不織或受其寒是以先王治國惟

農是務軍興以來已向百載農人廢南畝之務女工停機杼之業
推此揆之則蔬食而長飢薄衣而履水者固不少矣臣聞主之所
求於民者二民之所望於主者三二謂求其爲已勞也求其爲已
死也三謂飢者能食之勞者能息之有功者能賞之民以致其二
事而主失其三望者則怨心生而功不建今帑藏不實民勞役猥
主之二求已備民之三望未報且飢者不待美饌而後飽寒者不
俟狐貉而後溫爲味者口之奇文繡者身之飾也今事多而役繁
民貧而俗奢百工作無用之器婦人爲綺靡之飾不勤麻枲並繡
文黼黻轉相倣效恥獨無有兵民之家猶復逐俗內無擔石之儲
而出有綾綺之服至於富賈商販之家重以金銀奢恣尤甚天下
未平百姓不贍宜一生民之原豐穀息之業而棄功於浮華之巧
防日於侈靡之事上無尊卑等級之差下有耗財費力之損今吏

士之家少無子女多者三四少者一二通令戶有一女十萬家則
十萬人人織績一歲一束則十萬束矣使四疆之內同心戮力數
年之間布帛必積恣民五色惟所服用但禁綺繡無益之飾且美
貌者不待華采以崇好豔姿者不待文綺以致愛五采之飾足以
麗矣若極粉黛窮盛服未必無醜婦廢華采去文繡未必無美人
也若實如論有之無益廢之無損者何愛而不暫禁以充府藏之
急乎此救乏之上務富國之本業也使管晏復生無以易此漢之
文景承平繼統天下已定四方無虞猶以彫文之傷農事錦繡之
害女工開富國之利杜飢寒之本況今六合分乖豺狼充路兵不
離疆甲不解帶而可以不廣生財之原充府藏之積哉皓以覈年
老勅令草表覈不敢又勅作草文停立待之覈爲文曰咨覈小臣
草芥凡庸遭眷值聖受恩特隆越從朽壤蟬蛻朝中熙光紫闥青

璣是憑茲挹清露沐浴凱風効無絲毫負闕山崇滋潤含垢恩貸
累重穢質被榮后命得融欲報罔極委之皇穹聖恩雨注哀棄其
尤猥命草對潤被下愚不敢違勅懼速罪誅冒承詔命魂逝形留
覈前後陳便宜及貢薦良能解釋罪過書百餘上皆有補益文多
不悉載天冊元年以微譴免數歲卒曜覈所論事章疏咸傳於世也
評曰薛瑩稱王蕃器量綽異弘博多通樓玄清白節操才理條暢
質邵厲志高潔機理清要韋曜篤學好古博見羣籍有記述之才
胡舟以為玄邵蕃一時清妙畧無優劣必不得已玄宜在先邵當
次之華覈文賦之才有過於曜而典誥不及也予觀覈獻獻良規
期於自盡庶幾忠臣矣然此數子處無妄之世而有名位強死其
理得免為幸耳

吳書二十

三國志六十五

直亮既盡國祿亦止史以是終所以垂戒

西川忠鳳閣
氏書

瑩言既不及
先故評家謂
之折衷然亦
以直廢

右硃筆臨何義門先生評本所云李者安溪李文貞云也
少章者義門弟子陳景雲也季方者吾邑陳汝楫亦
學於義門而在文貞公之門者也其評勘之要者已見於
讀書記及 殿本考證而未錄者尚多吾邑向有傳鈔
本少時屢見之今更兵燹亦罕有矣此本 翁文勤得於
壽春及入獄猶以自隨復加評勘墨筆其手書也公長
於兩漢之學嘗為余言三國志出入漢晉必合二書並
勘乃見首尾今觀所評貫串三史兼能發明祿祚苦
心使義門見之必當首肯歲丁卯冬從公弟耕平

祭酒假得在案頭者二年每一展閱如見故人今錄
副已畢爰重裝而歸之他日將公所評兩漢典此
合刊定與讀書記並傳也

同治九年庚午正月同里世侍生龐鍾珞附識





Large, stylized, mirrored watermark or stamp, possibly reading 'E3' or similar characters, centered across the page. The watermark is rendered in a light, semi-transparent grey color, appearing as a double-lined outline.



